

# *GO SIROLOLWA GA MODIMO*

 A re saleng re eme fela motsotso fa re santse re inamisitse ditlhogo tsa rona ka ntlha ya thapelo.

<sup>2</sup> Morena wa rona yo o Pelonomi, rona ammaaruri re lebogela gompieno tshiamelo ena e re nang le yone ya go phuthegela ga mmogo mo lefatsheng pele ga go Tla ga Morena. Mma re tlhatlhobeng dipelo tsa rona gompieno, ka Lefoko la Gago, mme re boneng fa e le gore re mo Tumelong, gore re tle re kgone go ipaakanyeletsa, eo, oura ya go Bonala ga Gagwe. Gore re tle re nne jaaka Lekwalo le buile gore go tlaa nna ka teng, “Ba ba tseetsweng kwa godimo ga mmogo, le bao ba ba robetseng, mme re kgathantshe Morena mo loaping, re bo re nna le Ena ka bosafeleng.”

<sup>3</sup> Re Go lebogela Mowa wa boammaaruri wa Sekeresete o o santseng o le mo lefatsheng, mo gare ga batho, gore ba santse ba Go dumela le Lefoko la Gago. Jalo re kopa ditshegofatso tsa Gago mo go rona gompieno, gore O tlaa nesetsa medupe mo go mongwe le mongwe wa rona ka nosi seo se re nang le letlhoko la sone, gore re tle re nosediwe ke Lefoko, gore re tle re golele go nna ditsompelo tsa go dirisiwa ka mo diatleng tsa Gago, ka ntlha ya letsatsi lena la bofelo. Gonnie re kopa sena mo Leineng la Morena Jesu Keresete, Modisa yo mogolo wa rona, yo re sololetseng gore a tlhagelele. Amen.

Lo ka nna lwa dula.

<sup>4</sup> Mme ke batla go buwa gore ke tsaya ena e le tshiamelo e ton a thata mosong ono ya go nna fano gape. Mme ke maswabi gore ga re na bonno jo bo lekaneng. Mme re ile go leka, bosigong jono, jaanong go nna le thapelo ya ba ba lwalang; gompieno, mosong ono, go tlaa nna mo go bokete gannyne.

<sup>5</sup> Mme—mme ke ne ke ile go theipa Molaetsa ona gompieno. Nna . . . Morena o nnile ekete o itebagantse le nna malebana le gone, ao, kgwedi kgotsa di le pedi tse di fetileng, mme o mo leelee. Mme ga ke na nako kwa ntle kwa dikopanong, ka gore re dumelela eo go nna tirelo ya metsotso e le masome a mararo, ya masome a manê. Mme re tlogre re . . . Ka lebaka la batho ba tshwanetse go ya tirong le dilo, ke go fitlhetsi go le botoka fa ke dira Melaetsa ya me e mekhutshwane. Mme ba ne ba se na nako golo koo go o gatisa, jalo ke ne ka akanya gore fela ke tlaa leta go tsamaya ke goroga mo motlaaganeng fano mme ka nako eo ke o gatise go tloga fano. Mme ona ke o moleele ga nnye, mme ke—ke a itse gore lo eme, mme ke—ke ile go itlhaganelo fela ka bonako jaaka ke ka kgona ka teng. Mme, jaanong, ga lo tle go ntshwenya fa lo ananya manno, kgotsa le fa e ka nna dife tse dingwe, moo go tlaa—moo go tlaa nna mo go itekanetseng go siame mo go nna

ka gore lena ke letsatsi le le faphegileng gore fela rona re dira dikgatiso tsena.

<sup>6</sup> Mme jalo he rona re na le dipego tse di siameng thata ka ga se Morena a se dirileng golo ko botlhabanelong, fela gongwe re tlaa neela mo gongwe ga seo bosigong jono fa re ka kgona go neela nako e fetang mo go gone, re ka nna le nako e fetang go e neela.

<sup>7</sup> Mme jaanong re tshepa gore Morena o tlaa segofatsa mongwe le mongwe wa lona. Ke a itse dipelo tsa lona di tletse ka boipelo, di soloftetse go Tla ga Morena. Le ya me le yone, e a biloga e a tshologa, go bona dilo di diragala ka tsela e di dirang ka yone. Mme—mme totlhanyo ya morafe, le kereke mo seemong se e leng mo go sone, mme re bona ditshupo tsa go Tla ga Gagwe, tsoopedi mo go bonagalang le mo semoweng, mme re itse gore nako ena ya go Thagelela ga Gagwe e gaufi thata, go tlatsa fela dipelo tsa rona ka boipelo go itse gore re ile go fetolwa lengwe la malatsi ano. Re ile go fetolwa go tloga fa ditshedding tsena tse re leng tsone.

<sup>8</sup> Jaanong, ke a dumela, fa ke tlhaloganya, ba na le kgokagano ya megala golo gongwe, gore Molaetsa ona o ya ka mo Phoenix le ko—le ko dikarolong tse di farologaneng, ka mosokelatsebeng. Mme jalo re tshepa gore fa moo go le jalo . . . ga ke itse; fetsa go bolelelwaa seo pele ga ke tsena. Mme—mme batho botlhe golo koo ka nneta ba akola botshelo jo bo itekanetseng le—le Kgalalelo ya Morena mo go bona.

<sup>9</sup> Mme jaanong—jaanong re ile go bula Lefoko la Morena. Mme se rotlhe re se tletseng fano ke go ikakola le go ela tlhoko se re se . . . Ga re—re a ka ra tla fano ra bo re . . . Ga go ope yo o leng teng yo a itseng gore motho mongwe ope a ka dula mo mogoteng ono jaana, mme fela e le ka ntlha ya kakanyo ya go nna fano. Re fano ka ntlha ya maikaelelo a le mangwe, mme ona ke, “motsamao o o gaufi thata le Modimo.” Seo ke sotlhe se re kgonang go se dira, ke go dumela gore Morena Jesu o na le rona. Mme re fano go—go tsamaya gaufi thata le Ena.

<sup>10</sup> Jaanong mogote ona o boketenyana mo go nna. Ka mohuta mongwe ke ne ka tlwaela mogote o o phaphalatsang ole golo ka ko Tucson, o o leng . . . Bokgola fano jaanong; mogote wa rona kwale o tshesa thata go na le ona, fela ona o omeletse. Bokgola jwa rona nako nngwe ke lekgolo le masome a mabedi la lekgolo la bongwe mo lekgolong, gongwe, sengwe se se jaaka seo, fela go batlile go tshwana le go tshela ka fa tlase ga tante ya okosejene. Fela fano ona le—le—le monyo mo go one, mme o go dira fela ka mohuta mongwe o o ikutlwae o “lapile thata,” jaaka re ne re tlwaetse go go bitsa ka teng. Jalo he gone go bokete mo go wena, jalo ke itse seo, mme lona bomma ka bana ba bannyennye le lona batho ba lo emeng, bagolo le bannyne, ebile le nnisitswe ga mmogo jaaka le dirilwe. Mme jaanong rona re—re soloftetse gore Modimo o tlaa lo duela ka letlotlo ka ntlha ya setlhabelo sa lona.

<sup>11</sup> Ke tlhaloganya gore Mokaulengwe Roy Borders o fano golo gongwe. Ke ne ka utlwa a itsisiwa, fela ke a fopholetsa gongwe o ne a se kgone go tsena. Go siame. Yoo ke motsamaisi wa dikopano.

<sup>12</sup> Jalo jaanong re batla gape go itsise gore mongwe yo neng a tlwaetse go nna le rona o ile go nna le Morena mosong ono, monna, Mokaulengwe Jackson go tswa Sturgis, Michigan. Ga go ope yo o itseng ka foo a tsamaileng ka teng kgotsa ke eng ka ga gone. O ne fela a tsogile sentle thata, mme ena fela... Ke a akanya gore ba mo fitlhetsa a sule, kgotsa sengwe. Ga ke—ke a amogela dintlha ka botlalo tsa ka ga gone. Mme re leboga Modimo thata gore Mokaulengwe Jackson o ne a le Mokeresete. Ga ke a ka ka mmona ka dinyaga di le mmalwa, fela o ne a dula mo gare ga rona ebole ke mongwe wa rona. Modimo a lapolose mowa wa gagwe wa botho o o gankafetseng! Go tsamaya jalo, re dumela gore gongwe e ne e le sengwe, gore e ne e le nako ya gore ena a tsamaye. Morena ga a a ka a re tlhagisa ka ga gone, kgotsa ena ka ga gone, o ne fela a tsamaya. Eo ke tsela e go neng go le ka yone. Mme ke batla go leletsa mosadi wa gagwe fela ka bonako ka fa ke ka kgonang, mme ke mmolelele bohutsana jwa rona. Mme rotlhe re batla go neela Modimo malebogo ka ntsha ya botshelo jwa gagwe jwa boganka jwa Bokeresete, le se a neng a se kaya fano fa lefatsheng, mme bogolo segolo mo go rona fano mo phuthegong ya mo gae.

<sup>13</sup> Jaanong bosigong jono, ke ne ka itsise gore go tlaa nna le thapelo ya balwetsi bosigong jono, mme ke tlaa bua mo gontsi ka ga balwetsi bosigong jwa jono.

<sup>14</sup> Fela ka ntsha ya nakong eno, mpe re tseneng ka tlhamallo ka mo Lefokong jaanong, ka gore go kitlanye ebole go mogote. Re tlaa tsena gone ka tlhamallo ka mo Lefokong. Ke batla go bala go tswa mo dikarolong tse pedi tsa Lekwalo mosong ono, tse di leelee, gore go tle go nneye motheo o monnye wa se ke batlang go se bua.

<sup>15</sup> Mme, jaanong, ke eletsa gore ba ka tshwara theipi, Mokaulengwe Sothmann le bone, pele ga ba e rekisa, fa go kgonega, mme ke—ke tlaa rata go e reetsa pele ga re... pele ga e tswela ntsha ko morafeng.

<sup>16</sup> Jaanong mo go... Ke batla go bala go tswa mo go Bafilipi, kgaolo ya bo 2, 1 go fitlha go 8; le Bakorinthe wa Bobedi 3, go simolola ka 6, mme re balela go ya ka ko kgaolong ya bo 4 ya Bakorinthe wa Bobedi, fela go nna motheo. Jaanong mo go Bafilipi, kgaolo ya bo 2, ke tlaa bala pele.

Pele ga go bala, mpe re rape leng.

<sup>17</sup> Morena Jesu, Lefoko la Gago ke Boammaaruri. Mme mo oureng eno e e letshwenyo e re tshelang mo go yone, setshaba kgatlanong le setshaba, bolwetsi jwa dikgogodi, dithoromo tsa lefatshe mo mafelong a mantsi, dipelo tsa batho di palelwa,

poifo, re bona mokwalo mo lomoteng. Jaanong, moo ke mo logatong lwa senama, gore lefatshe lotlhe le tshwanetse le bone sena. Fela jaanong go na le logato lwa semowa, le gone, mme re bona ditiragalo tse ditona, ebile re batla go bua ka ga tsone gompieno.

<sup>18</sup> Segofatsa Lefoko la Gago mo dipelong tsa rona. Re a itse gore ga go motho ope ko Legodimong kgotsa mo lefatsheng yo o tshwanelwang go tsaya Buka ena, go kanolola Dikano, kgotsa go leba mo go Yone, ebile. Fela go ne ga nna le a le Mongwe yo neng a bonala, Kwana e e neng e bolailwe, e le madi, e e neng ya tswela ntla go tsaya Buka, mme e ne e tshwanelwa ebile e nonofile go E bula. Oho Kwana ya Modimo, bula Lefoko la Gago mo dipelong tsa rona gompieno, ka ntlha ya kgomotso. Re batlhanka ba Gago. Itshwarele maleo a rona, Morena. Mme sengwe le sengwe se se tlala kganelang Lefoko gore le aname ka thata e ton a le thotloetsi gompieno mo matshelong a rona, se tlose, Morena, sekgoreletsi sengwe le sengwe, gore re tle re nne le phitlhelelo e e feletseng ko ditshegofatsong tsotlhe tse re di sololeditsweng ka Lefoko la Gago. Re go lopa mo Leineng la Jesu. Amen.

<sup>19</sup> Bafilepi 2:

*Ke gone fa go na le kgomotso nngwe mo go Keresete, fa go na le nametsa nngwe ya lorato, fa go na le bolekane bongwe le Mowa, fa go na le mautlwelo botlhoko mangwe a manana le mapelotlhomoogi,*

*Dirafatsang boitumelo jwa me, jwa gore lo nne kgopolo e le nngwe fela, lo tshwane mo loratong, lo le mo tumalanong e le nngwe fela, lo le—lo le mogopolo o le mongwe fela.*

*Se direng sepe ka manganga kgotsa ka tlolto ya boithamako; fela ka boikokobetsa jwa mogopolo yo mongwe a kaye yo mongwe fa a mo gaisa ka molemo.*

*A mongwe le mongwe a se lebe ko dilong tse e leng tsa gagwe fela, fa e se gore mongwe le mongwe gape o tlhokomele le tse e leng tsa ba bangwe.*

*Mpe maithlomo ana a nne mo go lona, a gape a neng a le mo go Keresete Jesu:*

*Yo, e rileng a le mo tshwanong ya Modimo, a se ka a kaya fa go lekana le Modimo e le se se jaaka thopo:*

*Fela a ikhudula, a bo a tshola tshwano ya motlhanka, a ba a dirwa mo tshwanong ya batho:*

*Mme e rile a fitlhelwa a le mo tshwanong ya motho, a ikokobetsa, a fetoga yo o utlwang go ya losong, e bong e leng losong la sefapaano.*

<sup>20</sup> Jaanong fa re tlala bula jaanong ka ko go Bakorinthe wa Bobedi, kgaolo ya bo 3, re tlala simolola ko temaneng ya bo 6,

mme re bala lena go ya ko go ya bo 18, le go ya ko tlase ko karolong ya kgaolo ya bo 4.

*Yo gape a re dirileng badiredi ba ba nonofileng ba kgolagano e ntshwa; e seng ba tlhaka ya lokwalo, fela ba mowa; gonne tlhaka ya lokwalo e a bolaya, fela mowa o a tshedisa.*

*Fela fa tirelo ya loso, e e kwadilweng mme ya setwa mo matlapeng, e ne e tletse kgalalelo, gore bana ba Israele ba palelwe ke go leba sefatlhego sa Moshe ka tlhomamo ka ntlha ya kgalalelo ya sefatlhego sa gagwe; e leng kgalalelo e e neng e tlaa feta fela:*

*Ana tirelo ya mowa yone e tlaa nna le kgalalelo e kgolo bogolo jang ne?*

*Gonne fa tirelo ya katlholo e na le kgalalelo, tirelo ya tshiamo yona e tla bo e tletse kgalalelo bogolo bogolo.*

*Gonne le e leng se se kileng sa dirwa kgalalelo ga se na kgalalelo ka mokgwa o, ka lebaka la kgalalelo e e gaisang bogolo.*

*Gonne fa sone se se nyelelang se ne se na le kgalalelo, bogolo thata se se . . . se se nnelang ruri ke kgalalelo.*

*Ke gone e re ka re na le tsholofelo e e ntseng jalo, re tshwanetse mo go golo . . . tshosologo ya go bua, re dirise tshosologo e kgolo ya go bua.*

*Mme e seng jaaka Moshe, yo neng a bipa sefatlhego sa gagwe ka lesire, gore bana ba Israele ba se ka ba kgona go leba ka tlhonamo bokhutlo jwa se neng sa nyelediwa:*

*Fela megopoloy ya bona e ne e kgwaraladitswe: gonne go fitlha letsatsing la kajeno lone lesire leo le ntse le le mo go balweng ga kgolagano e kgologolo le sa tlosiwa; gonne lesire leo le tlosiwa ka Keresete fela.*

*Fela le e leng gompieno, fa Moshe a balwa, lesire le sirile dipelo tsa bona.*

*Mme e tlaa re fa go ka sokologelwa ko go Morena, lesire le tla tlosiwa.*

*Jaanong Morena ke ene Mowa oo: mme kwa Mowa wa Morena . . . go na le kgololesego.*

*Fela rona rotlhe, ka sefatlhego se se sirologileng re lebeletse jaaka mo galaseng kgalalelo ya Morena, re fetogetse ka mo setshwanong se se tshwanang go tswa kgalalelong nngwe go ya kgalalelong nngwe, le e leng jaaka go dirwa ke Mowa wa Morena.*

*Ke gone e re ka re na le tirelo e, fela jaaka re bone boutlwelobothoko, ga re ngodiege;*

*Fela re baketse dilo tse di fitlhegileng tsa ditlhong le tse di sa ikanyegeng, re sa tsamae mo boferefereeng*

*mme re sa sokamise lefoko la Modimo; fela ka go bonatsa boammaaruri re itira tebosego mo segakoloding sa mongwe le mongwe fa pele ga Modimo.*

*Fela fa Efangedi ya rona e ka ne e siregile, e siregetse bone ba ba latlhegang:*

<sup>21</sup> Mma Morena a oketse ditshegofatso tsa Gagwe mo go balweng ga Lefoko la Gagwe!

<sup>22</sup> Jaanong, serutwa sa me mosong ono, ke a tshepa gore Modimo o tlaa senola sena. Mme nako nngwe le nngwe, fa lona ba lo tsayang ditheipi mme lo reetsa, mme ke a solo fela ebile ke a tshepa gore—gore lo ne lwa nna le tlhaloganyo ya semowa ya se seo e leng sone se Modimo a nnileng a leka go se tlisa mo Kerekeng ntleng ga go se buela gone mo pepeneneng. Lo a bona? Ke sengwe, nako nngwe, re tshwanela go bua dilo ka tsela e e jaaka ya gore e tle e fokotse, e tle e tlise bangwe ba tswele ntle, bangwe ba tsamae, le bangwe ba—ba—ba nagane ka gone. Fela moo go dirwa ka maikaelelo. Go tshwanetswe go dirwe ka tsela e jalo.

<sup>23</sup> Ka ntlha eo go ka nna ga diragala gore bangwe ba tlaa re, “O raya gore Modimo a ka dira selo se se jaaka seo ka maikaelelo?” Ena ammaaruri o dirile. O santse a dira.

<sup>24</sup> O ne a bua letsatsi lengwe, motlhlang A ne a na le ba le dikete gautshwanyane le Ena, O ne a re, “Ntleng le gore lo je Nama ya Morwa Modimo, kgotsa Morwa motho, le bo le nwa Madi a Gagwe, ga le na Botshelo mo go lona.”

<sup>25</sup> Ke mohuta ofeng wa polelo e lo akanyang gore ngaka ya tsa kalafi kgotsa mooki, kgotsa motho ope yo o siameng thata wa motlhalefi o ne a tlaa akanya ka ga polelo e jaaka eo, ka ntlha ya Monna yo neng a na le bodiredi jo bo jaaka Ena a neng a na najo? Goreng, o ne a tlaa re, “Jaa nama? Ke lejabatho! Go nwya madi a batho? Ke moswi yo o nwang madi a batho! Ka mafoko a mangwe, O batla re nne majamotho le baswi ba ba nwang madi a motho.” Mme bareetsi bothle ba ne ba tsamaela kgakala le Ena.

<sup>26</sup> Mme go ne go na le mokgatho wa badiredi le Ena, wa ba le masome a supa, ba ba neng ba tlhophilwe. Mme O ne a retologela ko go bone, a bo A ba raya a re, “Le tlaa akanya eng motlhlang le bonang Morwa motho a tlthatlogela godimo kwa A tswang gone?” Jaanong, O ne a se tlhalose seo. Ga a a ka a tlhalosa *jang*; Paulo ne a dira seo morago. O ne fela a Go bolela. Lo a bona? Mme ne ga tloga ka nako e sena, O ne a re, “Lo tlaa reng,” ko badireding bano, “motlhlang lo bonang Morwa motho a tlthatlogelang godimo kwa A tswang gona?”

<sup>27</sup> Ga go pelaelo epe banna bao ba ne ba re, “Jaanong, motsotsotso fela. Ao, re ja le Ena. Re tshwara ditlhapi le Ena. Re robala le Ena. Re—re itse kwa A neng a tsalelwana gone. Re bone serotwana se A—A neng a tshamekiswa mo go sone. Mme jaanong Monna yona . . . Ena ke polelo e e tiileng.”

<sup>28</sup> Mme Baebele ne ya re, “Ba ne ba se tlhole ba tsamaya le Ena.” Ba ne ba Mo tlogela.

<sup>29</sup> Ne A tloga a nna le ba le lesome le bobedi ba ba setseng. O ne a tlhophile ba le lesome le bobedi, mme a le mongwe wa bona o ne a le diabolo, O ne a bua. Jalo O ne a retologela ko go bona.

Mme go ne go se mongwe yo o neng a kgona go tlhalosa se A neng a fetsa go se bua. “Ba ile go ja jang Nama ya Gagwe ba bo ba nwa Madi a Gagwe? Ebile O ne a fologa jang, fa A ne a tsaletswe gone fano fa lefatsheng?” Lo a bona? Ba ne ba sa kgone go Go tlhaloganya.

Mme ka nako eo O ne a retologela ko baapostolong, a bo A re, “A lo batla go tsamaya le lona?”

<sup>30</sup> Mme foo ke nako e Moapostolo Petoro a neng a dira polelo e tona ele, “Morena, re tlaa ya ko go mang?” Lo a bona? “Gonne re kgotsofetse. Re itse ka tlhomamo gore Wena, ebile Wena o le esi, o na le Lefoko la Botshelo la oura ena.” Lo a bona? “Mme rona re kgotsofaditswe ke seo.” Lo a bona, ba ne ba sa kgone go Go tlhalosa. Bona . . .

O ka se kgone go tlhalosa tumelo. Ke sengwe se o se dumelang, mme yone e kwenne thata jang gore ga go sepe se sele se se tlaa tsayang lefelo la yone.

Ke moo, ba ne ba itse gore Lefoko le le neng le kwaletswe paka eo e ba neng ba tshela mo go yone, paka ya ga Mesia, gore O ne a tshwanela lefelo leo totatota. Mme ba ne ba ka dira eng go boela morago ko go tsone dikereke tseo tse di tsidifetseng, tse di gwaletseng tse ba neng ba tswile ko go tsone? Ne ba re, “Re tlaa ya kae?” Lo a bona? “Re tlhotlheleditswe go dumela ka bottlalo gore Wena o na le Lefoko la Botshelo.” Lo a bona? Mme ba—ba ne ba sa kgone go Le tlhalosa, fela ba ne ba Le dumela. Lo a bona?

<sup>31</sup> Mme Jesu ne a bua seo go ntsha mhero mo lesomong la Gagwe, lo a bona, go tsamaya A ka kgona go kokoanya setlhophha ga mmogo. Mme go tswa mo bathong bottlhe bao, bona, ba le lesome le bongwe fela ba bone ba ne foo ba tlhaloganya totatota Yo a neng a le Ena. Ba ne a itse gore O ne a le Modimo, ebile Modimo a le esi. Jaanong, seru . . .

<sup>32</sup> Serutwa sa me mosong ono ke go senola, kgotsa, go sirolola Modimo yoo.

<sup>33</sup> Modimo o nnile ka gale, mo pakeng nngwe le nngwe, o ne a iphitlha fa morago ga lesire, dipaka tsotlhe, fela O nnile a le Modimo ka dinako tsotlhe. Lo a bona? Fela O ne a Itshola a fitlhegetse lefatshe, mme a Itshenolela Baitshenkedwi ba Gagwe, jaaka baapostolo ba letsatsi leo. Jaanong, moo e ne e le Modimo a bua ka mo go Keresete.

<sup>34</sup> Jaanong, motho o tlhotse a dira, e nnile e le tlholego ya motho, o ne a senka go bona (ka matlho) Modimo yoo. O nnile

a batla ka gale go Go bona. Motho o ne a dira ditshedi tse di lebegang go tshwana le Ena. Ba akanya gore se . . . Maindia ba ne ba obamela letsatsi. Mme—mme re fitlhela, ko Aforika, mehuta e e farologaneng ya diphologolo, le jalo jalo. Mme godimo . . . mepako ya direto ko Alaska, le—le dipogego tse di farologaneng tse ba ba akanyang gore Modimo yona o ka mo go tsone. Jaaka Paulo a ne a bua kwale ko Athens ka nako ele, ko lekgabaneng la Mars, mme a ba bolelala gore ba ne ba dumela mo meileng malebana le Modimo yona yo o sa itseweng, gore, ba ne ba itse gore Ena o teng fela ka nako eo ba ne ba sa Mo itse.

<sup>35</sup> Mme re fitlhela le e leng kwa morago kgakala go ya kwa go Jobe. Jobe o ne a itse gore go ne go na le Modimo. O ne a go itse. Mme ga go na mo—mo—motho mongwe, mo kgopolong ya bona e e siameng, fa e se yo o itseng gore go tshwanetse go bo go na le Sengwe golo gongwe. Mme, jaanong, Jobe o ne a batla go bua le Ena.

Mme ke batla wena o lemoge popego e Modimo neng a e tlhophya go bua le Jobe ka mo go yone. Modimo o ne a a siregile fa A ne a bua le Jobe. O ne a siregile ka mo setsuatsueng, ne a fologa ka mo setsuatsueng. O dumela gore Modimo o santse a fologa ka setsuatsue gore o kgona go tla kwa o leng gone? [Phuthego ya re, “Amen.”—Mor.]

<sup>36</sup> Go na le ba le mmalwa ba ba dutseng fano, palo nngwe, ba ba neng ba na le rona maloba fa A ne a tla mo setsuatsueng. Ne a re boleletse letsatsi pele, Mokaulengwe Banks Wood le bone, fa A ne a re, “Tsaya lentswê lena, le latlhela godimo mo phefong, mme o re, ‘MORENA O BUA JAANA! O tlaa go bona gone ka bonako.’” Mme ke ne ka tsaya lentswê, godimo ko thabeng, ka le latlhela godimo ko phefong, mme setsua . . . jaaka go solo felwa, fa le tla ko tlase, le ne la simolola setsuatsue, lo a bona, go gopa ga sone.

<sup>37</sup> O tshwanetse o dire sengwe go baka sengwe se go latele. Jesu ne a tsaya setoki sa senkgwe a bo a se nathoganya, ka ntlha eo a ntsifatsa go tswa mo setoking seo sa senkgwe. O ne a tsaya metsi, a a tshela ka mo nkqwaneng. Elia ne a tsaya letsawai, a le tsenya ka mo modutwaneng; a kgaola logong, a le latlhela ka mo metsing. Ke sengwe sa go kaya.

Mme go tseyeng lentswê lena le go le latlheleng ko loaping, erile le ne le fologa le ne la simolola setsuatsue.

<sup>38</sup> Letsatsi le le latelang, goreng, go ne go na le modiredi a na le rona mo loetong lwa go tsoma. O ne a eme gautshwanyane, mme o ne a nthaya a re, “A Morena o neela diponatshegelo go tshwana le mona, Mokaulengwe Branham?”

<sup>39</sup> Ke ne ka re, “Ee, fela ka tlwaelo nna ke tla fano go ikhutsa.” Mme fela ka nako eo ponatshegelo e ne ya tla.

<sup>40</sup> Mme Mokaulengwe Borders, ke akanya gore o kwa ntle jaanong, o ne a le mmogo. Mokaulengwe Banks Wood, ke a

akanya, le, ao, ba le mmalwa ba ne ba le golo koo, ferababobedi kgotsa lesome. Mme Mokaulengwe Banks Wood a sololetse sena. Gone ko thabeng, gone go lebagana le, totatota, go ka nna mmaele o le mongwe le halofo kwa Baengele ba le supa ba neng ba bonala gone, se ke neng ke tlogile fano go ya koo ka ntlha ya sone, ba ba neng ba boa ba bo ba bolela dika . . . ka ga Dikano tse Supa. Fela go ka nna halofo ya mmaele go tloga fa go seo.

<sup>41</sup> Mme ga tloga letsatsi le le latelang, fa sena se ne se diragala, goreng, mokau . . . ke ne ka bolelela mokaulengwe, mokaulengwe yona, ke ne ka re, "Bothata jwa gago ke eng, o na le kilo ka mo leitlhong la gago. Dingaka di lekile dinyaga di le mmalwa go e khutlisa mme ga ba kgone go go dira. Ba re o ile go . . . e ile go ja leitlho la gago le tswe." Mme ke na ka re, "Fela o sekwa tshwenyega, Morena Jesu o tlottile tumelo ya gago." Mme o ne fela a latlha tlhobolo ya gagwe. Mme ke ne ka re, "Mmaago," fela se neng a le sone le se se neng se le phoso ka ga ena.

Mme o ne a re, "Moo ke boammaaruri."

<sup>42</sup> Mokaulengwe Roy Roberston go tswa mo kerekeng fano, a eme a le teng, ke a fopholetsa botlhe ba lona lo a mo itse. Ke neng ke itse gore ke lebutswapele, eibile ke ne ke itse se se neng se ile go diragala, ke ne ka baya seatla sa me mo legetleng la gagwe; ke ne ka re, "Mokaulengwe Roberson, o ele tlhoko, tlhokomela, sengwe se ipaakanyeditse go diragala."

<sup>43</sup> Ke ne ka tsamaela morago ko ke neng ke tshwanetse go bo ke ne ke eme teng, mme go tswa mo loaping go ne ga tla setsuatsue, go fologa go ralala mokgatšha, go tswa kwa godimo, se se neng se le se tona gore go tsamaya se ne se kgagola mafika, diintšhi di ferabobedi kgotsa lesome mo gare, go tswa kwa tlhoreng ya thaba, mme sa a konopela dikgato di le makgolo a mabedi kwa ntla. Mme sa dira leratla gararo jalo, mme Lentswe le ne la tswa mo go sone. Lo a bona?

<sup>44</sup> Mme botlhe ba bone ba eme foo. Mokaulengwe Banks, a leng teng jaanong, ne a tla golo koo a bo a re, "Seo ke se o se mpoleletseng maabane?"

Ke ne ka re, "Ee, rra, ke sone."

O ne a re, "Jaanong, ke eng se Le se buileng?"

<sup>45</sup> Ke ne ka re, "Jaanong, moo ke fela ga me gore ke go itse, Mokaulengwe Banks, lo a bona, ka gore go ne go le . . . Se ne se tlaa tshosa batho."

<sup>46</sup> Fela Se ne sa tswelela pele, se ne sa diragala fela mo gonne . . . se sepelela kwa ntlheng ya bokone. Go le gonne, malatsi a le mmalwa morago Se ne sa fitlha kwa lewatleng, mme lo ne lwa bona se se neng sa diragala tikologong ya Fairbanks. E ne e le tshupo ya katholo. Jaanong re fitlha gore—gore Modimo o santse . . . Lo a bona, go ne go tlaa dira batho ba nne mo tsebetsebeng. Mme jalo he ne ga tloga ba nna le . . . Moo go ne

go tshwanetse go diragala, lo a bona. Go ne fela go tshwanetse go diragala. Dilo tse di tshwanetseng di diragale di tshwanetse di diragale, le mororo. Lo a bona, go ile go diragala, le fa go le jalo.

<sup>47</sup> Moshe nako nngwe ne a eletsa go bona Modimo, mme Modimo o ne a mmolelela go ema mo lefikeng. Mme, mo lefikeng, Moshe ne a ema mme a bona Modimo a feta gaufi, mme mokwatlw wa Gagwe o ne o lebega jaaka mokwatla wa motho. Modimo o ne a le ka mo setsuatsueng, mme Modimo . . . fa Moshe a ne a santse a eme mo lefikeng.

<sup>48</sup> Ke a fopholetsa gore lotlhe lo ne lwa bona setshwantsho golo kole maloba, re ne ra ema go bapa le lefika lone leo. Mme fano ke Lesedi leo, Moengele wa Morena, gone foo kwa Se neng sa dira leratla. Re eme . . . Sone se gone mo borotong ya dikitsiso moo jaanong, gape.

<sup>49</sup> Lemoga, Jehofa wa Kholagano e Kgologolo ke Jesu wa Kholagano e Ntšhwa. Lo a bona? Ke Modimo yo o tshwanang, fela a fetola popego ya Gagwe.

<sup>50</sup> Jaanong, mongwe ne a bua maloba, mo—mo—modiredi wa Mobaptisti golo ko Tucson, “O ka bua jang gore—gore Jesu le Modimo ke Sebelebele se se tshwanang?”

<sup>51</sup> Ke ne ka re, “Sentle, go motlhofo thata fa fela o ka letla go akanya ga gago go tlogle kgakala, o bo o akanya mafoko a Baebele. Bona ke Setschedi se le sengwe se se tshwanang. Modimo ke Mowa; Jesu ke mmele o neng A siregile mo go one. Lo a bona?” Ke ne ka re, “Jaaka ko lelwapeng lwa me. Ko mosading wa me, nna ke monna wa gagwe. Mme ke na le morwadi yo monnye, Rebeka, nna ke rraagwe. Mme ke na le ngwanaa ngwanake wa mosimane, mme leina la gagwe ke Paulo, nna ke ntatemogolo wa gagwe. Nna ke mogatsa motho, ntate, le ntatemogolo. Mme mosadi wa me ga a na ditshwanelo mo go nna ke le ntate kgotsa ke le ntatemogolo; o na le ditshwanelo mo go nna ka nosi ke le mogatse. Mme morwadiake ga a na ditshwanelo mo go nna ke le mogatse kgotsa ntatemogolo; ena ke ngwanake. Lo a bona? Fela le fa go le jalo botlhe batho ba bararo bana ke motho yo o tshwanang. Lo a bona? Moo ke Modimo; Rara, Morwa, le Mowa o o Boitshepo, ke fela ditshwanelo tsa tebalebelo.” Modimo o a tshwana, Modimo yo o tshwanang.

<sup>52</sup> Modimo ne a Iphetola, o fetola popego ya Gagwe. Fa o lemoga fano mo go Bafilipi, O ne a re, “A ke go tseye e le thopo, fela ne a tsaya popego ya motho.”

<sup>53</sup> Jaanong, lefoko la Segerika foo la popego eo, ke nnile ke le lebile letsatsi lotlhe maabane, ke leka go akanya thata se lone le neng lo le sone, ke ne ka fitlhela gore, le tla le lefoko lena la *en morphé*. Le peletwa e le e-n m-o-r-p-h-e. Ke neng ke leba ka mo Segerikeng, go batlisisa se *en morphé* le leng sone . . . Nna nka nna ka bitsa leo ka go fosa, fela lebaka le ke le peletang, nako e e leng gore fa theipi e phatlalatswa, batho ba tla dira,

baithutintshi ba tlaa dira, ba tlaa itse se ke—ke se kayang ka lone. Ena, fa *en morphe*, moo go raya gore O ne a Iphethola. Ena, Ena o ne a fologa. Jaanong, lefoko la Segerika foo le raya, gore, “Sengwe se se neng se sa kgonwe go bonwa, ntswa se le teng, mme go tloga se fetolwe mme leitlho le kgone go se bona.” Lo a bona?

<sup>54</sup> Jaaka Elia ne a ntse ka teng, ko Dothane. Lo a bona, mo-motlhanka o ne a sa kgone go bona Baengele botlhe bao go dikologa koo, mme Modimo ne fela a fetola; eseng go tlisa Baengele fatshe, fela O ne a fetola go bona ga motlhanka. Mme foo go ne go le dithaba di tletse ka Baengele, le molelo, le dipitse tsa molelo, le dikaraki tsa molelo, gotlhe go dikologa moporofeti wa Gagwe. Lo a bona, bona, O ne a fetola go bona. Se—selo se setse se le foo.

<sup>55</sup> Jalo, seo ke se ke lekang go se bua, Modimo yole yo a nnileng ka gale a le teng o fano. Selo se le esi se A se dirileng fa A ne a fetoga go nna motho, O ne a fetola setshwanalanyo sa Gagwe. Lo a bona? Ena—Ena, *en morphe* yona, O—O ne a Iphetola go tloga mo go se A neng a le sone go nna Se a neng a le sone, kgotsa setshwanalanyo sa Gagwe, tiragatso e nngwe.

<sup>56</sup> Jaaka ko motshamekong o mogolo. Jaaka ke ne ke bua mosong ono, ke ne ke leka ka mohuta mongwe go ikgopotsta ka bonako ka ga sena sa ga Shakespeare. Go nnile go le nako e telele. Fela erile Shakespeare a ne a kwala motsha—motsha—motshameko, kgo . . . ka ntla ya Kgosi James wa Engelane, fa a ne a . . . moanelwa wa ga Macbeth. Lo a bona, Shakespeare o ne a sa dumele mo baloing; fela mo motshamekong, gonne kgosi e ne e dumela mo baloing, jalo he o ne a tshwanela go tsenya baloi. Lo a bona? Mme jaanong, gore a tle a kgone go dira sena, ba ne ba fetola baanelwa.

<sup>57</sup> Becky fano, mo go *Carmen*, ba ne ba diragatsa motshameko wa eo ko seko—ko sekolong kwa a fetsang go aloga dibeke di le mmalwae tse di fetileng. Jaanong, gongwe motho a le mongwe ne a tshameka dikarolo di le tharo kgotsa di le nnê. Gore a tle a kgone go dira seo, o—o ne a fetola setshwanalanyo sa gagwe. Dinako dingwe o a tswelela, ena ke moanelwa *yona*; mme nako e e latelang fa a tswelela, ena ke moanelwa yo mongwe. Fela ke motho yo o tshwanang nako yotlhe.

<sup>58</sup> Mme yoo ke Modimo. O ne a Iphetola go tloga—go tloga ko Pinagareng ya Molelo, go fetoga go nna Motho. A tloga a Iphetolela morago go tloga mo go eo, go ya ko Moweng gape, gore A tle a age ka mo mothong. Modimo a diragatsa ka mo mothong se A neng a le sone ka mmatota. Jesu Keresete, e ne e le Modimo a diragatsa ka mo Mothong, ka mo Mothong *mongwe*. Ka mo Mothong, ke se A neng a le sone. O ne a fetogile go tloga ko Pinagareng ya Molelo, mme a tloga a tsena; e e neng e le lesire ko bogareng ga naga, le le neng la fitlha Modimo ko Baiseraeleng. Moshe ne a bona popego ya mmele wa Gagwe, fela ka nnete O ne

a fitlhegile nako yotlhe kwa morago ga Pinagare ena ya Molelo, e e neng e le Logose yo o neng a tswa ko Modimong.

<sup>59</sup> Jaanong re fitlhela fano, jaanong esale Pentekoste, Modimo ga a diragatse ka *mo* mothong, kgotsa a diragatsa . . . jaanong Ena o diragatsa *ka* motho. Lo a bona? O ne a diragatsa ka *mo* Mothong ka nako eo, Jesu. Jaanong o diragatsa *ka* motho yo A mo tlhophetseng maikaelelo ano. Modimo, mo popegong ya motho, O ne a Iphetola go tloga popegong ya—ya Mo . . . ya Modimo, go ya popegong ya motho.

<sup>60</sup> O ne a tla ka maina a le mararo, maina a mararo a morwa. O ne a tla mo go la Morwa . . . leina la Morwa wa—wa motho, Morwa Dafita, le Morwa Modimo; maina a mararo a morwa.

<sup>61</sup> Jaanong, O ne a tla pele ka Morwa Da—. . . Morwa motho, ka gore O ne a le Moporofeti. Jaanong, Jehofa ka Boene ne a bitsa Hesekiele le baporofeti, “Morwa motho, wena o bona eng?” Jesu ga ise a Ikae e le Morwa Modimo; O ne a Ikaya e le Morwa motho, ka gore Dikwa—Dikwalo di ka seka tsa rojwa.

Go ka seka ga nna le sepe se se robiwang ka mo Dikwalong. Lefoko lengwe le lengwe le tshwanetse le nne jalo. Eo ke tsela e nna ke go dumelang ka yone. Ke tsela e Go tshwanetseng go nne ka gone, eseng ka ntsha ya gore ke a go dumela, ka gore Ke Lefoko la Modimo.

<sup>62</sup> Jaanong fa o lemoga ko tshimologong, Lefoko le le lengwe, letlhare la bongwe ka mo Baebeleng, mo go Genesi 1, re fitlhela gore mo go feletseng . . . Bolwetsi jotlhe, bohutsana jotlhe, go opa ga pelo gotlhe, le sengwe le sengwe se le ka nako nngwe se kileng sa diragalela batho, se ne sa diragala ka gore motho a le *mongwe* ne a dumologa Lefoko le le *lengwe*, ne ga baka tsotlhe tseno. Moo ke ga ntsha ga Baebele. Mo go ga bofelo ga Baebele, Tshenolo 22, Modimo yo o tshwanang ne a re, “Le fa e le mang yo o tla ntshang Lefoko le le lengwe mo go Ena, kgotsa a oketsa lefoko le le lengwe mo go Yone.” Lo a bona, go tshwanetse go nne Lefoko ka Lefoko, fela tsela e Le leng ka yone.

<sup>63</sup> Jalo, ka moo, mme tsaya fela selo se sennye jaaka nna ke ile go . . . mongwe o tlhola a boela mo go nna ka ga basadi ba poma meriri ya bona. Jaanong, mo go nna, fa ena fela a dira seo, ga ke kgathale ka foo a dirang ka boitshepi ka teng le ka foo a itseng thata ka teng, o santse a le phoso. O apara bomankopa le diaparo tse na di jalo; ga ke kgathale se a se dirang, ka foo a kgonang go opela thata ka teng, ka foo a kgonang go rera sentle ka teng, le fa e le eng se a kgonang go se dira, ke mohuta ofe wa botshelo o a bo tshelang, e santse e le Lefoko le le lengwe leo le le robilweng. Lo a bona? Lo a bona, go tshwanetse e nne Lefoko lengwe le lengwe. Eseng seele; Lefoko, Lefoko le le lengwe! Jalo, Baebele ga se ya phuthololo ya boithatelo. E tshwanetse e nne Lefoko ka Lefoko, tsela e E kwadilweng ka yone. Re tshwanetse re dumeleng Seo.

<sup>64</sup> Mme eseng fela go E dumela, fela go E tshela. Fa re sa E tshele, go raya gore ga re E dumele; re bua fela gore re a dira. Jaaka nna... Ke go baya mo motheong ko morago mo go se ke se buileng, barutwa bale ba ne ba sa kgone go Le tlhalosa, fela ba ne ba Le dumela, le fa go le jalo, mme ba ne ba dira boipobolo jwa bone mme ba Le tshela. Fa bothhe ba ba setseng ba bone ba ne ba tsamaya ba tloga mo go Lone, ba ne ba sala le Lone! Ba ne ba Le dumela! Eo ke tsela e re dirang ka yone. Eo ke tsela e o tshwanetseng go dira ka yone. Go sa kgathalesege se mongwe o sele a se dirang, re a Le dumela mme re tloge re le diragatse mo go Lone. Fa o sa go dire, ka ntlha eo ga o Le dumele.

<sup>65</sup> Jaanong lemogang jaanong jaaka A ne a tla, O ne a tshwanela go tla jaaka Morwa motho, ka gore Lekwalo le le Boitshepo le ne le re O tlaa dira, "Modimo o tlaa ba tsosetsa Moporofeti." Jalo O ne a ka se kgone go tla a Ipitsa Morwa Modimo, ka gore e ne e se tebalebelo eo. O ne a le Morwa motho a porofeta, go diragatsa, ebile a ba senolela dilo tsotlhe tse di nnileng tsa dirwa, ebile di tshwantsha se A neng a le sone. Ka nako eo O ne a le mo lefatsheng jaaka Morwa motho.

<sup>66</sup> Lebang mosadi yole wa Mosirofenika a ne a tabogela ko go Ena, a bo a re, "Wena Morwa Dafita, nkutlwela botlhoko!" Ga a ise le ga kalo a tsosa tlhogo ya Gagwe. O ne a sena ditshwanelo dipe mo go Ena fa e le Morwa Dafita. Mosadi yo ne e le Moditšhaba.

Mo go sa feteng gore morwadiake o na le ditshwanelo mo go nna fa ke le mogatsa motho; kgotsa, mosadiake, fa e le morwadi. Le fa go le jalo, ena ke morwadiake ebile ke mosadiake, ena ke morwadiake mo Efangeding. Fela, ka selefatshe, ena ga a na ditshwanelo dipe go mpitsa nta—ntate. Lo a bona?

Jaanong lemoga, mosadi yona wa Moditšhaba o ne a sena ditshwanelo dipe mo go Ena fa e le Morwa Dafita. Fela Baratimeo wa sefolu o ne a dira, lo a bona, o ne a le Mojuta. Jaanong, O ne a tla e le Morwa motho.

<sup>67</sup> O tshwanetse o itse mafoko ano le dilo tsena. Bona Hattie Wright nako ele, ka nako ya Kgogo ya Boraro. Lo a go gopola. Mo go sengwe le sengwe sotlhe, mosadi yole ne a bua selo se se nepagetseng. O tshwanetse o bue lefoko leo le le nepagetseng, selo se se nepagetseng ko go Modimo.

<sup>68</sup> Lemoga jaanong, O ne a tla pele e le Moporofeti, mme ba ne ba Mmapola. Ba e Leng ba Gagwe ba ne ba Mmapola. O ne a tlide e le Morwa motho.

<sup>69</sup> Ga tloga morago ga Mowa o o Boitshepo o sena go tla, O ne ka nako eo a le Morwa Modimo. Modimo ke Mowa. O ne a le Mowa o o Boitshepo, Morwa Modimo. O ne a tshela mo gare ga dipaka tsa kereke e le Morwa Modimo.

<sup>70</sup> Jaanong, mo Mileniamong, O tlaa nna Morwa Dafita, a dutse mo Teroneng ya ga Rraagwe, Dafita. Ke Morwa Dafita, jaanong.

<sup>71</sup> Mme, gakologelwang, fa gare ga, Morwa Modimo... Mo pakeng ya kereke ya Laodikea, ba ne ba Mo ntshetsa kwa ntle. Mme mo go Luka, O ne a re o tlaa senolwa gape jaaka Morwa motho, Moporofeti, a diragatsa mo go setseng ga gone. Lo a bona? Dikwalo di gokagana ka boitekanelo ga mmogo. Morwa motho, Morwa Modimo, Morwa Dafita. E ne e le eng? Ke Modimo yo o tshwanang nako yotlhe, a fetola fela popego ya Gagwe, *en morphe*. O e fetola fela. Ke motshameko o mo tona mo go Ena. O a o tshameka.

<sup>72</sup> O ne a tla e le Morwa motho, Moporofeti. Go dirilwe totatota. Le e leng mosadi yole yo monnye mo boleong jotlhe jwa gagwe, kwa ko sedibeng, o ne a Mo lemoga. Mosadi ne a re, "Re a itse Mesia o e tla, yo o bidiwang Keresete, seo ke se A tlaa se dirang." Lo a bona, o ne a lemoga ka gore o ne a le Peo e e tlhomamiseditsweng pele. Ka ntsha eo mosadi...

Kwa, ba ba setseng ba bone ba neng ba se Go lemoge. Ba ne ba sena sepe sa go lemoga ka sone. Ba ne ba le mo boleong, le go simolola.

<sup>73</sup> Gonne, ka ntsha ya metshameko ya Gagwe, O fetola popego ya Gagwe. Ka ntsha eo o ne a tla ka popego ya Morwa motho.

Gonne pakeng ya batokafatsi, Wesele, Lutere, le botlhe go fologa go ralala, re tloge re fitlhele gore ba ne ba go tlhakathakanya thata, fela jaaka Baiseraele ba dirile, go tsamaya fa A tlhagelela mo metlheng ya bofelo, mo pakeng ya Pentekoste, jaaka Mowa o o Boitshepo, ba ne ba O gana. Ba ne ba dira selo se se tshwanang se Iseraele e se dirileng.

Mme ke eng se A se dirang jaanong? O boa jaaka Morwa motho. Mme foo, go tloga moo, Morwa Dafita. A lo bona ka foo re leng gaufi ka teng? Morwa motho, Morwa Dafita, Morwa Modimo. O senolwa mo metlheng ya bofelo jaaka Morwa motho, go ya ka Malaki 4, tsotlhe diporofeto tse e leng tsa oura eno. Ga go sa na go dirisana le kereke morago ga Ena a... Ba ne ba Mo ntshetsa ntle; kwa ntle, a kokota mo mojakong. Peo nngwe e e tlhomamiseditsweng pele teng moo, le mororo. O tshwanetse a fitlhe ko go tsone.

<sup>74</sup> Mme Modimo, mo mothong, o ne a Itira lolea. Joel 2:28, re fitlhela gore, O ne a re, "Ke tlaa tshololela, mo metlheng ya bofelo, Mowa wa Me." Jaanong, fa o lemoga lefoko foo, lefoko la Segerika. Nka nna ka bo ke tlhaloganya sena ka go fosa, fela le ke neng ka kgona go le fitlhela...

<sup>75</sup> O tshwanetse go tlhokomela mafoko. Sekgowa ka nako nngwe se raya dikao di le pedi. Fela jaaka lefoko le re reng, "modimo." "Modimo ne a tlhola magodimo le lefatshe," Genesi 1. Fela jaanong, mo Baebeleng, E ne ya re, "Ko tshimologong Elohim." Jaanong, Elohim, Sekgowa se bitsa "modimo," fela gone ka nnete go ne go se jalo... *Elohim*... Sengwe le sengwe se ka nna sa nna modimo, mo lefokong *modimo*; o ka dira modimo

wa seseto modimo mongwe; o ka dira piano eo modimo; o ka kgona go dira sengwe le sengwe modimo mongwe.

<sup>76</sup> Fela ga go jalo mo lefokong *Elohim*; Le raya, “Mongwe yo o itshedisang.” Lo a bona? Piano eo e ka se kgone go itschedisa, ga go sepe se sengwe se se ka kgonang go itschedisa. Jalo, lefoko *Elohim*, le raya, “Ena yo o tlhotseng a tshela.” *Modimo* le kgona go raya sengwe le sengwe. Lo bona pharologanyo mo lefokong? [Phuthego ya re, “Amen.”—Mor.]

<sup>77</sup> Jaanong, fa Le ne le bua fano gore O ne a *Itira solea*, kgotsa o ne a *tshololela* ntle, jaanong, re kgona go akanya jaana, gore O ne a “tlhatsa,” lefoko la Sekgowa la *dira solea*, kgotsa *tsholola* go tswa mo go Ena, lo a bona, sengwe se ne sa tswa mo go Ena se se neng se farologane le Ena. Fela lefoko *kenos*, mo Segerikeng, ga le kaye gore O a “tlhatsa,” kgotsa sengwe... Letsogo la Gagwe le ne la tloga, kgotsa leithlo la Gagwe le ne la tswa, motho yo mongwe.

<sup>78</sup> Moo ke gore, O ne a Iphetola, O “Itshetse ka mo go,” (Amen!), ka mo setshwanalanyong se sengwe, ka mo popegong e nngwe. Eseng motho yo mongwe ne a tswa mo go Ena, a bidiwa Mowa o o Boitshepo, fela E ne e le Ena ka Sebele. Lo a go tlhaloganya? [Phuthego ya re, “Amen.”—Mor.] Ena ka Sebele o ne a Itshela ka mo bathong. “Keresete ka mo go wena!” Ka foo go leng gontle ka teng, ka foo go gakgamatsang, go akanya, Modimo a Itshela ka mo mothong, ka mo modumeding. “A itshololela!” E ne e le karolo ya motshameko wa Gagwe, go dira jalo.

Modimo, botlalo jotlhe, Bomodimo jotlhe ka mmele bo ne bo le mo Sebelebeleng sena, Jesu Keresete. O ne a le Modimo, ebile Modimo a le esi. E seng motho wa boraro kgotsa motho wa bobedi, kgotsa motho wa ntlha; fela Motho *tota*, Modimo a siregile mo nameng ya motho.

<sup>79</sup> Timotheo wa Ntlha 3:16, “Kwa ntle ga kgang masaitseweng a bomodimo a magolo; gonne M-o-d-i-m-o, Elohim,” thakakgolo M-o-d-i-m-o, mo Baebeleng. Go batlisiseteng kwa morago, mongwe le mongwe. Gone go bua ka ga, ko tshimologong, E ne ya re, “Elohim.” “Ko tshimologong, Elohim.” Lo a bona? “Mme, Elohim, kwa ntle ga kgang masaitseweng a ga Elohim a magolo; gonne Elohim o ne a dirwa nama, mme rona re ne ra Mo tshwara.” Elohim, a siregile mo nameng ya motho! Jehofa yo motona yo neng a khurumeditse lefaufau lotlhe, nako, le gongwe le gongwe, ne a dirwa motho. Re ne ra Mo tshwara, Elohim. “Ko tshimologong, Elohim. Mme Elohim o ne a dirwa nama, a aga mo gare ga rona.”

<sup>80</sup> Eng? Ena ke tsela ya Gagwe, dikarolo tsa motshameko. Ke tsela e Ena a tshwanetseng go e tshameka ka yone, tsela ya Gagwe ya go Itshenolela rona jaaka motho mongwe yo o farologaneng. Rona re motho yo o swang, mme O itse seo. Mme re tlhaloganya fela jaaka batho ba ba swang. Re itse fela jaaka

batho ba ba swang. Re itse fela jaaka dikutlo tsa rona di tlaa re letla gore re itse, mme mo go setseng ga gone re tshwanetse re dumeleng ka tumelo. Re tshwanetse re bueng gore go na le Modimo mongwe; a kana re a Mmona, kgotsa nnyaya, re a go dumela, ntswa go le jalo. Lo a bona? A kana o teng kgotsa nnyaya, re santse re go dumela ka gore Modimo ne a rialo.

<sup>81</sup> Jaaka Aborahama, ne a sa kgone go bona morwa yoo, go se ditshupo dipe, go se boimana bope jwa ga—jwa ga Sara, go se le e leng dinako dipe tsa go bona kgwedi kgotsa sepe, fela le fa go le jalo Modimo ne a rile jalo. Ditshepo tsotlhé, le e leng sebopelo sa gagwe—sa gagwe se ne se sule, mme botshelo jwa monna mo monneng bo ne bo ile, mme motswe—motswedí wa botshelo jwa gagwe o ne o kgadile, mme botshelo jwa mosadi—mosadi bo ne bo kgadile mo go ena. “Mme le fa go le jalo o ne a se theethekelele tsholofetsø ya Modimo ka nttha ya tumologo, fela o ne a thatafetse, a neela pako, a neng a itse gore Modimo o nonofile go diragatsa sengwe le sengwe se A rileng O tlaa se dira.”

Eo ke tsela e re tshwanetseng go dumela Lefoko leo gompieno. Go ile go nna jang? Ga ke itse. Modimo o rile go ile go nna ka tsela eo, mme moo go a go wetsa.

<sup>82</sup> Ke mang Motho yona yo mogolo yo o sa bonweng? Ke mang Yona yo Aborahama a mmoneng mo diponatshegelong? Gone kwa bofelong, le fa go le jalo, O ne a bonatswa mo nameng, pele ga morwa a tla. Modimo ka Sebele ne a tla ko go Aborahama mo popegong ya motho, kwa nakong ya bofelo. A bonaditswe! O ne a Mmona mo Leseding le le nnye nako nngwe; o ne a Mmona mo diponatshegelong; o ne a utlwa Lentswe la Gagwe; ditshenolo di le dintsi. Fela fela pele ga morwa yo neng a sololeditswe, o ne a Mmona mo popegong ya motho, a bo a bua le Ena, a Mo fepa nama le seno. Lo a bona? Lemogang, Modimo ka Sebele a siregile mo nameng ya motho.

<sup>83</sup> Ena ke karolo ya tsela ya Gagwe. Ena ke tsela e A Iponatsang mo go rona, a bonatsa Lefoko la Bosakhutleng, Modimo, Jehofa a dirilwe nama. Jaaka mo go Moitshepi Johane 1, “Ko tshimologong go ne go na le Lefoko, mme Lefoko le ne le na le Modimo, mme Lefo... Ko tshimologong go ne go le Elohim, mme Elohim o ne... ne a fetoga go nna Lefoko, mme Lefoko e ne e le Elohim. Mme Lefoko le ne la dirwa Elohim.” Lo a bona? Ke selo se se tshwanang, se phuthologa fela.

<sup>84</sup> Jaaka sekao, lo a bona, se mo Modimong. Sekao ke kakanyo ya gago. Modimo ko tshimologong, Bosakhutleng, O ne a se le e leng Modimo. O ne a le Bosakhutleng. O ne a se le e leng Modimo; Modimo ke “moono wa kobamelo,” kgotsa sengwe. Lo a bona? Jalo he O ne a se le e leng seo. O ne a le Elohim, Bosakhutleng. Fela mo go Ena go ne go na le dikakanyo. O ne a batla go fetoga go nna senama. Mme O ne a dira eng? Ne a tloga a bua

Lefoko, mme Lefoko le ne la fetoga go nna se se senama. Seo ke setshwantsho sotlhe, go tloga go Genesi go ya go Tshenolo. Ga go sepe se se phoso. Ke Elohim a nna senama gore A kgone o amega, a utlwe. Mme ko Mileniamong, Elohim ke yoo a dutse mo Teroneng, lo a bona, go jalo, le botlhe ba ba buswang ke Ena gautshwanyane le Ena, ba A ba tlhomamiseditseng pele pele ga motheo wa lefatshe.

<sup>85</sup> Jaaka motho a aga ditshipi tsa tleloko kgotsa a dira ditshipi tsa tleloko, mmopi. Setsidima sengwe le sengwe se tshwanetse se tsirime ka go farologana mo go se sengwe. Didiriswa tse di tshwanang, fela tshipi e e kana, setala se se kana, kgotlho e e kana, go se naya “ting” eo.

<sup>86</sup> Moo ke tsela e Modimo a dirileng ka yone. O ne a tsadisetsa yona ko go yole, ko go yole go ya ko go yole, mo go yona go ya ko go yole, go tsamaya A bona totatota se A neng a se batla. Ke ka foo a neng a fologa ka teng. Modimo ne a Itshiroloka mo Pinagareng ya Molelo go fologa go ralala ka baporofeti, ga tloga ga nna ka mo Morweng wa Modimo, mo e leng gore, O ne a le Modimo. Lo a bona, ke Modimo yo tshwanang a tisa fa ntle totatota, go tloga boitekanelong go ya boitekanelong, go tloga kgalalelong go ya kgalalelong. Eo ke tsela e Kereke e tsamayang.

<sup>87</sup> Lemoga, go ralala dipaka, tsela e e tshwanang, ka baporofeti ba Gagwe, O ne a Itshenola. Bao e ne e se totatota baporofeti, ba ne ba le medimo. O ne a rialo. Gonnie, se ba neng ba se bua e ne e le Lefoko la Modimo. Ba ne ba le nama e Modimo a neng a siregile mo go yone. Ba ne ba le medimo. Jesu ne a bua, ka Sebele, ne a re, “Lo ka Ntshekisa jang fa Ke bua gore Ke nna Morwa Modimo, mme molao o e leng wa lona o bua gore bona ba Lefoko la Morena le tlang ko go bona ke medimo?” Lo a bona?

<sup>88</sup> Jalo e ne e le Modimo a bopegile ka mo mothong yo o bidiwang moporofeti. Lo a bona? Mme Lefoko la Morena le ne le tla ko mothong yona, jalo he e ne e se moporofeti; moporofeti e ne e le lesire, fela Lefoko e ne e le Modimo. Lefoko la motho le ka se itshware jalo. Lo bona se ke se rayang? Le ka se kgone go itshwara ka mokgwa oo. Fela kgonagalo e ne e le teng gore e ne e le Modimo. Lo a bona, O ne a le Lefoko la Modimo mo popegong ya motho, a bidiwa “motho.”

Lemoga, ga A a ka a fetola tlholego ya Gagwe, fela popego ya Gagwe. Bahebere 13:8, ne ya re, “O tshwana maabane, gompieno, le ka bosaeng kae.” Jalo O ne a se fetole tlholego ya Gagwe fa A ne a tla. O tlholo e le Moporofeti yoo, gotlhe go fologa go ralala paka, selo se se tshwanang: Lefoko, Lefoko, Lefoko, Lefoko. Lo a bona? A ka se kgone go fetola tlholego ya Gagwe, fela O ne a fetola popego ya Gagwe. Bahebere 13:8, ne ya re, “O tshwana maabane, gompieno, le ka bosaeng kae.” O ne fela a fetola setshwanalanyo sa Gagwe.

<sup>89</sup> Jaaka ke ne ka fetoga go tloga go mogatsa motho, motlhlang ngwanake a neng a tsalwa, ka tloga ka nna ntate. Motlhlang ngwanaa ngwanake wa mosimane a tsalwang, nna ke ntatemogolo. Lo a bona? Fela, nna ga ke fetoge; moo e santse—e santse e le nna. Lo a bona? (Mme moo ke Modimo.) Ke fela gore ke fetotse ya me... Lo a bona, ke fela go fetola popego ya gago. Lo a bona?

Lemoga. Mme tlholego e e fetolela kwa tlase go tloga go lekau go ya go yo o wa dingwaga tsa mo bogareng ga botshelo, go ya go monna mogolo. Mme wena o yoo, lo a bona, o fetola fela popego ya gago.

<sup>90</sup> Jaanong, o ka se kgone go bua gore mogoma yo monnye a eme golo fano, a le bogolo jwa dingwaga di le lesome le borataro, wa re ena ke ntatemogolo. A ka se kgone go nna jalo. Popego ya gagwe e tshwanetse e fetolwe. Dingwaga di le mmalwa di a e fetola, ka nako eo o fetoga go nna rramogolo. Lo bona se ke se kayang?

<sup>91</sup> Fela ke Motho yo o tshwanang nako yotlhe, Motho yo o tshwanang, Modimo ka nako yotlhe. Ka tsela ena O Itshenolela batho ba Gagwe, mo go direng sena. Lemoga, go ralala paka ya Pinagare ya Molelo, O ne a Itshenolela batho ba Gagwe. Mo pakeng ya—ya ga Jesu, O ne a Itshenolela batho ba Gagwe. Mo pakeng ya Mowa o o Boitshepo, e le Morwa Modimo. Morwa Dafita... O tlhola a Itshenola ka mokgwa oo ko bathong ba Gagwe, a dira batho ba Mo itse. O siregile mo morago ga sengwe, lemoga, ka tsela e e tshwanang, kgotsa tlholego e e tshwanang, nako nngwe le nngwe.

<sup>92</sup> Modimo a siregile mo go Jesu, go dira tiro ya thekololo kwa sefapaanong. Modimo ne a ka se kgone go swa, e le Mowa. Ke Bosakhutleng. Fela O ne a tshwanelo go tsenya setshwanalanyo a bo a tshameka karolo ya loso. O ne a swa, fela O ne a ka se kgone go dira mo popegong ya Gagwe ya Modimo. O ne a tshwanelo go go dira mo popegong ya Morwa, e le Morwa motho, mo lefatsheng. Lo a bona? O ne a tshwanelo go nna popego ya Morwa. Ga tloga ya re nako e A neng a boa ko Pentekoste, O ne a le Morwa Modimo gape. Lo bona se ke se kayang? Lo tlhaloganya kakanyo? O ne a le...

<sup>93</sup> O ne a tshwanelo go tla ka mo nameng ya motho, go... mme ga go ope, ga go keletso epe ya tlhakanelo dikobo. Ka gore seo se rurifatsa gape polelo ya rona ya peo ya noga, lo a bona, "tlhakanelo dikobo," go se na pelaelo thobalano. E seng diapole; thobalano! Go jalo. Moo go ne go tshwanetse go nna jalo. Lemoga fano, lo a bona, gore motho ope yo o molemo... Lebang baporofeti bale morago kole, fela O ne a tshwanelo go nna yo o fetang moporofeti. Lo a bona? Gore a tle a kgone go dira seo, O ne a tshwanelo go tla ka tsalo ya kgarebane, go supegetsa gore tsalo ya kgarebane e ne ya rurifatsa... O ne a tshwanelo go

tsalwa tsalo ya kgarebane, go tsaya phutso a e tlose, Sethibela ditlamorago tsa botlhole le bolwetse. Lo bona se ke se rayang? Jalo, go ne go tshwanetse go nne tlhkanelo dikobo. O ne a go rurifatsa mo go Tleng ga Gagwe; O ne a tla e seng mo keletsong ya tlhakanelo dikobo, fela ka tsalo ya kgarebane. Mme O ne a fetola setshwanalanyo sa Gagwe go tloga go Jehofa go ya go Jesu, gore a tle a kgone go tsaya tiro ya thekololo mo motshamekong o A neng a o tshameka, mo Modimong ko sefapaanong.

<sup>94</sup> Bagerika ba ne ba batla go Mmona. Mo go Moitshepi Johane 12:20, ba le bantsi ba lona lo ne lwa nkutlwka ke rera ka ga seo ke re, "Borra, re rata go bona Jesu." A lo ne lwa lemoga seo?

<sup>95</sup> Jaanong Bagerika e ne e le baithutintshi, e ne e le batho ba ba batona. Mme ba ne ba na le ku—ba ne ba na le ku—kutlo e e tlhomphegang ka ntlha ya Modimo, jaaka Paulo a ne a ba rerela ko lekgababaneng la Mars. Mme bona ba ne ba le, ba—ba ne ba etelela pele—etelela pele lefatshe ka boranyane le—le thuto, ba ne ba le batho ba ba ton. Fela ba ne ba obamela ebole ba dumela mo dinaaneng le jalo, dibuka tsa ga botaki le mereo ya boloi, le jalo jalo.

<sup>96</sup> Fela ba—ba—ba ne ba amega ka ntlha ya Monna yona Yo neng a kgona go fodisa balwetse le go bolelala pele dilo tse di diragetseng, go fitlha le ko letshwaong. Mme ba ne ba amegile, jalo he ba ne ba tla go Mmona. Jaanong, lebelelang ka tlhoafalo jaanong, lo se fetweng ke sena. Lo a bona? Mme ba ne ba tla ba bo ba bolela ko go Filipo, yo neng a le wa Bethesaita ba re, "Rra, re rata go bona Jesu." Mme Filipo le morutwa yo mongwe ne ba mo tlisa ko go Jesu, go bona Jesu.

<sup>97</sup> Jaanong lemogang one mafoko a Jesu a neng a a ba begela, gonne ba ne ba tfile go bona Yo neng a le Ena, mme ba ne ba sa kgone go Mmona. Ba ne ba bona popego, fela Ena o ne a le ka mo tempeleng ya Gagwe. Modimo o ne a le mo tempeleng ya Gagwe, a sirilegile ka mo nameng ya motho. Lemoga mafoko a A a buileng, "Ntleng le gore letsele la korong le wele ka mo mmung, lo a bona, mme le swe, le dula le le nosi." Lo a bona? "Oura e tfile, mme gautshwane go tla diragala gore Morwa motho a galalediwe, lo a bona, mme Ena o tshwanetse a fete mo lefatsheng lena. Mme ntleng le gore oura ena e goroge, ga lo kake lwa nonofa go Le bona." Lo a bona?

<sup>98</sup> Fano, ke gobaneng ba sekba kgona go bona Jesu? O ne a le mo setshwanalanyong. Modimo o ne a le mo setshwanalanyong. Bagerika ba ne ba batla go bona Modimo, mme ke yo O ne a le fano, fela bona ba ne ba se kgone go Mmona ka ntlha ya lesire. Mme moo ke selo se se tshwanang gompieno, ga ba kgone go Mmona ka lebaka la lesire. Le mo godimo ga sefatlhego sa bona. Bagerika ba ba ne ba sirilwe, kgotsa Jesu o ne a le mo setshwanalanyong ko Bagerikeng bano.

<sup>99</sup> Lemogang, O ne a ba bolelela a re, “Ntleng le gore letsele le la korong le wele ka mo mmung, le dutse le le nosi.”

<sup>100</sup> Bona, ba ne ba sa kgone go tlhaloganya gore jang, gobaneng e le gore ba ne ba sa kgone go Mmona. Monna o ne a eme foo. Ba ne ba tlie go bona Modimo, mme ba ne ba bona motho. Lo a bona? Ba ne ba sa kgone go bona Modimo ka gore Modimo o ne a siregile ko go bone. Jaanong bolokang seo mo monaganong wa lona, Modimo o ne a siregile mo mothong. Ba ne ba kgona go bua ba re, “Ga go motho yo ka dirang dilo tse ntleng le fa e le Modimo. Ga go motho yo o ka go dirang, le ka foo fano go emeng monna ntswa ditiro tsa Modimo di ne di bonaditswe ka Ena!” Lo a bona, ba ne ba sa kgone go tlhaloganya gore Modimo o ne a siregile.

<sup>101</sup> O siregile mo monneng, jaaka a tlhotse a ne a siregile. Fela, O ne a siregile ko go bona, O ne a le mo tempeleng ya Gagwe ya motho. Modimo o ne a le mo tempeleng ya motho. Jaanong, elang tlhoko thata, jaanong Ena o tshwana maabane, gompieno, le ka bosaeng kae. Lo a bona? Modimo a siregile, a Iphithhetse lefatshe, a siregile mo mothong. Lo a bona? Modimo o ne a le fano! Bagerika bao ba ne ba re, “Re rata go Mmona.”

<sup>102</sup> Mme Jesu ne a re, “Letsele la korong le tshwanetse le we le bo le swa.” O tshwanetse o swe mo dikakanyong tsotlhе tsa gago. O tshwanetse o tswe mo dikakanyong tsa gago.

Jaaka barutwa bao ba ne ba ntse ka teng, ba ne ba sa kgone go tlhalosa ka ga go ja mmele wa Gagwe le—le go nwa Madi a Gagwe, fela, lo a bona, ba ne ba sule ko dilong tseo. Ba ne ba swetse Thaego, ba ne ba swetse Keresete. Go sa kgathalesege se go leng sone, kgotsa ke go fenngwa mo gontsi thata jang mo go neng go lebega ekete O ne a na nago, ba ne ba santse ba Go dumela le fa go ne gontse jalo. Lo a bona? Ba ne ba kgona go bona mo Monneng yoo; Monna yo neng a ja, a nwa, a tshwara ditlhapi, a robala, sengwe le sengwe se sele, yo neng a tsetswe fano mo lefatsheng, mme a ne a tsamaya le bona, a bua le bona, a apara diaparo go tshwana le bothle ba bona, fela yo neng e le Modimo.

<sup>103</sup> Jalo Bagerika ba ne ba se kgone go Mmona, ka gore O ne fitlhiegile mo go bona, ka mo mothong. Lemogang Lefoko la Gagwe ko go bona, “Ntleng le gore letsele lena la korong le wele mo mmung.”

<sup>104</sup> Modimo a siregile mo popegong ya motho, a Iphithhetse pono ya bona. Ba ne ba kgona fela go bona monna. Fela bao ba ba neng ba Tlhommamiseditswe pele ba ne ba bona Modimo. Mongwe o ne a bona monna, yo mongwe o ne a bona Modimo. Lo a bona? Mme e ne e le Modimo a siregile mo mothong, a dira boobabedi ba nepe, fela tumelo ya gago mo go seo se o sa se boneng. O go dumele, le fa go le jalo. Modimo a siregile mo mothong. O ne a le

mo nameng eo, mme nama eo e ne e le lesire la Gagwe. Lesire le ne la gagolwa, lo a bona, gore Modimo a tle a bonatswe.

<sup>105</sup> Ko Kgolaganong e Kgologolo, Modimo o ne a fitlhegile fa A ne a le mo sedulong sa Gagwe sa boutlwelo botlhoko; mo sedulong sa boutlwelo botlhoko, ka lesire. Ko Kgolaganong e Kgologolo, Modimo o ne a le ko tempeleng ya Gagwe. Fela batho ba ne ba tsena ba bo ba obamela go tshwana le jaana, fela, gakologelwa, go ne go na le lesire (amen) le le neng le fitlhile Modimo. Ba ne ba itse gore Modimo o ne a le teng. Ba ne ba sa kgone go Mmona. Pinagare eo ya Molelo e ne ya se tlhole e bonala gape koo. A lo ne lwa lemoga? Ga go na nako e le nngwe mo Lekwalong, go tloga nako e Pinagare eo ya Molelo e neng ya tsena ko morago ga lesire leo, gore le ka nako nngwe E ne ya bonagala gape, go tsamaya E ne e tla go tswa ko go Jesu Keresete. Modimo o ne a siregile!

<sup>106</sup> Fa A ne a eme mo lefatsheng, O ne a re, “Ke tswa ko Modimong ebile ke ya ko Modimong.”

<sup>107</sup> Ka ntlha eo Paulo, (morago ga loso wla Gagwe, phitlho, le tsogo), mo tseleng ya gagwe go ya Damaseko, koo go ne go le Pinagare eo ya Molelo gape. E ne e le Eng? Kwa ntle ga kwa morago ga lesire! Kgalalelo go Modimo!

<sup>108</sup> O ne a le teng ko morago ga lesire. Jaanong O ne a le ko morago ga eng? Lesire la letlalo. Lo a bona, “matlalo a matshwane,” morago ga lesire. Mme erile lesire leo le ne le kgagolwa mo letsatsing la papolo, lesire le A neng a faphilwe mo go lone le ne la kgagolwa mo letsatsing la papolo, sedulo sotlhe sa boutlwelo botlhoko se ne sa tlhagelela mo pepeneng.

<sup>109</sup> Jaanong, Bajuta ba ne ba sa kgone go tlhaloganya ka foo e leng gore Modimo a ka kgona go nna le boutlwelo botlhoko mo bathong ba ba boleo, ba ba bosula go tshwana le ka fa re leng ka teng. Fela ba ne ba sa kgone go bona Mongwe Yona yo neng a neela boutlwelo botlhoko, ka gore O ne a fitlhegile. O ne a le mo morago ga sedulo sa boutlwelo botlhoko, ka ko gare, ka matlalo a matshwane a lepeleletse faatshe, a Mo khurumeditse. Pele ga . . .

<sup>110</sup> Pele, ne e re fa motho ope a ne a tsena ko morago ga lesire leo, e ne e le loso la tshoganetso. Amen. Ao, re ile go bona thuto fano mo motsotsong, lo a bona, fa o ka kgona—o ka kgona go E amogela. Go tsamaya fa morago ga matlalo ao . . . Le e leng mongwe wa barwa ba baperesiti ne a leka go go dira nako nngwe, mme ne a swa. “O seka wa tsamaya ko morago ga lesire leo.” Motho yo o neng a tsamaya ko morago . . . Goreng? Go ne go sena thekololo ka nako eo, mo go seo. E ne e le se se ka kgonegang fela. E ne e le mo go kgonegang fela. Mme sepe se se leng *se se ka kgonegang* ga se selo sa nnete ka nako eo, lo a bona, fela se se ka kgonegang. E ne e le thekololo . . . Boleo bo ne bo khurumediwe, e seng bo ntshitswe . . . bo itshwaretswe, ke raya seo, bo sa itsharwelwa. *Itshwaretswe* ke “bo tlhadilwe bo ebile

bo beilwe kgakala.” Mme jalo he madi a dinku le dipodi a ne a sa kgone go dira seo, jalo Jehofa ne a fitlhegile fa morago ga lesire. Jaanong, morago ko morago ga lesire le kwa A neng a fitlhegile teng, go tsena ka mo go leo, motho o ne a wela fatshe a sule, go leka go tsena ka mo go Lone.

<sup>111</sup> Fela esale Pentekoste, esale Papolo, fa lesire leo le ne le kgagotswe go tloga kwa godimo go ya kwa tlase, ka ntlha ya kokomana eo . . . Jesu ne a le Modimo yoo, a sirenge. Mme erile A swa ko Golegotha, Modimo ne a romela molelo le legadima, a bo a kgagola lesire leo go tloga kwa godimo go ya ko tlase, gore sedulo sotlhe sa boutlwelo bothhoko se nne mo pepeneneng. Fela ba ne ba foufetse thata go Go bona. Jaaka Moshe a ne a bua fano, le fa, kgotsa . . . Paulo ne a re, a bala Moshe, “Fa Moshe a balwa, le ka nako e, lesire leo le santse le le mo pelong ya bona.” Ao, mokaulengwe, kgaitzadi, seo ke se Majuta a se dirileng motlheng lesire le neng le kgagolwa eibile le ne le tlisa Modimo mo pepeneneng, a kaletse mo sefapaanong. O ne a le mo pepeneneng, fela ba ne ba sa kgone go Go bona.

<sup>112</sup> A go a kgonagala gore Baditshaba ba dirile selo se se tshwanang? Oho Modimo! Fa ba nnile le dipaka tsa kereke, tsa Morwa Modimo; fela fa jaanong lesire la makoko ano le dilo, lesire leno la dingwao tse re nang natso esale Pentekoste, fa dingwao tsa kereke di nnile tsa kgagolwa, dilo tse batho ba neng ba di bua, “Metlha ya methollo e fetile, le dilo tsena,” mme Modimo o tlositse lesire mo go Sone, a bo a Se tlisa mo pepeneneng, mme bona ba itlhawatlhwaeeditse go Se bapola gape, fela totatota go tshwana.

<sup>113</sup> Modimo yo o sirolotsweng, pepeneneng, ba tshwanetse ba ka bo ba Mmone a eme foo. Le mororo O ne a le yo o tlwaelegileng thata, O ne a le motho yo o tlwaelegileng. Ba ne ba sa kgone go Go bona. Lo a bona, go ne go eme monna foo. “Sentle,” ba ne ba re, “moeka yo, ke sekolo sefeng se A tswang ko go sone?” Fela, gakologelwa, fa lerumo lele le ne le tlhaba mmele wa Gagwe, Mowa oo o ne o Mo tlogela, tempele . . . mekasa ya ditlhabelo e ne ya menoga, mme legadima le ne la itaya golo koo go ralala tempele la bo la kgagola lesire. E ne e le eng? Modimo wa bona o ne a le foo a kaletse mo Golegotha, mme bona ba ne ba foufetse thata go bona.

<sup>114</sup> Ne ga Mo tlisa mo pepeneneng, mme ba ne ba santse ba sa Go bone! Ba foufaditswe. Modimo, a sirenge mo mothong!

<sup>115</sup> Lo a gakologelwa, O ne a boela ka nako eo ko go Paulo morago ga seo, le ko go Petoro ko kgolegelong, e le Pinagare ya Molelo. Lo gakologelwa seo? [Phuthego ya re, “Amen.”—Mor.]

<sup>116</sup> Fela ko methleng ya bofelo O tshwanetse a boe gape, fela Pinagare ya Molelo e tshwanetse e boe gape go bonatsa Morwa motho, lo a bona, go supa Lefoko, Lesedi. Dingwao, di nnile, di tlala tlosetswa kgakala. Ga go sepe se se ileng go Go tshwenya; go

ile go diriwa, le fa go le jalo. Modimo o kgagolaka fela makoko ao le dingwao.

Ke mohuta ofeng wa Mowa o A tlaa go dirang ka one? Jaaka A dirile ko tshimologong. Lebang se A se dirileng mo metlheng ya ga Elia, mo metlheng ya ga Johane. “Lo sekä lwa akanya go bua gore ka mo go lona gore lona ‘lo na le Aborahama e le rraalona’ ka gore Modimo o nonofile go dira gore ka mantswê ano a tsosetse Aborahama bana.” Lo a bona? Lo sekä lwa akanya, “Ka gore, ke leloko la *sena* ebile ke leloko la *sele*.” Lo a bona? Modimo a kgagola a tlosa lesire, lo a bona, go supa yo Ena a leng Ena. Lo a bona, lebelelang lesire fa le kgagoga fano jaanong, re a go bona jaanong.

<sup>117</sup> Jaanong, mme nako nngwe, fa motho a ne a tsamaya fa gare ga lesire leo, e ne e le loso la ka bonako. Jaanong ke loso go se fete mo gare ga Lone! Amen. Fa o ka se kgone go roba lesire leo la ngwao, go feta mo gare ga lomota leo la lekoko, go bona Modimo mo thateng ya Gagwe, ke loso. Gangwe kwa e neng e le loso go tsena, jaanong ke loso go salela ko ntle. Sedulo sotlhe sa Boutlwelo botlhoko se dutse mo pepeneneng, mongwe le mongwe o kgona go Se bona, lesire le kgagotswe. Kgalalelo ko go Modimo! Sedulo sotlhe sa Boutlwelo botlhoko se tla mo pepeneneng.

<sup>118</sup> Ka fa Modimo a ka nnang le boutlwelo botlhoko mo baleofing ba ba bosula jaaka rona, fa A ne a Iphithlile, e ne e le masaitseweng. Mme jaanong Se mo pepeneneng, kgotsa mo pepeneneng e e feletseng, se senotswe ke Lefoko la Gagwe. Ka gale ke Lefoko, go sa fetoge, moo ke Modimo. Ke Lefoko le le go phuthololang. Fa batho bao ba ka bo ba ne ba itsile Lefoko la Modimo letsatsi lele motlhlang Jesu a neng a swa, ba ka bo ba ne ba bone Sedulo sa Boutlwelo botlhoko, ba ka bo ba bone Yo a neng a le Ena.

<sup>119</sup> “E ne e le Mang ka nako eo? Goreng lesire le ne la kgagoga?” Gakologelwa, e ne e le loso go tsena ka mo go Lone. Ga go ope yo o neng a kgona go Se bona. Moshe ne a Se bona mo popegong, E ne e le sefe... e ne e le mokwa—mokwatla wa Monna. Sentle, Sona ke sena fano, mokwatla o o porotlang madi, Monna yo o tshwanang yoo! E ne e le Eng? Modimo ne a batla go ba supegetsa Sedulo sa Boutlwelo bothhoko. Modimo ne a batla go ba supegetsa gore Ena o ne a le Mang. Jalo lesire mo tempeleng, go tswa mo seatleng sa Modimo, kwa godimo, le ne la kgagoga go tloga kwa godimo go ya kwa tlase, mme la bontsha Modimo mo pepeneneng. E ne e le Jesu Keresete a kaletse mo sefapaanong, Sedulo sa Boutlwelo bothhoko. Mme e ne e le eng? Batho ba ne ba foufetse thata go Se bona.

<sup>120</sup> Jaanong go boeleditswe gape, dingwao tsa bona! Ka foo, ka nako eo, mo Letsatsing la Pentekoste, Lefoko le ne la tla mme le ne le le mo popegong ya “Morwa Modimo.” Mme ba ne ba simolola go le rulaganya ko Nishia, Roma. Mme, selo

sa ntlha, ba ne ba ya ko Methodisti, Baptisti, Presbitheriene, Mapentekosteng, le jalo jalo. Ke ngwao e e rulagantsweng go tsamaya motho a sa itse ko a emeng teng.

Fela, kgalalelo ko go Modimo, O solofeditse ko metlheng ya bofelo se A tlaa se dirang. O tlaa supa Lefoko la Gagwe mo pepeneng, le phutholotswe fa pele ga rona gape, lo a bona, a Le phutholole.

<sup>121</sup> Fa ba ka bo fela ba itsile Lefoko, ba ka bo ba itsile gore Jesu ne a le Mang. Fa motho fela a ne a itse Lefoko la Modimo, o ne a tlaa itse oura e re e tshelang le se se diragalang. Ba gana fela go reetsa Lefoko leo. Dingwao tsa bone! Ke eng se se bakileng Majuta ao go bona seo? Eng? Ne go lebega ekete ba ka bo totatota ba bone, ka gore selo se se ne sa kgagolwa sa bulega. Se ne sa kgagolwa sa bulwa ka ntlha ya maikaelelo.

<sup>122</sup> Tsosoloso ena e tsweleletse eng jaanong? Yona e ka kgona jang go atlega? E ka segofadiwa jang? Ga ke kgathale gore ke diketsaetsi di le kae tse e nang le tsone, kgotsa sengwe le sengwe se sele, moo ga go... Motlheng Moshe a neng a huduga, go ne go na le lesomo le le tlhakatlakaneng le le neng la tsamaya le ena. Fela go ne ga direlweng? Ke Jehofa ka Sebele a tlosa lesire mo go Modimo, go bontsha pharologanyo fa gare ga tshiamo le phoso. E e leng, Methodisti, Baptisti, Presbitheriene, kgotsa ke mang yo o nepileng? Lefoko la Modimo le nepile! "A lefoko la motho mongwe le mongwe e nne leaka, mme la Me e nne Boammaaruri." Modimo ga a tlhoke mophuthololi ope. O dira phuthololo e e Leng ya Gagwe. O a E bonatsa, ebile o di-... yone e neela phuthololo. Modimo a Itshirololola. Ijoo! Gone mo gare ga rona, re bona seatla sa Gagwe se segolo se bolela dilo tsena, se dira dilo tsena.

<sup>123</sup> Ke na le sengwe ka seo bosigong jono, lo a bona, ka ga foo o tshwanetseng go ela seatla sa Modimo tlhoko, se Se se dirang, ka foo se Iphuthololang ka teng. Lo a bona?

<sup>124</sup> Mme batho ba re, "Ao, Moo ke diphirimisi. Moo ke bogogotlo. Ga go sepe mo go Seo. Moo ke diphirimisi. Moo ke Beelsebule. Moo ke diabolo. Moo ke bodupe. Moo ke *sena*." Lo a bona, selo se se tshwanang se ba neng ba se bua ka ga Ena.

<sup>125</sup> Oho kereke, mme fa theipi ena e tswela ntle, a ga lo kgone go bona, badiredi ba Efangedi, kwa le tshelang gone? A ga lo kgone go bona oura e re leng mo go yone? Modimo, a Itshupa, a beela fa thoko ... Lebang, O ne a tsaya lesire leo la tempele a bo a le gagola go nna ditokitoki, gore ba tle ba kgone go bona Modimo mo pepeneneng, mme ba ne a foufetse thata go ka kgona go Go bona. Mme O dirile selo se se tshwanang gompieno, a baya Lefoko la Gagwe gone kwa ntle ko pele, se A se solofeditseng. Tsholofetso nngwe le nngwe mo Lefokong, e dutse gone mo pele ga rona, mo pepeneneng!

<sup>126</sup> Lo a itse se kereke ya Baditshaba e se dirang? Selo se se tshwanang se kereke ya Majuta e se dirileng, ba foufetse thata go Go bona. Moo ke gotlhe. Go tlaa nna mo dipelong tsa bona fela jaaka go ne go le ka teng mo letsatsing lele.

<sup>127</sup> Lemogang, loso, go nna kgakala le Sone jaanong. O tshwanetse o tsena ka mo go Sone ka lesire lena, kgotsa o ka seka. Ka foo Modimo a ka kgonang go nna le boutlwelo bothhoko mo go bona, fela gakologelwang se go neng go le sone, gore Modimo o bonatsa se se neng se le ko morago ga lesire leo. Elang tlhoko se se neng se le ko morago ga lesire, Lefoko! Le ne le sirile eng? Lefoko! E ne e le eng? Le ka mo letloleng. E ne e le Lefoko le lesire leo le neng le le fitlhile. Lo a bona? Mme Jesu ne e le Lefoko leo, mme Ena ke Lefoko leo, mme lesire la nama ya Gagwe le ne le Le fitlhile.

<sup>128</sup> Mme gompieno lesire la ngwao le fitlhile Lefoko gape, le re, "Ga Le jalo." Fela Le jalo! Modimo o supa ka Lona, a Ithuthuntsetsa gone ko ntla ka go phatsima jaaka letsatsi, mo pele ga mongwe le mongwe, mme ba palelwa go Le bona. Modimo, nna le boutlwelo bothhoko mo go rona.

<sup>129</sup> Mo setshwantshong, Moshe a neng a tswa mo Bolengteng jwa Modimo, ka Lefoko la Modimo la paka eo. Jaanong elang tlhoko, rona jaanong re mo go Ekesodu 19. Lo seka lwa fetwa ke sena jaanong. Ekesodu 19, Moshe o tswa ko Bolengteng jwa Modimo, kgotsa 20 le 21, 19:20 le 21. Moshe o tswa ko Bolengteng jwa Modimo. O nnile a le ka mo Lefokong. Lefoko le nnile le kwadilwe. Mme ena, mo Bolengteng jwa Modimo, ka Lefoko, o ne a na le Lefoko la paka eo. Go na le Lefoko la paka nngwe le nngwe. Mme Moshe a tswelela, sefatlhego sa gagwe se ne se phatsima thata! Lo a bona? Lefoko le ne le le ka mo go ena, le le gaufi le go bonatswa, go neelwa ko bathong.

<sup>130</sup> Lefoko la nnete, Modimo o ne a Le kwadile, mme Le ne le na le Moshe. Lemogang, Le ne le na le Moshe mme le ne le le gaufi le go bonatswa. O ne a le Lefoko ko go bona, o ne a le Lefoko le le tshelang, le fitlhile. A iphitlhile, Moshe ne a tshwanela go baya lesire mo sefatlhiegong se e leng sa gagwe. Gobaneng? O ne a le Lefoko leo. Amen. Go tsamaya Lefoko leo le ne le itsisitswe, Moshe ne a tshwanetse go itshira. Amen!

A lo a Le bona? Le fa e le kae kwa Lefoko le leng gone, Le sirilwe.

<sup>131</sup> Moshe o ne a na le Lefoko. Jaanong gakologelwang, morago ga Lefoko le sena go bonatswa, Moshe ne a le Moshe gape. Lo a bona? Fela fa Lefoko leo le ne le santse le le ka mo go ena gore le ntshiwe, o ne a le Modimo; sentle, o ne a sa tlhole a le Moshe. O ne a na le Lefoko la Morena la paka eo. Go ne go sena sepe se se neng se ka mo kgoma go tsamaya eo e ne e fetile; ne a na le Lefoko leo le ena. Jalo, ka moo, fa a ne a tla, batho ba ne ba retolosa ditlhogo tsa bona; ba ne ba sa kgone go tlhaloganya. Ba

ne ba fetotswe. O ne a le mogoma yo o farologaneng. O ne a tla le Lefoko leo. "Mme o ne a tsenya lesire," Baebele ne ya re, "mo sefatlheng sa gagwe," gonne o ne a na le Lefoko. Mme o ne a le Lefoko ko go bona.

<sup>132</sup> Jaanong lebang, fa Moshe... Oho mokaulengwe, fano go ile go nna thogako. Fela fa Moshe... Jaaka Paulo ne a bua fano mo go Bakorinthe wa Bobedi, kgaolo ya bo 3. Fa Moshe a ne a tshwanelo go sira sefatlhego sa gagwe ka nttha ya mohuta oo wa Kgalalelo mo go ena... lo a bona, ka gonne eo e ne e le kgalalelo ya tlholego, moo e ne e le molao wa tlholego. Mme fa Moshe, a neng a itse gore molao oo o ne o tshwanetse go nyelela, fela Kgalalelo e ne e le kgolo thata gore e ne ya foufatsa batho, jalo he ba ne ba tshwanelo go bay a lesire mo sefatlheng sa gagwe, Go tlaa nna mo go fetang thata ga kae? Batho ba ba foufaditsweng ka semowa! Uh-huh. Kgalalelo eo e ne e tshwanetse go nyelela ka bonya, fela Kgalalelo ena ga e kake ya nyelela ka bonya. Lo a bona? Moshe o ne a na le melao ya senama, tshekiso, go se letlhogonolo lepe, go se sepe; o ne fela o go bona molato. Fela Ona o re buang ka ga one... Ole o ne o sena tshwarelo, oo o ne fela o go bolelola se o neng o le sone. Ona o go neela tsela ya go falola.

<sup>133</sup> Mme fa Lefoko leo le senotswe, ijoo, ke mohuta ofeng wa sefatlhego se Seo se tlaa bong se le sone? Se tlaa tshwanelo gore se sirwe. Se tshwanetse se siriwe. Jaanong lemogang. Jalo Mowa o siregile mo tempeleng ya motho, lo a bona, Ene a bue mafoko a tlholego ka lesire la tlholego.

<sup>134</sup> Jaanong, Paulo a bua fano jaanong, mme mo go ona—mo mogopolong ona, Lefoko-Mowa, "Re badiredi, eseng ba tlhaka, molao; fela badiredi ba ba nonofileng ba Mowa," gore Mowa o tsaya tlhaka o bo o E bonatsa.

<sup>135</sup> Oo o ne o le fela molao, o ne o tshwanetse o ye o o lebe, o re, "O se ka wa dira boaka. O se ka wa utswa. O se ka wa aka. O se ka wa dira *sena, sele, kgotsa se sele*." Lo a bona? O ne o tshwanetse o lebe ko go seo.

<sup>136</sup> Fela mona ke Mowa o o tlang mo Lefokong le le solofeleditsweng la paka *ena*, mme le tlisa mo pontsheng ebile le bonatse, eseng matlapa a mabedi a a kwadilweng, fela Bolengteng jwa Modimo yo o tshelang. Eseng kakanyo ya naane e mongwe a e tlhamileng, kgotsa Houdini mongwe, tsietso nngwe; fela yone tsholofetsa ya Modimo e senotswe ebile e bonaditswe gone mo pele ga rona. Ke mohuta ofeng wa lesire o oo o tlaa nnang one ko morago? Mme go—go latlhengelwa ke seo...

<sup>137</sup> Lo a bona, seo se ne se le segolo thata go tsamaya ebile batho ba ne ba bua, ba ne ba bua fa ba ne ba bona Jehofa a fologa mo Pinagareng ya Molelo, mme a simolola go tshikinya lefatshe, le—le dilo tse A di dirileng, le thaba e tuka. Mme ebile le fa ope a ne a leka go ya ko thabeng eo, ne a nyelela. Go ne go le go golo

thata go tsamaya e leng Moshe a ne a tshaba thoromo. Ka ntlha eo, fa ka nako ele A ne a tshikinya thaba fela, ka nako ena O tlaa tshikinya magodimo le lefatshe.

<sup>138</sup> Ga tweng ka ga Kgalalelo Ena? Fa ele e ne e sirilwe ka lesire la tlholego, mona ke tota . . . sirilwe ka lesire la semowa. Jalo o se leke go leba ko tlholegong; tsena ka mo Moweng mme o bone kwa o leng gone, o bone ke oura efeng e o tshelang mo go yone.

<sup>139</sup> A go a tlhaloganyega mo go lona? Lo a bona, Ke lesire la semowa le le leng mo bathong, le re, “Nna ke Momethodisti. Ke yo o nonofileng fela jaaka mongwe le mongwe. Nna ke Mobaptisti. Mme nna ke Mopentekoste.” A ga lo go lemoge, selo seo ke lesire la ngwao? Le lo fitlhetsi Modimo. Ke dilo tse di lo kganelang gore le go akole gotlhe . . .

Ao, lo a re, “Ke thela loshalaba ebile ke tlolela godimo le fatshe.”

<sup>140</sup> O ne a re, “Lefoko lengwe le lengwe!” Efa ne a dumela Lefoko lengwe le lengwe fa e se le le lengwe. Lo a bona? Ke Lefoko le le feletseng la Modimo, tsholofetso ya oura ena e bonaditswe. Lo a bona?

<sup>141</sup> Lemoga jaanong jaaka re tswelela. Ke na le mo gontsi fano go bua ka ga gone, fela ke na le go ka nna matlhare a le masome a le mabedi, fela gone . . . a—a mekwalo, fela nna—nna fela ga ke tle go bua ka ga gone gotlhe. Lo a bona, ke tlaa itlhganela.

<sup>142</sup> O siregile ka lesire la tlholego pele ga a ka bua Lefoko ko bathong. Jaanong, Modimo o tshwanetse a Itshire, jaaka A soloeditse, ka mo nameng ya motho. Modimo! A lo a Go tlhaloganya? [Phuthego ya re, “Amen.”—Mor.] Modimo o tshwanetse a Itshire mo nameng ya motho, mme a beye lesire la semowa mo go bona, (ba re, “Sentle, nna ke *sena* ebile ke *sele*”), gore o tle o buwe le batho. Fa lesire leo, le e leng lesire la setso, le kgagotswe, ka nako eo se ba . . . seo ke se ba se buang, “Gobaneng, metlha ya metlholo e fetile.”

<sup>143</sup> Moeka ne a mpolelela maloba, moreri yo mo—yo monnye wa Mobaptisti golo fano, ne a tla ko go nna, Mokaulengwe Green, mme o ne a re, “Mokaulengwe Branham, selo se le sengwe se ke nang naso kgatlhanong le wena ke se.” O ne a re, “O leka go dira batho . . .” E ne e le golo ko Ramada Inn, fa re ne re na le bokopano golo koo. Ne a re, “O leka go dira gore batho ba dumele mo pakeng ya boapostolo, go tshela gompieno jaaka ba ne ba ntse mo pakeng ya boapstolo.” Ne a re, “Paka ya boapostolo e ne ya khutla le baapstolo.”

Ke ne ka re, “A e dirile?”

“Eya.”

Ke ne ka re, “Ke mang yo neng e le mmueledi ko pakeng ya boapstolo?”

O ne a re, “Baapostolo ba le lesome le bobedi ko bonnong jo bo ko godimo.”

<sup>144</sup> Ke ne ka re, “Ka nako eo Paulo ne a se mo palong.” Ke ne ka re, “Mmueledi e ne e le Petoro. Mme Petoro ne a bua, mo Letsatsing la Pentekoste, fa ba ne ba bone mona gotlhe go diragala, le Mowa o o Boitshepo o dira, o ne a re, ‘Tsholofetso ke ya lona, le ko baneng ba lona, le ko go bao ba ba leng kgakala, e bong ba le bantsi ka fa Morena Modimo wa rona a ka bang a ba a ba bitsa.’ Fa A santse a bitsa, ka ntlha eo Selo se se tshwanang se fano. Paka ya boapostolo e ne ya khutla leng foo? Paka ya boapostolo e khutla nako e Modimo a emisang go bitsa.” Ga a ka a bua sepe fa e se go tsaya hutshe ya gagwe a bo a tsamaya.

<sup>145</sup> Go tsaya Lefoko go go dira. Ke Lefoko. Jesu ne a bolelela Satane, “Go kwadilwe.” Lo a bona? Ke gone, “Go kwadilwe.”

<sup>146</sup> Ke ne ka re, “Petero ne a re ga go kitla go ba go fela. Ba le bantsi jaaka ba Morena a ba biditseng, Tshegofatso ena e ne e le ya bona. Jaanong wa re, ‘O ne a emisa.’ Leng?”

“Ga go kgobatso epe e dirilweng?”

Ke ne ka re, “Nnyaya, rra, eseng le gannyennyane. Tswelela pele.” Uh-huh. Gone foo. Lo a bona?

<sup>147</sup> Petero ne a re e ne e le ya mongwe le mongwe yo neng Modimo a neng a tlaa mmiletsa gone, o ne a tlaa amogela Tshegofatso e tshwanang ya boapostolo. Moo ke—moo ke Lefoko la Morena. Lo a bona?

<sup>148</sup> Jaanong lesire la tlholego. Modimo, Lefoko, a siregile mo nameng ya motho. E ne e le eng? Modimo ne a siregile mo go Moshe. Modimo ne a le mo go Moshe, a siregile, mme Bolengteng jwa Modimo bo ne bo le mo go ena. O ne a itekanetse thata jang le Lefoko leo ka mo go ena jalo, go tsamaya a ne a tshwanela go sira sefatlhego sa gagwe. Mme e ne e le moporofeti yo o rurifaditsweng yo neng a phutholola Lefoko mme a ba a ba bolelela, “O ka se ka wa! O ka dira! Ebile o ka se ka wa!” Lo a bona?

<sup>149</sup> Go neela Lefoko la Gagwe ko kokomaneng eo, O ne a Itshira mo mothong, kgotsa Lefoko le ka bo le ne le foufaditse le e leng ba ba bileditsweng ntle. Lo a bona? Le e leng batho ba ba neng ba le golo koo, ba ne ba sa kgone go ema go bona seo. Ko go—ko go Ekesodu re fitlhela gore, ba ne ba re, “Mpe Moshe a bue, eseng Modimo.” Lo a bona gore goreng Pinagare ya Molelo e sa tlhagelele thata? Lo a bona?

<sup>150</sup> Modimo ne a re, “Ke—Ke—Ke tla dira seo. Ke tla ba tsosetsa Moporofeti.” Amen! “Ke tla ba tsosetsa mongwe.” Mme O ne a tla fela totatota. “Ke tla tsosa, mme Ena o tlaa nna le, nna Lefoko.”

<sup>151</sup> O ne a re, “Fa ba batla go bona se Lefoko le se...” Ne a re, “Jaanong, Moshe, Ke ne ka tlhagelela ko go wena ka kwale, setlhatsana se se tukang.” Ne a re, “Ke ile go fologa

ke bo ke fisa thaba eo ka molelo.” Ne a re, “Ba tla bona gore o boletse boammaaruri. Ke tla bonala fano ka tse—ka tse—tsela e e tshwanang ya go tuka. Ke tlaa bonala fano ke bo ke rurifaletsa batho, Ke tlaa netefatsa bodiredi jwa gago.” Seo ke se A neng a se bolelala Moshe fano, mafoko a le mantsi ga kalo.

<sup>152</sup> Lemogang, O ne a re, “Jaanong Ke ile go—Ke ile go go galaletsa mo pele ga batho.” Ne a re, “Jaanong, o ne wa ba bolelala gore Ke ne ka go kgatlhantsha golo kole ko setlhatshaneng se se neng se tuka; jaanong Ke ile go fologa, Molelo o o tshwanang, mme Ke ile go dira batho ba bone go re ga o ise o ake ka ga Gone.” O ka kgona go Go rurifatsa ka maranyane, ebile, fa o batla go dira. Lo a bona? “Nna ke ya go tla gone kwa tlase mme ke ba itsise.”

<sup>153</sup> Mme erile A simolola go ntsha tumo ya maru, fa Jehofa a ne a simolola go ntsha tumo ya maru, batho ba ne ba re, “Nnyaya! Nnyaya! Nnyaya! Se ka wa dira Jehofa a bue; re tlaa—re tlaa swa.”

<sup>154</sup> Lo a bona, O ne a tshwanelo go sirega, jalo Modimo ne a Itshira ka mo go Moshe mme a naya Moshe Lefoko. Mme Moshe ne a fologa a bo a bolela Lefoko la Morena, ka mo lesireng mo sefatlhegong sa gagwe. A ke gone? Jehofa a siregile mo popegong ya moporofeti, ka gore go sena pelaelo epe go ka bo go . . . Mme Modimo o ne a bua gore A ka se tlhole a bua le bona jalo. Ena o tlaa bua fela le bona ka moporofeti. Eo ke tsela e le esi e le ka nako nngwe A tlaa buang le bona ka yone go tlogeng foo go tswelela. Eo ke tsela e le esi e le ka nako nngwe A neng a bua ka yone. Ke gone. Ga go ise go nne ka tsela e nngwe e sele. Ga A ake.

<sup>155</sup> Lemogang, Moshe a le esi ne a na le Lefoko. Jaanong, go ne go se na se—setlhophpha se se neng sa fologa, e ne e se fela Bafarasai, kgotsa Basadukai, kgotsa e ne e se lekga—lekgamu kgotsa losika lengwe. E ne le Moshe! O ne a na le monna a le mongwe. A ka se tseye menagano e mebedi kgotsa e meraro e e farologaneng. O tsaya motho a le mongwe. Moshe ne a na le Lefoko, ebile Moshe a le esi. Joshua ebile ne a se na Lone. Ga go ope o sele yo neng a na le Lone. Amen! Joshua ne a le rama—ramasole; Joshua ne a le molaodi wa sesole; Joshua ne a le modumedi, Mokeresete. Fela Moshe ne a le moporofeti! Lefoko le ka se kgone go tla ko go Joshua; Le tshwanetse le tle ko go Moshe. O ne a le moporofeti o mogolo wa oura. Lemoga, Lefoko ga le ise le ko le tle ko go Joshua go tsamaya Moshe a ne a ile. Nnyaya, rra. Modimo o dirisana le a le mongwe ka nako. Modimo o mongwe. Lo a bona? Jaanong, Moshe a le esi ne a na le Lefoko, eseng setlhophpha.

<sup>156</sup> Leba, Modimo ne a tlhagisa batho bangwe le bangwe go se leke go sala Moshe morago go ya ka mo lesireng leo; baetsi. Lo a bona? Mosadi, monna, moperesiti, le fa e le mang yo neng e le ena, ka foo a nang le poifoModimo ka teng, ka foo motho yo, tlslot e ntsi ka gone, ka foo ba neng ba le ka gone; O ne a tlhagisa, “A

Moshe a tle a le esi! Mme fa motho ope, le e leng phologolo, e le ama, e tshwanetswe e bolaiwe gone foo.” Go se ka le ka motlha ga tlolwa fa pele ga lesire leo. Lesire leo e ne e le la motho a le mongwe. Molaetsa oo o mongwe. Lo a bona? Ka mo tempeleng, monna a le mongwe ne a tsena gangwe mo ngwageng, a tloditswe mme a baakanyeditswe go tsena; eseng go ntshetsa Lefoko kwa ntle, fela go neela madi. Le e leng go tsena mo teng moo mo pele ga Lone, a le mongwe fela. Monna mongwe o sele ne swa. Lo a bona?

<sup>157</sup> Ba swa mo semoweng jaanong. Lena ke lesire la semowa. Lo a bona? Lele e ne e le lesire la tlholego. Lena ke lesire la semowa. Lo a bona? Ba tswelela ba tsena gone ka mo teng ko morago koo, o ka ba bolelala. “Ao, Ke a itse! Ke itse seo, fela nna . . .”

Ke ne ka re, “Tswelela pele, go siame, gone go bua fela . . .” Lo a gakologelwa, petso ya bofelo ko Egepeto ne e le loso, pele ya khuduga. Petso ya bofelo mo lefatsheng ke loso la semowa, pele ga khuduga. Fong ba tlaa fisiwa go nna molora ba bo ba fetolelwa morago ko loroleng, mme basiami ba tlie go tsamaya mo meloreng ya bona. Fela selo sa bofelo ke loso lwa semowa, go gana Lefoko.

<sup>158</sup> Jaanong lemoga, Modimo ne a tlthagisa motho mongwe le mongwe gore ba se latele Moshe ka ko lesireng la Molelo. Moshe ne a tshwanetswe go khurumediwa ka lesire, o ne a tshwanetse go tswa koo. Moshe ne a tsena e le Moshe, ne a tsena ka mo Pinagareng ena ya Molelo; mme fa a ne a tswela ko morago, o ne a khurumeditse ka lesire. Gonne, o ne a tsena ka Koo, kwa ntle ga dingwao tsa gagwe, dingwao tsa bagolwane. O ne a bone Pinagare ya Molelo, fela jaanong o ne a tsena *ka mo* Pinagareng ya Molelo. Lo a bona? Amen! Mme ne a tswela mo pontsheng, a sirilwe. Lefoko la Modimo mo monneng, le sirilwe! Ke yoo ne tla a tswa, ijoo, ke kgona go go bona. Ga go ope o sele yo neng a tlhagisiwa go go leka, ga go ope yo ka etsang Moo. Go botoka o seka. Lo a bona? Le e leng moperesiti kgotsa monna yo o boitshepo, le fa e le mang yo neng e le ena, mokhadinale, mobishopo, ope o sele, a neng a leka go tsena ka mo lesireng leo, ne a swa. Modimo ne a ba tlhagisa. Ga re tle go dira diketsaetso dipe.

<sup>159</sup> Lefoko la Gagwe le senolelwa a le mongwe. Go nnile ka gale go ntse e le, moporofeti ne a tla ka Lefoko la Morena, paka nngwe le nngwe ka nosi, nako nngwe le nngwe, go fologa go ralala Lokwalo. Lefoko le tla ko go a le mongwe. Mo pakeng nngwe le nngwe, go tshwana, le e leng mo dipakeng tsa kereke, go tloga ko go yone ya ntsha go ya ko go ya bofelo. Ba bangwe ba na le mafelo a bona, ke gone, lemoga, fela nnela kgakala le Pinagare eo ya Molelo. Lo a bona? A thuto e re e ithutang fano! Lo a bona, mongwe le mongwe a batla go nna Moshe, mme mongwe le mongwe . . .

<sup>160</sup> Lo gakologelwa se Dathane le bone ba neng ba se bua golo koo? Ba ne ba re, “Jaanong, Moshe, ema fano motsotso fela! O inaya maikarabelo a mantsi, lo a bona. Jaanong, go na le banna ba bangwe fano ba Modimo a ba biditseng.”

<sup>161</sup> Moo ke nnete. Bona, mongwe le mongwe ka bonosi, ba ne ba latela go siame thata fa fela ba ne ba tsamaya ga mmogo, fela nako e mongwe a neng a leka go gatela kwa godimo a bo a tsaya maemo a Modimo a Ena a a neileng Moshe, yo neng a tlhomiseditswe pele ebile a laoletswe pele mo tirong eo, a ne a leka go a tsaya, molelo o ne wa fologa wa bo o bula lefatshe la bo le ba metsetsa gone ka mo go lone. Lo a bona? Lo a bona? Elang tlhoko. Lo a bona? Nnang fela ba ba molemo, Mokeresete yo o poifoModimo wa Modimo, yo o dumelang Lefoko. Lo a bona? Nnela kgakala le Pinagare eo. A thuto!

<sup>162</sup> Modimo ne a bonagetse pele ko go Moshe mo setlhatshaneng se se tukang, Modimo ne a siregile ka mo Pinagareng ya Molelo. Jaanong reetsang thata motsotso ka tlhoafalo. Modimo, la ntlha ne a tla ko go Moshe, O ne a siregile. Modimo ne a le mo Pinagareng ya Molelo, a fitlhiegile ko morago mo setlhatshaneng, lo a bona; jaaka ko morago ga matlalo, lo a bona, kwa morago ko sedulong sa boutlwelo bothhoko kwa aletareng. Lo a bona? O ne a siregile. Ena o tlhola a siregile. Mme erile A tla ko go Moshe, O ne a le mo Pinagareng ya Molelo, a siregile mo Pinagareng ya Molelo. Fela fano, mo pele ga batho, Modimo ne a mo rurifatsa ka yone Pinagare eo ya Molelo. Lo a bona? Moshe ne a re . . .

<sup>163</sup> Jaanong elang tlhoko. A lo a bala? [Phuthego ya re, “Amen.”—Mor.] A lo lettlelala menagano ya lona e sutele kgakala kwa thoko? A lo kgona go? Kgona . . . “Ena yo o nang le ditsebe, a a utlwe.” Lo a bona?

<sup>164</sup> Motlhang Modimo a ne a bonala ko go Moshe, e ne le ka mo Pinagareng ya Molelo, motlhang A ne a mmiletsha ko bodireding jwa gagwe. Mme Moshe ne a tla a bolelela batho ka ga gone. Ba ne ba sa kgone go go dumela, ntswa a ne a dira metlholo le dilo. Fela, nakong eno, Ena ka go bonagala, go ya ka maranyane ne a bonala a bo a netefatsa bodiredi jwa ga Moshe gore ke Modimo yo tshwanang yo neng a bua le ena, ka gore ne A bonala mo popegong ya Pinagare ya Molelo mme a tukisa thaba ka molelo. Mme E ne ya tla ko go Moshe mo setlhatshaneng, ya bua le ena. Go siame.

<sup>165</sup> Go bonala ga ntlha ga Modimo, ko go Moshe, mo setlhatshaneng se se tukang, lesire. Mo pele ga batho, Modimo a ne a siregile gape mme a rurifatsa Moshe, ka lesire, ka go Itshira ka one Molelo oo, Pinagare ya Molelo e e tshwanang e ne ya fologa. Go tloga—go tloga nako eo . . . Mo go bona, jalo he ba ne fela ba kgona go utlwa Lefoko la Modimo. Lo a go tlhaloganya? Lefoko fela, ba ne ba utlwa Lentswe la Gagwe. Gonne, Moshe ne a le, ko go bona, Lefoko le le tshelang. Moshe! Lo a bona, Modimo

ne a rurifaditse Lefoko leo thata ka Moshe! Lo a bona, Moshe ne a re . . . Modimo ne a bolelela Moshe a re, “Fologela kole. Ke tlaa bo ke na le wena. Ena ke . . . Ga go sepe se se ileng go ema mo pele ga gago. KE NNA YO KE LENG NNA.”

<sup>166</sup> Moshe ne a fologa, a bo a re, “Lo ka nna lwa se dumele sena, gongwe, fela Modimo ne a bonagala ko go nna mo Pinagareng ya Molelo mme O mpoleletse dilo tse.”

<sup>167</sup> “Ao, re na le mehuta yotlhe ya dilo tse di jalo tse di tswelelang.” Faro ne a re, “Gobaneng!” Modisa phuthego Faro ne a re, “Sentle, o na le maano a a tshipi a motshereanyi. Gobaneng, ke na le batshereanyi fano ba ba kgonang go fetolela noga go nna . . . thobane—thobane go nna noga. Tlayang kwano, batshereanyi.” Mme ba ne ba tla kwale ba bo ba dira selo se se tshwanang.

<sup>168</sup> Moshe ne a itse. Ga go sepe se se neng sa mo tshwenya. Ke baetsi ba le ba kae ba ba neng ba na nabo, ne ga se dire pharologanyo e nnyennyane. Moshe ne a ema fela a tuuletse. Selo sa ntsha se o se itseng, di ne tsa gagaba mo tikologong nakwana, mme, ka tlhamalalo, noga ya ga Moshe ne fela ya ja tse di setseng tsa tsone. Lo a bona? Gobaneng? Go tshwana le bona baapostolo, ba ne ba sa kgone go Go tlhaloganya. Moshe ne a sa itse ka foo Modimo a neng a ile go go dira, fela O ne a ile go go dira.

<sup>169</sup> Gakologelwa, O ne a re Jamborese le Janese ba tlaa boa mo metlheng ya bofelo, lo a bona, diketsaetso. “Mme ba tlaa tsietsa bone Baitshenkedwi fa go kgonega,” Mattheo 24:24. Lo a bona? Fela totatata dilo tse di tshwanang, ba dire metlholo ya mehuta e e tshwanang le sengwe le sengwe. Elang Lefoko leo tlhoko! Elang Lefoko leo tlhoko! Motho a re o dira motlholo mme a santse a batla go dumela gore go na le Modimo e meraro, mme go na le mohuta otlhe ona; o tlologie kgakala le mohuta oo. Re a itse gore moo go—moo go phoso, lo a bona, ga go selo se se jalo. Lo a bona? Lefoko, Lefoko lengwe le lengwe, Lefoko lengwe le lengwe le le tswelelang mo molomong wa Modimo! Genesi, Lefoko le le lengwe! Golo fano, ne a re, “O se ka wa ntsha kgotsa wa oketsa lefoko le le lengwe.” Lo a bona, Le tshwanetse le nne Lefoko le le tshwanang leo. Lo a bona?

<sup>170</sup> Lemoga, batho ba ne ba bona sengwe se se neng sa diragala. Moshe o nnile a siregile jaaka mopo . . . O ne a le moporofeti, mme Modimo ne a rurifaditse Lefoko la Gagwe jaanong, ne a ya golo koo. Mme ne a bone ditshupo le dikgakgamatsa. Mme ne ga tloga, go siame, batho ba ba ne ba kgaoganyetswa go nna ka bo bone, kereke. Lo a bona, *kereke* go raya “bileditswe ntle.” Lo a bona? Morago ga ba se na go biletswa kwa ntle ga lefatshe mme ba fetoga go nna batho, lo a bona, ka nako eo Modimo ne a lettelela gore a Itsiwe gore O ne a le Pinagare ele ya Molelo. O ne a rurifatsa Molaetsa wa ga Moshe. Lo a bona? O ne a le Pinagare ya Molelo. Ba ka bo ba ntse ba bo ba tsere setshwantsho sa Yone, ke

a fopholetsa, fa ba ka bo ba ne ba nnile le dikapa ditshwantsho, ka gore e ne yotlhe e Tuka. Fela ba ne—ba ne ba rurifatsa seo, Modimo ne a rurifatsa gore Molaetsa o ne o nepagetse. Molaetsa o ne o le gaufi, sengwe le sengwe se ne se ntse jalo, ba ne ba ile go hudusiwa ka nako eo. Ne a sira moporofeti wa Gagwe ko bathong bana ba khuduga.

<sup>171</sup> Batho ba, akanyang, ne ba bona gore sengwe se ne se mo diragaletse. O ne jaanong a farologane le ba ba setseng ba Baiseraele. O ne a le yo o farologanyeng, molaetsa wa gagwe o ne o farologane, o ne a farologane le baperesiti, o ne a farologane le sengwe le sengwe. Lo a bona, o ne a le motho yo o farologaneng. Batho ba ne ba bone gore sengwe se ne se diragetse. Modimo ne a Itshirile ka mo moporofeting wa Gagwe, go bua Mafoko a Gagwe le bona. Seo ke se A neng a se dirile. Moshe o ne a le Lefoko leo le le neng le tshela ko bathong, a sirilwe ke Pinagare ya Molelo, a bua se se neng se tlaa sirega kgantele ko morago ga matlalo a matshwane. Lo a bona?

<sup>172</sup> Lefoko le ne la tshwanela go tswa mo go Moshe, pele. Lo a bona? Moshe ne a na le Lefoko. A ne a kwadilwe ke Modimo, ga go ope yo neng a ka kgona go A phutholola, Moshe ne a tshwanetse go A phutholola, pele. Leo ke lebaka le a neng a sira sefatlhego sa gagwe, ka gore ena . . . A lo a Go bona? [Phutheo ya re, "Amen."—Mor.] Lo a bona?

*Gone Go fano.* [Mokaulengwe Branham o tsaya Baebele ya gagwe—Mor.] Rona re ka e tsaya, ra E phutha, le sengwe le sengwe se sele foo, fela E tshwanetswe e senolwe. Go kgona go senola, Moshe ne a tshwanela go fetoga go nna Modimo ko bathong.

Lo a re, "Moo ke diphirimisi."

<sup>173</sup> Gobaneng, O ne a bolelela, ne a bolelela le e leng Moshe, ka Sebele, "O tlaa nna Modimo, mme Arone e tlaa nna moporofeti wa gago! . . . ? . . ." Lo a bona? Jalo he Ke yoo ne a tla, lo a bona, O ne a tshwanetse go Itshira, ka gore Modimo o tlhola a le mo morago ga lesire. Ijoo! A lo a Go bona? [Phuthego ya re, "Amen."—Mor.] Modimo o fitlhiegile mo bathong.

<sup>174</sup> Ne a re, "Rara, Ke a Go leboga, O Go fitlhetsa ba ba botlhale le ba ba itseng dilo, mme wa Go senolela bana ba banny, mo go bone ba ba batlang go itse." Lo a bona?

<sup>175</sup> Modimo ne a iphitlha ko morago ga lesire. Moshe ne a itshira sefatlhego. Moshe ne a le Lefoko le le tshelang le sirilwe ka nako eo. Batho ne ba bona Pinagare eo ya Molelo, ne ba re, "Jaanong re kgotsafetse." Lo a bona? "A Moshe a bue." Lo a bona? "A mpe Modimo a se bue, e se re ra swa." Moshe ne a tsena gone ka mo Pinagareng eo ya Molelo. Lo a bona?

<sup>176</sup> Mme ne a bua jaanong a re, O ne a re, "Jaanong ga Ke—Ke tle go tlhola ke bua le bona jaana. Ke tlaa ba neela moporofeti." Lo a bona? Mme eo ke tsela e A tlhotseng a go dira ka yone. Lo a bona?

Ne a re, "Jaanong ba letle ba ye kwa godimo." Fela moporofeti yona o tshwanetse a nne le Lefoko lena. Fa a sirilwe ke ngwao, Modimo ga a ise a mo romele. Fa a sirilwe ka Lefoko, Modimo o tlaa Le rurifatsa. Modimo o phutholola Lefoko le e Leng la Gagwe. Moshe ne a A bolela; Modimo ne a A phutholola. Amen.

<sup>177</sup> Moshe ne a re, "Morena ne a rialo!" Mme Morena ne a dira fela se A se buileng. Moo go ne ga Go dira mo go nepagetseng.

<sup>178</sup> Jaanong O ne a re, "Jaanong, Moshe, o a tlhaloganya. Batho ba a tlhaloganya jaanong. Lo a bona, Ke go supeditse, Ke go tlhomamisitse." Modimo ne a Itshirile mo moporofeting yona, go bua Lefoko la Gagwe ko bathong. Moshe ne a le Modimo yo o tshelang ko go bona, Lefoko le le tshelang la Modimo le bonaditswe. Leo ke lebaka le sefatlhego sa gagwe se ne se sirilwe. Lo a bona?

<sup>179</sup> Mme a lo a itse gore selo se se tshwanang mo Mokereseteng wa popota se siregile gompieno, ko badumologing? Ba bona basadi bao ka moriri o mo leeple le dilo, ba re gone go... "Lebang motshwantshiwa yole wa bogologo." Basadi ba tshophelela moriri wa bona ko godimo mo morago, ba re, "Ke na le thaere e e phofileng, thaere e e beetsweng nako e e tlhokiwang mo godimo moo." Lo a bona, Gotlhe go sirenile. Bona ba foufetse. "Ao," ba re, "Ke na le Ph.D, L..." Ga ke kgathale se o nang naso, o santse o tlhoka kitso ya Lefoko. Ke gone totatota. "Ao, seo, moo ke sengwe fela se se botlana. Ke..." Tsaya dithuto tse dinnye pele.

<sup>180</sup> Ga tweng ka ga batho ba ba reng bona ba sirilwe mo Bolengteng jwa Modimo, mme ba rera ngwao nngwe ya kereke? Ao, boutlwelo botlhoko, bomolemo! Ba ba oketsang ebile ba ntsha, le sengwe le sengwe se sele, ka go kentela dirutwa tse e leng tsa bona le dikakanyo tse e leng tsa bona, mme e se Lefoko la Modimo, lo a bona, ke mohuta ofeng wa lesire? Bao ba na le lesire le le bofaganyeng le kereke. Modimo o kgagotse lesire leo gore le bulege le atlham!

<sup>181</sup> Ba ne ba re, "Ga go selo se se jaaka baporofeti. Ga go selo se se jaaka seo, mo metlheng eno ya bofelo, jaaka baapostolo le baporofeti. Ga go selo se se jaaka phodiso ya Selegodimo. Ga go sa tlhola, go na le selo se se jaaka baboni. Ga go selo se se jaaka Mareko 16 se diragadiwa. Paka ya boapostolo e fetile." Ba Go siresete batho. Fela Modimo ne a tsamaela gone golo foo ka Mowa wa Gagwe o o Boitshepo wa Molelo, a bo a kgagola selo seo go tloga kwa godimo go ya kwa tlas... [Fa go sa theipiwang teng mo theiping—Mor.] Modimo o kgagotse lesire.

<sup>182</sup> Moshe ne e le lesire, Lefoko le le tshelang la Modimo le sirilwe mo morago ga nama ya motho. Pinagare ya Molelo ne e le ka mo go Moshe, jaaka go sololetswe, e bua se se neng se tshwanetswe go sirwa kgantele ko morago ga matlalo, lo a bona.

<sup>183</sup> Jaanong, moo, Lefoko, Lefoko le ne le tlisitswe mo pontsheng, ga tloga La kwadiwa, morago Le ne la bewa ko

morago la bo le santse le sirilwe, gonne Modimo o ne ka gale a le mo Lefokong leo. Amen! Ena ke Lefoko, ka gale. O ne a le mo Lefokong leo. Leo ke lebaka le Lefoko leo le neng le tshwanetswe le siriwe.

<sup>184</sup> Ao, mokaulengwe, kgaitsadi, a o a Go tlhaloganya? [Phuthego ya re, "Amen."—Mor.] Leba! A ga o bone? Le nnile le siregile go ralala dipaka tsena, go ya ka se Modimo a se buileng, mme Le tlaa phuthololwa mo metlheng ya bofelo, Dikano tse Supa tseo di tlaa kanololwa, mme Selo se se feletseng se tlaa tla mo pontsheng ya batho, se se diragetseng tsela yotlhe. Oura ya Molaetsa wa moeingele wa bosupa, masaitsiweng otlhe a Modimo a tshwanetswe a itsisiwe mo go Elia yoo, oura eno ya bofelo; ka foo e leng gore Keresete o ntshitswe mo kerekeng ya Gagwe, Morwa Modimo; ka foo A senotsweng e le Morwa motho gape; ka foo Kereke e tshwanetsweng go lolamisiwa ka gone, le sengwe le sengwe sa motlha wa bofelo, go se tumelo epe ya kereke, go se lekoko lepe, fela go se na pelaelo epe Lefoko le le tshelang mo mothong ka nosi. "Ke tlaa tsaya *sena*, mme ke tlogele se sengwe *sele*." Lo a bona? Go na fela le . . . Ga go na dikgole dipe, ga go na makoko ape, ga go dibofo dipe kgotsa sepe; ke pelo le Modimo, mme Ena a le esi. Lo a bona?

<sup>185</sup> Lemoga, a sirilwe mo nameng ya motho. Moshe ka Lefoko leo, a ne a bua se se neng morago se tlide go tsenngwa ko morago ga matlalo a matshwane. Jalo gore . . . Go jalo Keresete ke Moshe wa rona. Keresete ke Moshe wa rona. O ne a le Modimo a sirilwe mo nameng ya motho, a sirilwe mo bothong, ka mo nameng. Ke gone. Mme Ena o tshwana maabane, gompieno, le ka bosaeng kae. O ne a sirilwe ke matlalo a matshwane. O ne a sirilwe. Mme nako eno O ne a sirilwe ka mo Mothong. Lo a bona? Jaanong lemoga, "tshwanang maabane, gompieno, le ka bosaeng kae," ne a sololetska Lefoko la Gagwe ko pakeng *eno*. O santse a le Keresete, Lefoko le le solofeleditsweng paka eno, a sirilwe mo nameng ya motho. Lefoko ke Modimo.

<sup>186</sup> Tlotso ke motho. Lefoko *Keresete* le raya "motlodiwa," lo a bona, "motlodiwa." Ka ntlha eo, Moshe ne a le Keresete mo metlheng ya gagwe, o ne a le motlodiwa. Jeremia ne e le Keresete mo metlheng ya gagwe, ka seripa sa Lefoko la motlha oo.

<sup>187</sup> Fela erile Jesu a ne a tla, O ne a tla e le Morekololi Motlodiwa; mme moo e ne le tsoopedi Moshe le gotlhe mo go neng go le mo go Moshe, le Lefoko lotlhe, mme Bomodimo jotlhe ka mmele bo ne bo le mo go Ena. Moo ke lebaka lesire le le feletseng la tempele le neng la kgagoga, mme sedulo sa boutlwelo botlhoko se ne sa tswela mo pepeneneng e e itekanetseng, O ne a le Motlodiwa.

<sup>188</sup> Lemogang jaanong, lesire mo nameng ya motho, Lefoko le le solofeleditsweng paka eno le tshwanetse le siriwe le lone.

Lemoga. Maloko a kereke a a ratang boleo le baleofi ga ba kgone go Le bona ka ntsha ya lesire la motho.

<sup>189</sup> Leo ke lebaka le ba neng ba sa kgone go Mmona. “Gobaneng, Ena ke motho. O ne a tswa kae? Ke karata efe ya kabalano e A nang nayo? Ke kereke efe e A leng leloko la yone?” Ke batla go bua ka ga seo bosigong jono, “Ke kereke efeng A leng leloko la yone?” Lo a bona? Mme jalo he, lo a bona, jaanong, “Ke kereke efe e A leng leloko la yone, sefeng—setlhophapha sefeng? Ke sekolo sefe se A nnileng le sone? O ne a bona thuto ya Gagwe kae? Sentele, Monna yo o ne a tsalelwa, go ya ka setso, kgotsa go ya ka po—polelo seka ditso ka ga Ena mo tikologong fano, Monna yo ne a tsalelwa kwa ntle ga lenyalo le le boitshepo. Gobaneng, Ena, go tlhomame, Ena ke wa ga diabolo. Lo a bona, Ena ke—Ena ke wa ga diabolo. O ne a tsalelwa kwa ntle ga lenyalo le le boitshepo, mme Josefa ne fela a nyala mosadi go mo tshegetsa gore ba se mo kgobotletse ka maje, ka gore o ne a le moakafadi. Mme Monna yoo ne a tla mo tikologong mme a bolelala rona baperesiti se re tshwanetseng go se dira?”

<sup>190</sup> Mme Modimo ne a le moo a eme, a senola Lefoko leo, a goeletska, “Modimo wa Me, O Ntlogoeletseng naa?” Tsone difela tse ba neng ba di opela mo tempeleng, tse Dafita a neng a di ba diretsa mengwaga e e fetileng, tse di neng di le tse e leng tsa ga ka Keresete. “Masapo otlhe a Me a Nkgotoletse matlho. Ba pholoeditse diatla tsa Me le dinao tsa Me.” Mme ke bao ba ne ba eme foo, ba opela seo, mme ena Monna a swa mo sefapaanong. Mme erile fa ba fetsa ebile ba . . .

<sup>191</sup> Fa A ne a swa, Modimo wa Legodimo ne a fologa, jaaka A ne a dira ko Thabeng ya Sinai, ka Molelo o o Boitshepo, a bo a fisa lesire leo la tempele go tloga kwa godimo go ya kwa tlase, a le kgagola ka bogare. Mme ke eng se ba neng ba ka se dira? Ba lebe gone foo go tswa mo letlhaphetfong la tempele, mo Golegotha, mme Modimo ne a le foo mo pepeneneng, Setlhabelo.

<sup>192</sup> Fela ga ba Go bone le fa go le jalo, gompieno. Modimo mo motlheng ono wa bofelo o kgagoletse dingwao tseo kgakala, a bo a tlisa Lefoko la paka eno gone mo pepeneneng, mme ba santse ba sa Go itse. Bona fela ga ba Go itse. Gone go—gone go motlhofo thata. Lo a bona, gone go motlhofo fela thata. Go kgakala thata le dilo tsa lefatshe.

<sup>193</sup> Ke ne ka rera maloba ko phuthegong nngwe, ka ga, “Go nneng mmuru.” Lengwe la malatsi ano ke batla go bua ka ga seo, “Go nna mmuru.” Rona rotlhe re dimmuru tsa mongwe, jalo he—jalo he ke tlaa nna mongwe wa ga Keresete. Paulo ne a re ena “ne a balwa e le sematla.” Go tlhomame, o tshwanetse o nne jalo. Lo a bona, go tsaya mmuru go tshwaraganya dilo ga mmogo. Lo a bona? Go jalo.

<sup>194</sup> Jalo he lemogang lesire, nama ya motho. Nnyaya, jaanong, batho ba ba ratang boleo ba ne ba ka se kgone go bona seo. Batho

bao ba bodumedi jwa setso, ba ne ba sa kgone go bona seo, ka gore O ne a le motho. Gobaneng? Nama ele ya motho ne ya fitlha Modimo.

<sup>195</sup> Jaanong, fa A ne a le Pinagare e tona ya Molelo e e neng e fologile, lo a bona, Pinagare e tona ya Molelo e e neng e fologile ya bo e ba bontsha se A neng a le sone, gore O ne a le Pinagare ena e tona ya Molelo, ba ka bo ba ne ba dumetse seo; fa Jehofa a ka bo a ne a tsamaile mo tikologong.

Fela lo bona se A se dirileng, gore A tle a tile batho botlhe bao ba ba botsipa, ba ba botlhale, O ne fela a Itshenola jaaka A ne a soloeditse Moshe, lo a bona, “Ke tlaa bua le bona ka Moporofeti.” Mme O ne a le Morwa motho, Moporofeti. Mme bangwe ba bona ba ne ba Go lemoga, go ka nna bongwe mo lekgolong go tswa mo lekgolong la lekgolo le le lengwe mo lefatsheng, ba ne ba Go dumela; ba ba setseng ba bone ga ba a ka ba dira. Fela, O ne a le jalo, fela ka go tshwana.

<sup>196</sup> Fela Modimo Mothata ne a le moo a eme mo pepeneneng, Sedulo sa Boutlwelo botlhoko! O ne a swa motlhlang bana ba e Leng ba Gagwe ba ne ba re . . . Bana ba e Leng ba Gagwe koo, ba re, “Re ka se Mo amoge! A A kobiwe!” Ba Mo kgwela ka mathe.

<sup>197</sup> Setshwantsho, kgakala ko morago, fa Dafita ne a tlogela tempele, kgosi e e gannweng. Ne a fologa ka mmila, le mogoma yo monnye, yo o godileng wa segole a gagaba a tsamaya ga mmogo, ne a ise a ko a mo rate, o ne a mmitsa “moitimokanyi wa kgale” kgotsa sengwe, a mo kgwela mathe gone mo sefathegong sa gagwe. Mme molebedi yoo ne a somola tshaka, a re, “Ke tlaa letla tlhogo ya ntšwa eo e dule mo go ene; mme a kgwela mathe mo kgosing ya me?”

<sup>198</sup> Dafita ne a re, “Mo tlogela a le esi, Modimo o mmoleletse seo.” Dafita kooteng ne a sa itse se a neng a se bua. Ne a ya ko godimo kwa thabeng, a lebelela ko morago, a lela.

<sup>199</sup> Dingwaga di le makgolo a ferabobedi go tloga moo, Morwa Dafita ne a tlhatloga thaba yone eo, a lebelela golo koo, a lelela Jerusalema, Kgosi e e gannweng. Mme ba ne ba kgwela mathe mo sefathegong sa Gagwe.

<sup>200</sup> A ga lo bone? Ke selo se se tshwanang. Lo bona Lefoko leo le tswelela le fologa, le tswelela go fologa gompieno? Le tlholo le ganwa ke bontsi, lo a bona, mme a dumelwa mo bobotlaneng.

<sup>201</sup> Jaanong, lo a bona, ba ne ba sa kgone go Go dumela. Bagerika bao, ba ne ba sa kgone go Mmona, O ne a le mo tempeleng ya Gagwe ya motho. “Gobaneng,” ba ne ba re, “leina la monna yo ke Jesu; O tswa ko Nasaretha.”

<sup>202</sup> Jaanong, ba ne ba na fela le leina le le lengwe koo gone mo malatsing ao. Jaaka, “Johane, Jimi,” ba re, “Johane go tswa Jeffersonville, Jimi go tswa New Albany,” kgotsa sengwe se se jaaka seo, lo a bona.

<sup>203</sup> O ne a re, “Yona ke Jesu go tswa Nasaretha. Go ne go tlwaelegile go dumelwa gore Mmaagwe o ne a imisitswe ke lesole.” Lo a bona? Mme ka nako eo ke totatota se ba neng ba se dumela. Go tlhomame! Mme ba ne ba re, jaanong, “Mme yona ke Jesu wa Nasaretha.” Lo a bona? “Ena ke Mang?” Lo a bona, ba ne ba sa kgone go tlhaloganya Seo.

<sup>204</sup> Fela, gobaneng, Lefoko lena la letsatsi leo, fa A ne a rera, ne a re, “Phuruphutsang Dikwalo. Mo go Tsone lo akanya fa lo na le Botshelo jwa Bosakhutleng, mme Tsone di supa gore Nna ke Mang. Fa lo ka se kgone go Ntumela; Ntebaleng, jaaka lesire, dumelang Lefoko le le tswelelang. Bobedi ke basupi,” O ne a re, “Ke a bua le Rara o a Mpuelela.” Amen. Go jalo.

<sup>205</sup> Ke bua Lefoko la motlha ona, mme Rara o a Le tlhomamissa. Jaanong a moo ke bosupi mo go lona? [Phuthego ya re, “Amen.”—Mor.] Go jalo, lo a bona. Ke ka foo go tshwanetsweng go diragadiwe ka teng.

<sup>206</sup> Lemogang mo go Bakorinthe wa Bobedi jaanong, mo... mo go Bakorinthe wa Bobedi, kgaolo ya bo 3, temana ya bo 6, tempele ya kgale e ne e fitlhela Modimo Majuta, ko morago ga matlalo a kgale. Fa lesire la kgale le ne le kgagolwa, Majuta ne a santse a... a foufetse mo goreng Ena o ne a le Mang, le yo A leng Ena ka nako e. Mme ne ga tloga Pentekoste ya senola gore Modimo wa nnete le yo o tshelang ne e le Mang, motlhlang lesire leo le neng le segwa go nna a mabedi, ke Modimo, go tloga kwa godimo. Gobaneng lesire leo le ne la dira seo? Gobaneng le ne la go dira?

<sup>207</sup> Gobaneng go ne ga tla Molaetsa o jaana gompieno go dira se O se dirileng? Gobaneng O ne wa tla? Gobaneng?

<sup>208</sup> Go ne go na le mongwe a ile go nteletsa, letsatsi lengwe fano e se kgale, ne a batla go ngangisana le nna ka ga pa—paka ya kereke, gore, “Modimo ne a le ka mo kerekeng ya Gagwe e e boitshepo,” le dilo tse di jaaka tseo. Mme ke ne ka fitlhela gore e ne e le mosadi mongwe wa moreri, mme ke ne fela ka lebala ka ga gone. Lo a bona, fa go ka bo go ne go nnile monna mongwe moo go ne go ile go siama, go ka bo go ne go farologane. Fela, jalo he, fela mosola ke ofe wa go ya kgakala ka kwa lefatsheng le lengwe koo, fa ke tshwanetse go lesa bokopano fano go go dira, lo a bona? Jalo ke ne fela ka ba lesa ba le nosi. Difofu di etelela difofu pele, bona—bona bottlhe ba wela ka mo khuting.

<sup>209</sup> Jalo, jalo jaanong mo pakeng eno, motlhlang lesire la kgale la selekoko le ngwao le nnile la kgagolwa, go tloga mo Lefokong la Modimo, gore Go tle go bonatswe! Lo bona se ke se rayang? Ngwao ya re, “Dilo tsotlhe tseo di fetile.” A Go kolobetse gannyennyennyane. “Dilo di fetile.” Fela, mo motlheng ona wa bofelo, go lesire leo la ngwao le nnile la kgagolwa ka bobedi, mme fano go eme Pinagare ya Molelo. Lo a bona? Ena ke Yona, a bonatsa Lefoko la motlha ona. Lesire le kgagotswe.

Jaanong, lefatshe, ba santse ba sa Go dumele. Go sa kgathalesege gore eng, ga ba Go bone. Ga ba Go bone. Go ne go sa romelelwa bona.

<sup>210</sup> Gakologelwa, Morwa Modimo ne a sa senolelwa Sotoma; barongwa ba babedi ba ne ba dirwa jalo. Ke gone.

<sup>211</sup> Fela, sena, Modimo ka Sebele mo nameng ya motho ne a senolelwa Aborahama, Baitshenkedwi. Mme elang tlhoko se A neng a se dira go Itshenola. Mme jaanong Aborahama o ne a itse, fa A ne a itse se se neng se le mo kakanyong ya ga Sara ko morago ga Gagwe, ne a re, a Mmitsa, “Elohim! Motlhanka wa Gago . . .”

<sup>212</sup> Lemoga jaanong, gore go kgonege go bonatswa. Lefoko le nnile la nna le lesire mo go Lone mengwaga yotlhe ena, ko bathong, “Go ka se ka ga kgonwa go dirwa.”

<sup>213</sup> Lo gakologelwa theron e ke neng ka e rera mosong wa motlha o ke neng ke tloga fano nako ya ntsha, ka ga Goliate le Dafita? Ke ne ka re, “Lebelelang mophadisanyi golo koo, a reng gore ‘malatsi a metlhola a fetile.’”

Lebelelang ditheipi tseo jaaka di tla golo kwano, lebelelang nngwe le nngwe ya tsone ka nosi, ka foo O mnang o o tlhaloganyegang motlhoho go feta le o o tlhaloganyegang motlhoho go feta; fa o na le ditsebe go utlwa, lo a bona, matlho go bona.

Eng? Ke ne ka re, “Lefatshe le le tona leo le le bofaganyeng le kereke le eme golo koo, le bua gore mo pakeng ena ya tsa boranyane, gore go ka se kgonege go ka dirwa.” Fela ke ne ka re, “Modimo . . .” Mo Leseding leo, pele Le ka ba la kapiwa setshwantso, fela gangwe; le ne le ise le kapiwe setshwantsho ka nako eo. E ne e le kwa tlase ko nokeng koo; ba ne ba ise ba kape setshwantsho sa Lone. Lo a bona? Ke ne ka re, “O ne a Mpoleletse gore go ne go ile go diriwa; O tlaa dira pitso mme e tlaa anama mo ditshabeng.”

<sup>214</sup> Mme le e leng Ngaka Davis, ne a re, “Wena, ka thuto ya sekolo sa melao ya go dirisa mafoko sentle, o fetetse ka mo mophatong wa bosupa, o tlaa bo o rapelela dikgosi le ba ga bogosi, ebile o tlaa simolola tsosoloso e e tlaa anamelang ko ditshabeng?”

Ke ne ka re, “Ke se A se buileng.”

<sup>215</sup> Mme go nnile ga diriwa. Lo a bona? Lo a bona, go nnile ga diriwa. Moo ke selo sa teng, ke, Ena ga a tlhoke phuthololo epe. O go dirile. Lo a bona, O setse a go dirile, moo go a iphuthololola, lo a bona, a bitsa Baitshenkedwi ba Gagwe, lo a bona, go tswa—go tswa maphateng otlhe a botshelo. Jaanong go a bonatswa.

<sup>216</sup> Ke ne ka bua gore Dafita ne a ema golo koo, mogoma yo monnye, yo monnyennyane, yo mosesane thata ka mokwatla wa gagwe otlhe o obegile, ka motsekedi mo seatleng sa gagwe. Mme, gobaneng, Saule ne a mo leba, tlhogo ya mokgatlo wa badiredi, ne a re, “Gobaneng, wena, ga o a katisiwa le go katisiwa!” O ne a

re, "Mpe ke bone fa nka kgona go go naya Ph.D. kgotsa sengwe." Ne a mo apesa seaparo sa gagwe sa itshireletso sa ntwa, sone... O ne a fitlhela gore se ne se sa lekane monna wa Modimo.

<sup>217</sup> Ne a re, "Tlosa selo se mo go nna." Ne a re, "Ga ke itse sepe ka ga seo." Ne a re, "Mpe ke tsene ka tsela e ke e itseng, se ke lwantshitseng tau ka sone, se ke lwantshitseng bera ka sone." O ne a le mohuta wa monna wa dikgwa. O ne a re, "Mpe ke tsene ka tsela e."

<sup>218</sup> Mme Goliate yona wa kgale ne a re, "A lo romela ntšwa ko ntle go ntwantsha?" Ne a re, "Ke tlaa go nopa mo bofelelong jwa lerumo la me ke bo ke kaletsat setoto sa gago kwa godimo koo ke bo ke letla dinonyane di se je."

<sup>219</sup> Dafita ne a re, "O nkqatlhantsha o le Mofilisita, le seaparo sa itshereletso sa ntwa le lerumo, mme nna ke tlaa go kgatlhantsha mo Leineng la Morena Modimo wa Iseraele." Lebelelang moporofeti, Dafita, ne a re, "Gompieno ke tlaa kgaola tlhogo ya gago mo legetleng la gago." Amen! Ijoo! O ne a itse se a neng a na naso, Yo a neng a mo dumetse, mme o ne a tlhotlheletsegile ka bottlalo go dumela gore O ne a nonofile go tshegetsa seo se a neng a se soloftse mo go Ena. Lo a bona? Jalo he go ne ga diragala le fa go le jalo.

<sup>220</sup> Polelo ya kgale, "Metlha ya methlolo e fetile," dipota di thubilwe! Jehofa o santse a eme mo pepeneneng, a bonatsa Lefoko la Gagwe, Mongwe yo o sirolotsweng. Ke gone. Lemogang.

<sup>221</sup> Kereke ya Badišhaba le yone e nnile ya foufadiwa ka lesire, morago ga le sena go kgagolwa le tlosiwa mme le supa Modimo, lesire le le bofaganyeng le kereke. Jang? Ka go sira Lefoko ka mo mothong gape. Seo ke totatota se Iseraele e paletseng ke go se bona. Fa go ka bo go nnile Moengele mongwe kgotsa sengwe, Israele e ka bo e ne e Se dumetse. Fela e leng gore go ne go sa kgonege gore e nne Moengele, go ne go tshwanetse gore e nne motho. Amen!

Modimo a ka se kgone go roba Lefoko la Gagwe. Mo metlheng ya bofelo go tshwanetse go nne selo se se tshwanang gape. Lo a bona? Ke eng se se neng sa foufatsa Iseraele? Monna yole. "Wena o Motho yo a Itirang Modimo." Ke se ba Mmolaetseng sone, le, gompieno, ka gore Molaetsa o tlide ka motho mme e se Baengele. Lo a bona? Modimo ga a kgone go fetola tsela ya Gagwe, go fetola Lefoko la Gagwe. O ne a re ga A fetoge. Lo a bona? Lemoga, soloftedswe! Mme Badišhaba ba foufaditswe fela gompieno jaaka Iseraele e ne e ntse ka gone, ka nthya ya (eng?) lesire. Modimo a siresgile mo mothong, ne ga foufatsa Iseraele.

Lemoga, le ka nako epe go tlaa foufatsa mongwe. Mongwe, Go tlaa mo foufatsa; yo mongwe, Go tlaa mo senolela

Boammaaruri. Go tlaa tswala matlho a bangwe, mme go bule matlho a ba bangwe.

<sup>222</sup> Bona, Jesu ne a ema a bo a re, “Sentle, leina la gago ke—ke—ke Simone, mme leina la ga rraago ke Jonase.”

O ne a re, “Morena Modimo!” Lo a bona? Filipo . . .

O ne a re, “O itsile jang?”

O ne a re, “Bonang Moiseraele, yo mo go ena go senang boferefere!”

Mme o ne a re, “Moruti, O nkitsile leng?”

<sup>223</sup> O ne a re, “Pele ga Filipo a go bitsa, nako e o neng o le fa tlase ga setlhare, Ke go bone.”

<sup>224</sup> O ne a re, “Moruti, O Morwa Modimo. O Kgosi ya Iseraele.”

<sup>225</sup> Sentle, go ne go eme bao foo, ne ba re, “Ke Beelsebule.” Lo a bona? Go ne Ga dira eng? Ga bula matlho a mongwe, ga foufatsa yo mongwe. Ke eng se baperesiti ba neng ba se bua? “Gobaneng, Moeka yoo ke Beelsebule!”

<sup>226</sup> Mosadi yo monnye ne a re, “Ke a itse Mesia o a tla, yo o bidiwang Yo o o Tloditsweng. Lo a bona, Yo o Tloditsweng o tlaa tla. Ga re a ka ra nna le baporofeti . . . O tshwanetse o nne moporofeti. Fela Yo o Tloditsweng o tlaa tla. Re Mo sololetse. Ena ke metlha ya bofelo ya Baditshaba . . . kgotsa ya Majuta.” Ne a re, “Ona ke motlha wa bofelo.” Lo a bona, boobabaedi Basamarea le Majuta ne ba sololetse Mesia. Lo a bona? Ne a re, “Ena ke nako ya Gagwe ya go bonala. Re a itse, motlhlang A tlang, O tlaa dira dilo tsena. O tlaa re bolelela dilo tsena.”

Jesu ne a re, “Nna ke Ena.”

Mathlo a gagwe a ne a bulega; mapodisi, baperesiti ba ne ba foufaditswe.

<sup>227</sup> Seo ke se Efangedi e tlholang e se dira. E bula matlho a bangwe, e senolele ba bangwe Boammaaruri, fa e santse E foufatsa ba bangwe; e na le bokao jo bo gabedi. Bangwe ba kgona go tsaya Morwa yoo ba bo ba lebelela ka tlhamallo ka mo go Ene, ba bo ba foufala; ba bangwe ba kgona go Le tsaya ba bo ba tswela kwa ntle le Lone. Ke pharologanyo.

<sup>228</sup> Jaaka go ne ga dirwa mo pakeng nngwe le nngwe, Bomodimo bo sirilwe mo nameng ya motho. Lemoga, O ne a dira. Baporofeti ba ne ba le Bomodimo, bo sirilwe. Ba ne ba le Lefoko la Modimo (a moo ke gone?) le sirilwe mo nameng ya motho. Jalo he, ga ba a ka ba lemoga Moshe wa rona le gone, lo a bona, Jesu.

<sup>229</sup> Lemogang mo neng go sirilwe ko morago ga matlalo a matshwane ka mo tempeleng ya kgale, ne e le Lefoko, ne e le Lefoko le le neng le bonaditswe mo matlapeng a maboti.

<sup>230</sup> Jaanong, ke ile go leka go tloga mo go ka nnang metsotso e le masome a mabedi jaanong, fa nka kgona, ke go dire halofo morago ga lesome le bongwe. Lemogang, fa lo lemoga, ke

phetlolotse matlhare mangwe fano, lo a bona, go kganelo go nna yo o . . . gore ke kganele go tlola . . . go e dira e nne e telele thata. Ke a itse lo a ša, lo lapile.

<sup>231</sup> Kwa morago ga tempele ya kgale, ka mo lesireng, ke eng se se neng se le morago kwa morago ga foo? Jehofa ne e le Eng? Ke eng se se neng se fitlhilwe kwa morago koo? Ke Eng se lesire le neng le se fitlhile? Ao, aleluya! Ke Eng se lesire le neng le se fitlhile? Le ne le fitlhile Lefoko. Lesire, matlalo a kgale a matshwane, ne go fitlhilwe, fitlhile Lefoko mo matlhong a bona, tlholego. Kwa morago koo, gape, ne e le senkgwe sa tshupo. Kwa morago ga foo, gape, ne e le Kgalalelo ya Shekhaena. Fela ba ne ba fitlhetswe tsotlhe. Go ne gotlhe go fitlhilwe. Kgalalelo yotlhe ya Modimo ne e le gone mo morago ga letlalo leo la kgale la matshwane, go jalo, tsotlhe di fitlhetswe leitlho la tlholego.

<sup>232</sup> Go jalo gompieno, le gone. E bidiwa “segopa sa dibidikami tse di boitshepo, digogotlo,” fela ga ba itse se se fitlhilweng kwa morago koo. Moo ke se ba sa se itseng. Lo a bona?

<sup>233</sup> Foo fa Modimo, mo boutlwelong botlhoko, ne a kgagola lesire gore bone ba bone, ba ne ba faphegile thata jang mo dingwaong tsa bona ba ne ba . . . go ne go santse go fitlhilwe ko go bona, le e leng go fitlha mo motlheng ono.

<sup>234</sup> Mo go tshwanang jaanong! Kgalalelo, Thata ya Mowa o o Boitshepo, Kgalalelo ya Shekhaena e e tlang mo modumeding, jaanong ke raya modumedi wa mmannete, e e bakang gore ditiro le tumelo tsa Modimo di tle ka mo go ena, go dumela Lefoko la Modimo, tseo tsotlhe di fitlhilwe mo matlhong a bona. Ba re, “Dilo tseo di fetile.” Lo a bona, ba santse ba tshela ka mo morago ga lesire.

Ga lo sa tlhola lo le mo morago ga lesire leo, Ba ba botlana, Modimo o tlie mo pontsheng e e feletseng mo go lona.

<sup>235</sup> Maloba, Mokaulengwe Fred Sothmann, Mokaulengwe Tom Simpson . . . Ga ke itse a kana o ne a ba a goroga fano kgotsa nnyaya. Ba le mmalwa ba rona re ne re le golo ko kerekeng ya Baptisti, mme modiredi ne a bua sengwe se se neng se utlwala se le molemo thata. Botlhe ba rona ne ra re, “Amen!” Mongwe le mongwe ka mo kerekeng ne ba golola dithamo tsa bona mme ba lebelela ko morago. Lo a bona? Lo a bona? Re ne ra bona lefofora le le neng le tswa ko morago ga Shekhaena koo, lo a itse, mme rona ka mohuta mongwe re ne re itumetse go le fitlhela. Re ne ra re, ka mafoko a mangwe, “Re a Go leboga, Morena!” Lo a bona? Mme, fa ba ne ba dira, bagoma bana ba ne ba sirilwe thata gore bone ba ne fela ba go tshega. Ba ne ba sa itse se sotlhe Se neng se le ka ga gone. Lo a bona? Ba santse ba sa siregile. Jalo he, go na le bangwe ka mo gare le bangwe ka fa ntle. Mme jalo . . . Fela Modimo mo pontsheng e e feletseng mo go rona, a fitlhilwe. Go a tshwana jaanong!

<sup>236</sup> Ga tloga yare Modimo, mo boutlwelong botlhoko jwa Gagwe, a ne a kgagola lesire, O ne a tlisiwa mo pepeneneng. Fela, ba ne ba faphegile thata gore mo dingwaong tsa bona, O ne a santse a fitlhiegile mo go bona.

Go a tshwana jaanong! Kgalalelo yotlhe eo, e fitlhiegile, e fitlhilwe ka ntlha ya rona mo go Keresete, Lefoko, Yo e leng Tempele ya rona.

<sup>237</sup> Ao, jaanong, ke ile go tshwanela go epela gannyennyane ko tlase mo go sena. Intshwareleng ka ntlha ya maikutlo a me mosong ono, fela, ao, ke ne ka—ke ne ka batla go ntsha sena mo lobakeng lo lo leele thata, nna . . . gone fela go bofelela ka mo go nna. Lo a bona?

<sup>238</sup> Lemogang, Kgalalelo yotlhe e e leng mo Modimong e ka mo Lefokong. Ditshegofatso tsotlhe tse di leng ka mo go Modimo di ka mo Lefokong. Di fitlhetswe, modumologi, ke dingwao. Lo bona se ke se rayang? Fela gotlhe Go ka mo go Keresete. Sotlhe se Modimo a neng a le sone, O Itirile *olea*, “kenos,” a bo a tla ka mo go Keresete; mme rona, ka mo go Keresete, re ka mo morago ga lesire.

<sup>239</sup> “Sentle, ke ka mo go Keresete,” wa rialo. Mme o tloge o dumele gore go na le Medimo e meraro? O kolobetse mo leineng la “Rara, Morwa, le Mowa o o Boitshepo”? O dumela mo dingwaong tsotlhe tseno le dilo tse o dumelang mo go tsone, tsa bagolwane? Nnyaya, o santse o le kwa morago ga lesire. Lo a bona? Tlaya ka mo lesireng. Ena, Keresete, ke Lefoko.

<sup>240</sup> “Jang? Ga ke dumele mo phodisong ya Semodimo. Ga ke dumele mo metlhulong ena le dilo tse di jaaka tseo.”

<sup>241</sup> Sentle, lo a bona, wena o—wena ga o mo teng, ka mo gare ga lesire. Ga o itse sepe ka ga Gone. Lo a bona? Keresete ke Lefoko! Mme fa re le ka mo Lefokong, re ka mo go Keresete. Mme nka nna jang ka mo go Keresete, ke ganetsa Keresete? E ne e le Ena yo neng a re, “Ga go Lefoko le le lengwe le le tl Lang go okediwa kgotsa la ntshiwa.” O ka ntsha jang wa ba wa oketsa moo, ka lebaka leo? Lo a bona, go go bontsha gore ke lesire lefeng le le go sirileng. Lo a bona?

<sup>242</sup> Re ka mo go Ena! Ka lebaka leo rona, re leng mo go Ena, re santse re sirilwe ko ba bodumeding le baipobodi ba lefatshe. Lo a bona, Kgalalelo ya rona e re nang nayo mme re e akola, re santse re sirilwe ko go bona ba ba leng kwa ntle. Ba akanya gore re a “peka, mmuru,” gape. Lo a bona? Lo a bona? Go jalo. Fela rona ba re leng mo teng fano, mo go Keresete, re kolobeleditswe ka mo go Ena, (Bakorinthe wa Ntlha 12), ka mo go Ena, re baabedwi ba Kgalalelo ena. Lo a bona? Fela eseng ka mo ntle; lo santse lo lebeletse ka mo teng, le Go gana. Lo a bona?

<sup>243</sup> Jalo jaanong re laleditswe ka mo go Ena, go nna baabedwi ba tsotlhe tse A leng tsone. Re laleditswe ka mo go Ena, yo o fitlhiegileng ko badumologing, ka lesire la nama ya motho. Lo a

bona? Ba itse Kgalalelo eo, ba ne ba bala ka ga Yone, E ka mo Lefokong fano, “Kgalalelo ya Modimo” le dilo tse di jaaka tseo, ke lefoko fela mo go bona. Mo go rona, ke go bonatshiwa! Lo a bona? Ga e sa tlhola e le lefoko; ke ga mmannete! Amen!

<sup>244</sup> Modimo ne a re, “A lesedi le nne teng,” moo e ne e le lefoko. Fela jaanong go na le lesedi. Ga se lefoko; ke lesedi. Lo bona se ke se rayang?

<sup>245</sup> Jaanong ga se fela Lefoko le le kwadilweng mo go rona, ke bonnate. Re ka mo go Ena. Jaanong re a akola. Jaanong re Mo lebile. Jaanong re a Mmona, Lefoko, a Iponatsa. Le fithilwe, golo koo, ka gore (gobaneng?) Le sirilwe ka mo nameng ya motho. Lo a bona?

<sup>246</sup> Ao, ba re, “Segopa seo sa batho, ba ile sekolong kwa kae? Ke efeng—ke efeng thuto e ba nang nayo? Kae, ke eng—ke eng se ba tswang kwa go sone? Ke sefe—ke sefe—ke setlhophapha sefe se ba leng leloko la sone?” Lo a bona? Huh! Lo a bona, ga ba Go tlhaloganye.

<sup>247</sup> Monna ne a raya monna yo mongwe, maloba, ne a re, “O tshwanetse o nne leloko la lekoko go nna Mokeresete.”

<sup>248</sup> O ne a re, “Nna ke Mokeresete; ga ke leloko la lepe la one.” Uh-huh. Ne a re, “Modimo ne a ntsha kankere ena mo go nna,” ne a re, “jaanong o akanya eng ka ga seo?” E ne e le ngaka. O ne a re, “Mpontshe makoko a a go dirang.” Lo a bona? Go siame. Lo a bona? Go santse go siregile.

<sup>249</sup> Re ka mo teng ga Keresete. Jaanong, jaaka ka nako ele, badumedi botlhe ba nneta ba a Mmona, Lefoko la tsholofetso ya mothla ona, le bonatshitswe mo pontsheng. Leo ke lefoko le le tona fa o ka kgona go le tlhaloganya. Lo a bona? Lo a bona? Badumedi botlhe ba nneta, moo ke ka mo Lefokong, lo bone Modimo mo pontsheng. Lesire le kgagotswe, mme Modimo o eme mo pontsheng mo pele ga lona, a bonaditswe. Lo a bona? Modimo, a bonaditswe, mo pontsheng.

<sup>250</sup> Gore go diriwe sena, lesire la kgale la lekoko la rona la dingwao le tshwanetswe le kgagolwe gape. Gore go bonwe ka mmannete se Go leng sone, lo tshwanetse le tsweng mo gare ga dilwana tseo. Lo a bona? Lo ka se ka lwa go dira; ba tlaa tlhola ba gogela lesire leo mo pele ga lona, nako nngwe le nngwe, “Ao, ga go sepe mo go Seo.” Fela ke Mona go kwadilwe, mme ke mona Go bonaditswe, lo a bona. Lo a bona?

<sup>251</sup> Jaanong, go ka tweng fa mogoma a gana go bona letsatsi, a re, “Ao, foo, ke a itse Modimo ne a re, ‘A lesedi le nne teng,’ fela ga go na selo se se jalo. Nna ke ya ko bonnong jo bo kwa tlase. Nna—nna fela ke gana go le bona”? Moeka yo o a peka. Go na le sengwe se se phoso ka ga ena.

<sup>252</sup> Go na le sengwe se se phoso ka monna kgotsa mosadi, a kgona go bona tsholofetso ya Modimo ebole, a E bona e

bonaditswe, mme a tloge a gane go E dumela ka gore lekoko le gogela lesire fa fatshe. Lo a bona, go siregile!

<sup>253</sup> Gore go diriwe sena, masire a dingwao tsa lekoko la rona a tshwanetswe a rojwe, ke Mowa wa Modimo wa Molelo le Tšhaka, e e leng Lefoko la Gagwe. Lefoko la Gagwe ka gale ke Tšhaka ya Gagwe. Lo a bona? Mme ne A tsaya Tšhaka ya Gagwe letsatsi lele, e tletse Molelo, mme a kgagola lesire leo go tloga kwa godimo go ya kwa tlase. O dira selo se se tshwanang ka Tšhaka e e tshwanang gompieno! Eseng “tumelo ya kereke ya me, buka ya tumelo ya kereke ya me, ya me—katekisima ya me.” Fela Tšhaka ya Morena, Lo a bona, e kgagogela lesire kwa tlase, mme o bona Modimo a eme mo pepeneneng, a bonaditswe mo Lefokong la Gagwe. A pono e e galalelang go e leba! Lo a bona? Go siame. Mowa o o Boitshepo wa Modimo le Molelo, Tšhaka ya Gagwe, e a le kgagola. Lefoko le kgagola lesire la selekoko.

<sup>254</sup> Sente, fa o fetsa go re, “Lefoko,” mme Lefoko ga le dire? Ke molemo ofeng o Tšhaka e tlaa nnang one fano, mme o re, “E ka se kgone go kgagola”? Wa re, “Uh,” mme e ka se kgone go kgagola?

<sup>255</sup> Fela fa o baya Tšhaka eo ya Modimo golo koo o bo o lebelela fa e kgagola, yone e—yone e tshotswe ke seatla se se laoletsweng se rometswe go dira jalo. Lo a bona, e le kgagole le bulege, mme Yone ke eo. Ke lo le bontsha Modimo mo pontsheng, Jehofa yo mogolo. Moo ke Lefoko la Gagwe le bonaditswe, seripa se se solofeleditsweng motlha o. A lo a Go tlhaloganya? Lo a bona? Motlhlang Tšhaka, tsholofetso ya gompieno, mo motlheng ono, se se tshwanetseng gonna teng, mme Modimo a tsaya Tšhaka ya Gagwe a bo a kgagolela lesire la selekoko kwa tlase a bo a le gogela morago, a bo a Iponatsa ebile a supegetsa gore Ena gone, o santse a le Pinagare e e tshwanang eo ya Molelo. Lemogang, leo ke Lefoko le bonaleditswe ditsholofetso tsa gompieno.

<sup>256</sup> Re Le bona jaaka Petoro a dirile fa a ne a re, “Morena, re tlaa ya ko go mang, morago ga go bona Sena?” Re tlaa ya kae? Ke kereke efeng e re ka kgonang go ipataganya le yone, fa rona re tsaletswe ka mo go e Nngwe? Lo a bona? Ke lefeng le wena o ka kgonang... Ke lekoko lefe le o ka kgonang go ipataganya le lone morago ga go itse Dinnete tsena, lo a bona, fa one (lengwe le lengwe) a E gana? Lengwe le lengwe la one! Ga ke na le le le lengwe le le tlaa buang kgotsa la E direlang sengwe. Ke gone. Go jalo.

<sup>257</sup> Ke simolotse mo mesepeleng eno go fologela fano, kwa dikereke di le masome a manê le bobedi mo lefelong le le lengwe di neng di le morotloetsi; fa ke ne ke fitlha golo koo, ke ne ke sena ope. Mongwe le mongwe wa tsone ne a re, “O dumela mo tshireletsegong ya Bosakhutleng.” Seo se ne sa dira batshegetsi ba molao ba tloge. Mongwe ne a re, “O kolobetsa mo Leineng la Jesu.” Moo go dira tse di setseng tsa tsone di tloge, lo a bona. Jalo,

nngwe ya tsone ne ya re, “O dumela mo peong ya nogga. Nogga ga e na peo!” Moo go ne ga dira . . .

<sup>258</sup> Baebele ne ya re, “Ke tlaa tsenya kilo fa gare ga Peo ya mosadi le peo ya nogga.” Lo a bona? Lo a bona foo?

<sup>259</sup> Lone, lesi—lesire, le na la tlosiwa mo Lefokong. Lo a bona? Go jalo. Go senoletswe bana ba banny. Lone le—lone le tlotsitswe. Ba A go bona. Mme go tlaa nna jalo, jaaka go ile ga bolelwa pele . . . Go jalo. Ka nako eo go tlaa nna jalo, jaaka go ne ga bolelwa pele ga twe, “Fa lo bona,” fa lesire leno le tlosiwa golo mo Lefokong, dingwao di tlosiwa golo mo Lefokong, jaaka Jesu ne a bua pele, “Fa lo Mpona, lo bona Rara.” Lo a bona? Modimo le Lefoko la Gagwe ke bongwe. Jaanong lo a tlhaloganya? Fa Lefoko le bonatsiwa, Lone ke eng? Lo a bona?

<sup>260</sup> Jesu ne a re, “Phuruphutsang Dikwalo, lo akanya gore lo na le E . . . Lo dumetse mo Modimong, dumelang gape le mo go Nna. Fa Ke sa dire ditiro tsa ga Rara, ka lebaka leo lo seka lwa Ntumela. Fela fa Ke di dira ditiro, Nna le Rrê re Bangwe. Fa lo Mpona, lo bone Rara.”

<sup>261</sup> Mme fa lo bona Lefoko le bonaditswe, lo bona Rara, Modimo, ka gore Lefoko ke Rara. Lefoko ke Modimo. Mme Lefoko, fa le bonaditswe, ke Modimo ka Sebele a tsaya Lefoko le e Leng la Gagwe mme a Le bonatsa mo gare ga badumedi. Ga go sepe se se ka Le dirang le tshele fa e se badumedi, badumedi fela. Ga se . . . Ga le tle go . . .

<sup>262</sup> O ka tsaya korong wa bo o e jwala mo mmu—mo mmu—mo mohuteng o o farologaneng wa mmu, ga e kake ya tlhoga. Fela, eng, yone e tshwanetse e nne le monontshane o mongwe mo mmung go godisa korong. Mme fa go se na—a go . . . fa monontshane mo mmung o se o—o se o o, korong e sa rudisiwa mo monontshaneng oo, ga e kake ya tlhoga. Jalo he go sa kgathalesege kwa Lefoko le welang gone, fa Le sa wele mo mohuteng o o siameng wa pelo . . .

<sup>263</sup> Jesu ne a rialo. “Tse dingwe di ne tsa wela fa thoko ga tsela, mo mmung o o maje, mme dinonyane tsa loapi di ne tsa tla tsa bo di di ja.” Mme ne A tloga a re, “Tse dingwe di ne tsa wela mo mitlweng le sitlwasiitwaneng, tse di neng tsa tlhoga tsa bo di hupetsega di swa gone ka bonako,” dingwao, makoko, matshwenyego a lefatshe ne a E hupetsa. Fela ne a re, “Tse dingwe di ne tsa wela ka kwale ka ko mmung o o siameng tsa bo di ntsha ga lekgolo,” ne a re, “moo ke Bogosi jwa Modimo.”

Ke selo se se tshwanang, lo a bona, bangwe ba ka seka ba dumela le go dumela.

<sup>264</sup> Bangwe ba tlaa dumela nakonyana, jaaka barutwa. Ba ne ba Mo latela, ba le bantsi ba bona, ba ba masome a supa ba ne ba Mo latela ka mengwaga, go batlisia; go ka nna ngwaga le halofo, kgotsa mengwaga e le mebedi; fela go batlisisa, go tsamaya ba ka kgona go fitlhela sengwe mo go Ena, e nngwe . . . jaaka tsela

nngwe e A neng a na le thata nngwe ya go dira dilo tsena, kgotsa jaaka lenao la mmutla, motshereanyi wa mohuta mongwe, se A kgonang go se dira go ntsha dilo tsena, ka foo A ka kgonang go itse se se neng se le ka fa dipelong tsa batho le se ba neng ba se akanya. Mme kwa bofelong ba ne ba fitlhela gore O ne a bua gore Ena “ne a fologa go tswa Legodimong,” Ena “ne a le Lefoko ka Sebele.” Mme erile ba dirile seo, moo go ne go le mo gontsi thata mo go bona. Ba ne ba re, “Ga go motho ope yo o ka tlhaloganyang Sena.” Mme ba ne ba tloga mo go Ena. Tseo ke tse di neng tsa wela mo gare ga mitlwa.

<sup>265</sup> Go busetsa morago ko selong se se tshwanang, mo phuthegong nngwe le nngwe, lo na le baetsisa-badumedi, badumologi, le badumedi. Go nnile go le mo phuthegong nngwe le nngwe. Lo ba fitlhela nako yotlhe. Bangwe ba bona ba dira ekete bona ke badumedi, moo ke ba ba maswe go feta thata ba mohuta o. Mme ba tloge ba nne le bao ba totatota ba leng badumologi; ena ga a tle go go tshwenya, o tlaa tloga fela a ye kgakala a bo a thukutha tlhogo ya gagwe. Fela bao ba ba iketsang go dumela, ba re ke badumedi, oo ke mohuta, oo ke mohuta o o tshwanetseng o o ele tlhoko, ke baetsisa-badumedi bao. Mme go tloge go nne le badumedi bangwe ba mmatota. Lo a ba bona ba bararo bao foo?

<sup>266</sup> Go ne go le badumologi. Fela ka bonako fa A se na go bua a re, “Jaang nama ya Morwa motho,” ao, thaka, moo e ne e le gone!

<sup>267</sup> Bangwe e ne e le baetsisa-badumedi. Ba ne ba sala go tsamaya, fela jaaka Jutase a ne a dira, gone go ya kwa bokhutlong.

<sup>268</sup> Fela foo badumedi ba mmannete, ba ne ba sa kgone go Go tlhalosa, fela ba ne ba Go dumela, le fa go le jalo. Ba ne ba tswelelela pele.

<sup>269</sup> Lesire, ngwao ya badumologi, fa e tlositswe, lo bona Modimo. Fa lesire la dingwao le nnile la tlosiwa, o ka kgona go bona gore Modimo o santse e le Modimo wa Lefoko la Gagwe. O santse a tshegetsa Lefoko la Gagwe. Ena ke Mo—Ena ke Modimo, Mosimolodi wa Lefoko la Gagwe.

Moo go fitlhilwe kwa morago ga masire a letlalo, ko go ba bangwe. Ee, go jalo. Mo go bao ba ba sa kgoneng go ya ko morago ga lesire, O santse a sale ko morago ga masire a letlalo.

<sup>270</sup> Lemogang. Ka lebaka leo, rona, re a tloga re fetoge go nna bontlhabongwe jwa Gagwe, ka lo le lesire le lo Mo sirang. Lona lo bontlhabongwe jwa Gagwe, fa fela Keresete a santse a le ka mo go lona, jaaka Keresete a ne a le jwa Modimo. Ka gore Modimo ne a le ka mo go Ena, a Mo dira Modimo. Mme jaaka Keresete a le ka mo go wena, tsholofelo ya Kgalalelo, o fetoga go nna bontlhabognwe jwa ga Keresete. “Ena yo o dumelang mo go Nna, ditiro tse Ke di dirang o tla di dira le ena.” Lo a bona? O fetoga go nna bontlhabongwe jwa ga Keresete fa fela Keresete a fitlhiegile

mo go wena. Ka lebaka leo go siregile ko modumologing, fela o a itse gore O ka mo go wena. Wena o dira tempele ya ga Keresete yo o kwa morago ga lesire, letlalo. Fong rona, ka leba-... Kwa morago, ka lebaka la lesire lena, lesire gape mo nameng ya motho, le fitlha Modimo (Lefoko) ko modumologing.

<sup>271</sup> Jaaka go kwadilwe, lo a bona, “Go kwadilwe, lona le makwalo a a kwadilweng,” Baebele ne ya rialo. Jaanong, *lekwalo* ke eng? Ke lefoko le le “kwadilweng.” Mme lona lo “kwadilwe.” Ka mafoko a mangwe, o tlaa Le bala jaana, “Lona,” Le ne la re, “lona lo makwalo a a kwadilweng,” kgotsa, “lo Lefoko, le le nnileng la kwadiwa, la bonatswa,” ga go sepe se se ka okediwang mo go Lone. O ka se kgone go re, “Nna ke lekwalo le le kwadilweng,” mme o tshela mohuta mongwe o sele wa sengwe fela e se *Sena* se setseng se kwadilwe, [Mokaulengwe Branham o phaphatha Baebele ya gagwe—Mor.] ka gore ga go sepe se se ka okediwang kgotsa sa ntshiwang.

<sup>272</sup> Jaaka Ngaka Lee Vayle a kwala buka ena e e tumileng, ke batla lo e bone morago ga nakwana. Mokaulengwe Vayle o fano, o mo madirelong golo gongwe. Ke mmone kwa ntle. Ga ke akanye gore o kguna go tsena. Fela o kwala buka foo, mme—mme yone e makatsa thata, ka ga Paka ya Laodikea. Mme ke batla lona... E tla bo e tlogile mo digatising mo bogautshwaneng thata. Jalo, rona re dira go balwa ga bofelo ga yone jaanong. Mme ne a kwala, mme re ne re buisanya ka Yone teng koo, lo a bona, ka ga...

<sup>273</sup> Mongwe le mongwe o tlhotse a tla ko go nna, ne ba re, “Mokaulengwe Branham, ditumo tse supa tseo tsa maru tse lenseswe le neng la di duma, mme ne A re, ‘O sekwa Le kwala, lo a bona, fela Le tswale,’” ne a re, “tseo e tlaa nna ditumo tse supa tsa maru tse di tlaa senolwang mo metlheng ya bofelo, lo a bona, dituma tse supa tsa maru tse di tlaa re bolelelang?” Jaanong, a moo ga go utlwale go le molemo ka mmatota? Lo a bona? Fela elang tlhoko se lo buang ka ga sone fa lo bolela seo.

O ne a re, “O tlhomamise gore ga o Le kwale.” Lo a bona? Ditumo tsena tse supa tsa maru di bolela mantswe a tsone, lo a bona, mme ne A re, “O sekwa kwala seo, lo a bona, fela Go tshwanetswe go kanelelwe ka mo Bukeng go tsamaya metlha ya bofelo.”

<sup>274</sup> Jaanong mongwe o nnile, ba le bantsi ba nnile ba mpolelela, le baithuta bodumedi ba ne ba re, “Mokaulengwe Branham, fa Morena Modimo...” Ne ba re, “Fa—fa... Ka maitemogelo a gago, a Morena a go a neileng ka ntsha ya batho ba Gagwe,” a bua mona ka boikobo, ne ba re, “o tlaa bo o tlhaolega go kwala Bae—Baebele ka bowena, Lefoko la gago, fa Modimo a bonaditse.”

<sup>275</sup> Ke ne ka re “Moo go ka nna ga bo go le boammaaruri.” Lo a bona, o ne a leka go ntshwara. Lo a bona? Ke ne ka re, “Fela, o a bona, ke ka se kgone go dira seo.”

One a re, “Gobaneng o ka se kgone? O na le di boitseanape jotlhe.”

<sup>276</sup> Ke ne ka re, “Fela, bona, lefoko le le lengwe le ka seka la okediwa kgotsa la ntshiwa.” O a bona?

<sup>277</sup> Mme o ne a re, “Sentle, foo, ditumo tseo tsa maru tse supa, o a bona,” ne a re, “a e tla se re fa ditumo tse supa tseo tsa maru di thuthuntsha, moo e tle e nne fa Tshenolo e tlaa bong e neelwa motho mongwe?”

<sup>278</sup> Ke ne ka re, “Nnyaya, rra, go tlaa bo go le go oketsa sengwe mo go Yona kgotsa go ntsha Sengwe mo go Yone.”

<sup>279</sup> Gotlhe go senotswe teng Moo, mme Dikano tse Supa di phutholotse tshenolo ya se Seo e neng e le sone. Moo ke se e neng e le sone. Lo a bona, go santse go le ka mo Lefokong. Lo a bona, o ka seka wa tswa mo Lefokong leo. Ga go tle go tlogela Lefoko. Mme Mowa wa Modimo le ka motlha ope o ka se kgone go tlogela Lefoko leo. O tla dula gone le Lefoko; o foufatsa bangwe, mme o bula matlho a bangwe. O tlaa tlhola o dira seo.

<sup>280</sup> “Le makwalo a a kwadilweng, a a balwang ke batho botlhe.” Kgotsa, lona le . . . Ke phutholola Seo, retologang ka tsela eno, lo a bona, Le retoloseng fela, “Lona le makwalo a a nnileng a kwadiwa,” ka gore o ka se kgone go oketsa sepe mo go Lone, “a a balwang ke batho botlhe; Lefoko la Modimo le le bonaditsweng,” ka mafoko a mangwe.

Mme Petoro le Johane, go go supegetsa, fa ba ne ba ya golo koo, ba ne ba lemoga gore ba ne ba tlhoka kitso ebile ba sa rutega, ba ne ba sena thuto epe, fela ba ne ba ela tlhoko gore ba nnile ba bo ba na le Jesu. Lo a bona? Ba ne ba tlhoka kitso ebile ba sa rutega, fela ba ne ba le makwalo a a kwadilweng, lo a bona, a balwa gore ba nnile ba ne ba na le Jesu. Ka gore, Jesu ne a Iponatsa ka bona, Keresete a siregile ka mo nameng ya bona; a bonaditswe, a dirilwe gore a tshele.

<sup>281</sup> Jaaka A ne a ntse ka mo go Moshe. Fa Lefoko le ne le le ka mo go Moshe, o ne a le Modimo ka mo nameng. Fa Le ne le le ka mo go Jesu, E ne e le Modimo ka mo nameng. Lo a bona? Selo se le esi se A se dirileng O ne a fetola setshwanalanyo sa Gagwe, eseng Lefoko la Gagwe, eseng tlholego ya Gagwe. Ena o tshwana maabane, gompieno, le ka bosaeng kae. O ne fela a fetola popego ya Gagwe. O ne a fetoga go tloga mo go Noa go ya go Moshe; O ne a fetoga go tloga go Moshe go ya go Dafita; go tloga go Dafita, Josefa; go tswelelala ko tlase go tsamaya A tla ka mo botlalong jwa Bomodimo mo mmeleng. Lo a bona?

<sup>282</sup> Go santse go le Modimo yo o tshwanang! Amen. Amen. Ke solo fela gore moo go a tlhaloganyega. Lo a bona? Ke Modimo yo o tshwanang, fela Ena o tsaya fela lesire le lengwe. Lo a bona, O apara lesire le lengwe.

<sup>283</sup> O ne a go dira ka mo batokafatsing, a tsaya lesire, a tsaya lesire. Go tsamaya, kwa bokhutlong, Le ne la fologa ka paka ya ga Lutere, go fologa go ralala paka e nngwe, foo kwa bofelong Le ne la tla la tswelela ka mo Botlalong. Fela pele ga ga Le tla, moporofeti o tlhagelela gape. Se go se dirang, go bontshetsa moriti wa Lefoko kwa pele, go supegetsa fa morago fano, go senola se se nnileng sa dirwa, se se nnileng sa tlogelwa, gore Kereke e tlaa nna ntle le . . . tlaa se nne ntle le tlhaloganyo. Fong fa sena se nyelela se tloga ka bonya, ka nako eo, jaaka Johane ne a bua, “Ke tshwanetse ke ngotlege, O tshwanetse a gole,” ka nako eo gotlhe mo go gotlhe go ka mo go Ena. Ena o bonaditswe ka botlalo, go ralala paka ya ga Lutere, Wesele, le Pentekoste, le go tswelela ko tlase, go tswelela ko tlase, Ena o bonaditswe ka botlalo, lo a bona, go tla go fologa, fela ponatshego, Modimo a phuthologa: Mmoneng (Jaanong, lemogang.) a diragaleditswe motlha *ona* ka mo ditsholofetsong tsa Gagwe, jaaka *ba* ne ba dira.

<sup>284</sup> Jaanong Moshe o ne a le Lefoko motlheng oo, ka gore Lefoko le ne le Neilwe ena ka ntla ya motlha oo; Moshe. Josefa o ne a le Lefoko mo metlheng ya gagwe, a bonatsa Keresete totatota. Lo a bona, mongwe le mongwe wa bona o ne a le Lefoko.

<sup>285</sup> Mme erile Jesu a ne a tla, O ne a le Lefoko mo botlalong jwa Lone, ka gore leano lotlhe la thekololo le ne le ka mo go Ena. Leano lotlhe la thekololo le ne le se ka mo go Moshe, le ne le se ka mo go Josefa, le ne le se ka mo go Elia. Lo a bona, ba ne fela ba le bonthabongwe jwa Lefoko, bo supa ko go Lone. Lo a bona? Jaanong lemoga, tshwara kakanyo ya gago; Ke mona go a tla, jaaka ke bua. Lo a bona, leano lotlhe le ne le se ka mo go bone. Ba ne ba supa ko go Lone.

<sup>286</sup> Ka moo, morago ga Gagwe, Botlalo, re ka se kgone go supa ko go sengwe se sele. Go supela morago ko go Ena, Lefoko. [Mokaulengwe Branham o tsaya Baebele ya gagwe—Mor.] *Mona* ke Tshenolo ka botlalo; ga go sepe se se ka okediwang kgotsa sa ntshiwa mo go Yone. Tshenolo ka botlalo ke *eo*. Tsotlhe tseo, moriti wa Gagwe o o tshwanetseng go tla; fela fa A ne a goroga, O ne a Itekanetse. Bahebere 1, “Modimo mo dinakong tse di farologaneng ne a bua le borara ka baporofeti,” Modimo ne a bua ka masire, baporofeti, “fela mo metlheng ena ya bofelo ka Morwae, Jesu Keresete.” Lona lo bao. A sirolotswe golo koo ko Golegotha, Morwa Modimo, a sirolotswe.

<sup>287</sup> Lemoga, “a tshedisitswe gore a tshele.” Mme, gompieno, fa Lefoko le bonaditswe mo dijaneng tsa batho, masire, gone ntengleng ga pelaelo epe ke Lefoko le bonaditswe mo motlheng oo, le le boelang ko go Modimo. Fa re kolobeleditswe ka mo go Ena, go ya ka Bakorinthe wa Ntlha 12, re fetoga go nna ba ba kailweng le Ena. Amen.

<sup>288</sup> Ke rile halofo ya oura, fela a nka kgona go nna le fela gannyennyane go feta? [Phuthego ya re, "Amen."—Mor.] Lo a bona? Bonang, nna fela nka se kgone go tlogela sena gone mo teng fa. Lemoga, re kailwe le Ena!

<sup>289</sup> Jaanong lemoga. Ke banni ba le kae ba Maamerika ba ba leng fano? Tsholetsang diatla tsa lona. Go siame, o monni wa Amerika, ka ntlha eo wena o kaiwa le setšhaba sena. Le fa e le eng se setšhaba sena se leng sone, o tshwanetse o nne sone. A ke gone? O kgalalelo yotlhe ya sone ebile o ditlhong tsotlhe tsa sone. O kaiwa le sone. O Moamerika, jalo he o apara Amerika. Aleluya!

<sup>290</sup> Ke ne ke na le George Washington motlheng a ne a kgabaganya Delaware. Ke kaiwa le ena. Go jalo. Ke ne ke na le Abraham Lincoln kwa Gettysburg Address. Ke ne ke eme foo. Ke ne ke na le masole kwa Guam, lone dithaka, fa lo ne lo tsholetsa folaga ele. Ke ne ke le koo. Ke Moamerika; ke kaiwa le sone. Amen. Jaanong, go nna Moamerika, le fa ditlhong tsa sone di ka nna eng mo Phetogong ya sepolotiki, ke na le maikarabelo a a yone, ka gore ke Moamerika. Go jalo.

<sup>291</sup> Mme jaaka Mokeresete, ke kaiwa le Ena. Amen! Ke ne ke na le Noa fa a ne a tsena mo arekeng. Ke ne ke na le Moshe motlheng a ne a huduga ko Epgepeto. Amen! Ke ne ke na le Elia ko Thabeng ya Karamele. Ee, rra! Kgalalelo ko go Modimo! Ke ne ke na le ena fa a ne a dira seo. Ke ne ke na le Ena ka nnene, ke ne ka ikaya mo losong lwa Gagwe koo ko Golegotha motlheng ke ne ke swa ko dilong tsa lefatshe, mo go nna le ko dingwaong tsotlhe. Ke ne ka kaiwa le Ena. Ke ne ka kaiwa le Ena mo mosong wa Paseka fa A ne a tsoga baswing. Ke ne ka kaiwa le Ena mo Letsatsing la Pentekoste, motlheng Mowa o o Boitshepo o neng o fologa jaaka phefo e e maatla e e sumang. Ke ne ka kaiwa le Ena. Tsotlhe tse A neng a le tsone nna ke tsone, tsotlhe tse nna ke leng tsone O ne a le tsone; amen, fa re sule mo go Ena rona re kaiwa le Ena. Se A leng sone nna ke sone. Amen!

<sup>292</sup> Se setšhaba sena se leng sone nna ke sone. Ke ipela go nna seo. Ke ipaakanyeditse go rwala ditlhong tsa sone. Ke ipaakanyeditse go rwala kgobo ya go nna Moamerika. Go jalo. Mme nna ke mo go gabedi ga seo mo go Jesu Keresete! Sotlhe se le ka nako nngwe A nnileng a le sone nna ke sone. Ke rata go kaiwa le Ena.

<sup>293</sup> Baapostolo bao, erile ba ne ba boa, ba ne ba akanya...ba nnile ba tshegiwa, ebile ba bidiwa sengwe le sengwe se sele, ba ne ba akanya gore e ne le tlota e kgolo go rwala kgobo ya Leina la Gagwe.

<sup>294</sup> Ke itumetse gompieno go nna mongwe wa bona, ke kaiwa le Lefoko, le e leng Keresete. Ke kaiwa le Ena! Go kolobeletsweng ka mo go Ena, re a kaiwa; re kaiwa mo setshwanong sa Gagwe, re kaiwa le Lefoko la Gagwe, le e leng Ena. Fa ke le mo go Keresete,

nna ke le Lefoko la Gagwe; gonне Ena ke Lefoko, mme se A leng sone nna ke sone. Amen! A lo a Go tlhaloganya? [Phuthego ya re, "Amen."—Mor.] Go siame.

<sup>295</sup> Lefoko le bonaditswe, kgotsa le senotswe mo Tshenolong eo teng foo, ka ntlha eo seo se mpaya kae? Fa A le Kgalalelo eo ya Shekhaena, nna ke bontlhabongwe jwa Yone. Amen! Ao! Amen! Go jalo. Lefoko ka Sebele le senotswe, le a Itshenola.

Akanya! Masaitseweng a Modimo a itsisiwa rona mo motlheng ono, ke Morongwa wa Legodimo yo o tshwanang yo neng a itsisiwa ko go bone mo methleng eo; lemoga, Pinagare ya Molelo e e tshwanang e e neng ya roma Moshe; yone Pinagare ya Molelo e e neng e le mo go Moshe e e neng ya kwala Baebele; Pinagare ya Molelo e e tshwanang e Paulo a neng a e kgatlhantsha mo tseleng ya gagwe go ya golo ko Damaseko.

<sup>296</sup> Mme Paulo ne a kwala Kgalagano e Ntshwa. Gakologelwa, Matheo, Mareko, Luka, le Johane, ba ne fela ba kwala se ba se boneng; fela Paulo o ne a nna le Tshenolo. O ne a E gogela ntle, gonне o ne a kgatlhane le Pinagare ya Molelo, ka boena. Mme akanya, e e tshwanang . . .

<sup>297</sup> Foo, Josefa, botlhe ba bona ba ne ba kwala se se neng se tswelela, mongwe le mongwe ne a kwala ko morago ko motlheng oo. Fela erile fa Moshe a ne a goroga mo tiragalong, o ne a na le Tshenolo. O ne a kgatlhane le Pinagare ya Molelo, mme Go ne ga senolelwa Moshe ka ga Genesi. O ne a kwala dibuka tse nnê tsa ntlha tsa Baebele, Moshe ne a dira. A go jalo? Gonне o ne a kgatlhane le Modimo mo popegong ya Pinagare ya Molelo, a sirilwe mo Pinagareng ya Molelo.

<sup>298</sup> Erile Paulo a ne a kgathhana le Ena mo tseleng . . . Barutwa ba ne fela ba kwala se ba neng ba Mmona a se dira, fela Moshe ne a na le Tshenolo; ne a fologela ko Egepeto dingwaga di le tharo a bo a ithuta, mme ne a bona gore Modimo wa Kgalagano e Kgologolo ne e le Jesu wa e Ntshwa, Tshenolo! "Ga ke a ka ka se obamele ponatshegelo ya Selegodimo." Go jalo. Gone!

<sup>299</sup> Mme akanya ka ga Gone! Pinagare ya Molelo e e tshwanang e e neng ya tla mo banneng bao ba ba kwadileng Baebele, ke Pinagare ya Molelo e e tshwanang le e e leng fano, gompieno, e phutholola Baebele. Amen! Ka foo re Mo lebogelang seo! Tshwanang! A kgomotso! A tshupo! Nna ke itumeletse go kaiwa le seo, ga ke itse se ke tshwanetseng go se dira! Go botoka ke kaiwe mo go Seo go na le Baptisti, Methodisti, Presbitheriene, Lutere tsotlhe, le tsotlhe tse dingwe tsa tsone. Go kaiwa ka mo Lefokong leo kwa Kgalalelo eo ya Shekhaena le Tshenolo di leng gone!

<sup>300</sup> Pinagare ya Molelo e tlhagelela mo go bonalang fa gare ga rona, e supa gore Molaetsa o lolame, jaaka A ne a dira ko Thabeng ya Sinai. Gakologelwa, pele ga molaetsa wa nnete o ne o tswelela, Moshe ne a rera a bo a ba etelepele go tswa ko Egepeto;

fela koo, pele ga ditaelo tsa mmatota di ne di tlhalosiwa (Dikano di ne tsa tlisiwa), Modimo ne a fologa mo pele ga batho a bo a rurifatsa gore Moshe ne a romilwe go tswa kwa go Ena, (a ke gone?) mo Pinagareng ya Molelo e Moshe a neng a rile gore o ne a e bona ko setlhatshaneng ya bo e bua le ena.

<sup>301</sup> Ao, mo metlheng ena ya bofelo, go bona Pinagare e e tshwanang eo ya Molelo gone mo gare ga rona, e bua Lefoko le le tshwanang; eseng fela seo, fela e Le phutholola ka go Le bonatsa, ebile e Le rurifatsa gore, Ke Boammaaruri.

Jalo, batho ga ba na le tsela e le nngwe ya go dumologa, fa e se fa fela ka go rata ba batla go dira. Mme, ka ntsha eo, “Ena yo o leofang ka go rata morago ga go amogela kitso ya Boammaaruri, ga go sa tlhola go na le setlhabelo sepe sa boleo.”

<sup>302</sup> Lemoga, Pinagare e e tshwanang ya Molelo e e neng e rometswe ko go Moshe le Paulo, e e kwadileng Baebele, jaanong e rometswe go E senola. Lethogonolo la Modimo, Modimo yo o sa fetogeng, a diragatsa ditsholofetso tsa Matheo 28, “Bonang, Ke na le lona ka nako yotlhe”; go diragatsa Moitshepi Johane 14:12, “Ditiro tse Ke di dirang, le lona gape”; go diragatsa Moitshepi Luka 17:28-29, “Mo metlheng ya bofelo Morwa motho o tlaa senolwa,” lo a bona, lo a bona; Malaki 4, “Bonang, ke lo romelela Elia moporofeti, yo o tlaa rebolelang Tumelo ya batho morago ko Lefokong la kwa tshimologong.” Lo a bona? Ka foo sena . . . Lo a bona? Ijoo!

<sup>303</sup> O ne a swa, go re Itshenolela rona. Jaanong a re sweng mo go rona, go Mo senolela ba bangwe. A re sweng mo dingwaong le dilong, go Mo senolela bangwe. Re sweng ko makokong, go Mo senolela ba bangwe.

<sup>304</sup> Lemoga, tempele ya kgale mo teng ga yone e ne e na le Kgalalelo ya Shekhaena, le Lesedi la Shekhaena mo godimo ga Lefoko. Lefoko ke Peo; Le ne la tlisa mo pontsheng senkgwe sa tshupo ko badumeding fela. Madi le one a ne a le mo kqolaganong; mme Madi ke metsi, metsi a a rudisang tlhaka, korong, peo, e leng Lefoko.

<sup>305</sup> Jaaka Jesu ne a bua, “Jaaka Moshe a ne a tsholetsa noga ya kgotlho,” mme fong gape ne A re, “Modimo o ratile lehatshe ga kalo O le neile Morwae yo a tsetsweng a le esi; le fa e le mang yo o dumelang mo go Ena ga a a tshwanela go nyelela.” Moshe ne a itaya lefika ko bogareng ga naga, go boloka batho ba ba swang, kgotsa go tlisa metsi. Modimo ne a itaya Jesu, go tlisa mo pontsheng Mowa go tswa mo go Ena, ka ntsha ya batho ba ba swang. Madi a ne a tswa mo go Ena, a e leng, “Metsi a tlhapiso ka Lefoko.” E leng gore, Metsi a tlisa Botshelo ko Peong. Mme go ne ga tlisa Kgalalelo ya Shekhaena mo pontsheng; ya phatsima mo Lefokong, mo go neng ga tlisa senkgwe sa tshupo. Mme senkgwe sa tshupo se ne fela se le sa batho ba ba tlhophilweng. Uh-huh. A go jalo? [Phuthego ya re, “Amen.”—Mor.]

<sup>306</sup> Jaanong go thuba go ya ka mo lesireng, go feta mo gare ga lesire, ka mo Bolengteng jwa Gagwe, kwa Lefoko le leng teng (eseng tumelo ya kereke), Lefoko; mo teng foo go bona Kgalalelo ya Shekhaena, Shekhaena, Thata, Mowa o o Boitshepo o phatsima mo Lefokong, o tlisa mo pontsheng tsholofetso, go supegetsa gone kwa morago ga lesire. Amen!

Ke kgabagantse masire a a kgagotsweng kwa  
Kgalalelo e sa palelweng le ka motlha ope,  
(Uh!)

Aleluya, aleluya; ke tshela mo Bolengteng jwa  
Kgosi.

Ke kgabagantse masire a a kgagotsweng kwa  
Kgalalelo e sa palelweng le ka motlha ope,  
Ke tshela mo Bolengteng jwa Kgosi.

<sup>307</sup> Letlalo la kgale la matshwane, makoko, di thubilwe. Ke thubile go ralala moo, go ya ka ko Kgalalelong ya Shekhaena, mme ke bona Lefoko. Ke bona Pinagare ya Molelo e tsamaya. Ke bona Lefoko le bonatsiwa. Se A rileng O tlaa se dira mo metlheng ena ya bofelo, ke se bona se gola. Ke bona bana ba ja senkgwe seo sa Shekhaena se se tswang mo go butsweng ga Lefoko leo, ba ba Le dumelang. Amen! A oura e e gakgamatsang e re tshelang mo go yone! Lo a bona, Shekhaena e ne e le mo godimo ga Lefoko; mme fa tlase ga foo e ne e le Senkgwe. Mme foo go ne go le Madi, a kgatshitswe, a a Se nayang metsi. Mowa o neela Botshelo ko Lefokong. Mme thei . . .

Ke ba ba kae ba ba badileng, ba ba utlwileng theipi ka *Tshekiso?* Ee. Ba le bantsi ba lona ba dirile. Lo a bona foo, go tsaya . . .

Lefoko leo le tshwanetse go gola. Gore le gole, Le tshwanetse le nne mo mohuteng o o siameng wa mmu. Lo a bona? Mme Modimo o dira tsholofetso, mme yone e itaya pelo eo, e ka se kgone go retelelwya.

<sup>308</sup> Noa ne a leta mengwaga e le lekgolo le masome a mabedi. Aborahama ne a leta ngwana, mengwaga e le masome a mabedi le botlhano. Modimo ne a rialo, mme moo go go rarabolotse. Lo a bona? Gone ke eng? Lefoko le ne le le foo le nosetswa ke tumelo, go Le dumela, go ne ga tsisa dipuelo mo pontsheng. Go ne ga tsisa ngwana; go ne ga tsisa pula; go ne ga tsisa morwalela; go ne ga tsisa kgarebane e e neng ya tsala.

<sup>309</sup> Moporofeti ne a re, "Kgarebane e tlaa ithwala." Ga go pelaelo epe fa e se gore kgarebane nngwe le nngwe e nnye ne ya tsamaya ya bo e ipatlela diaparo tsa lesea. Sental, Moporofeti yona Isaia o ne a le moporofeti yo neng a supilwe, a rurifaditswe ke Modimo. Mme Morena ne a re, "Kgarebane e tlaa ima. Ke ile go ba naya tshupo ya bofetalholego, tshupo e kgolo; kgarebane e tlaa ithwala."

<sup>310</sup> Foo, botlhe batho bao, badumedi bao, fela jaaka lona lotlhe. Mme ba ne ba utlwa moporofeti yoo a bua seo, mosetsanyana mongwe le mongwe... Monna mongwe le mongwe ne a re, "Yoo o ile go nna morwadiake. Ee, rra." Mongwe le mongwe ne a tsamaya a bo a reka ditlhako tse dinnye le mengato le sengwe le sengwe, ba ipaakanya, ka gore ba ne ba itse gore mosetsana ne a ile go nna le lone. Kokomana eo e ne ya feta, mme ba ne ba akanya, "Moporofeti yo o supilweng yoo, a rurifaditswe ke Modimo, ena a ka kgona jang go bua sengwe se se phoso? Go tshwanetse go nne jalo!"

<sup>311</sup> E ne e le dinyaga di le makgolo a fera bobedi morago, fela o ne a tsala lesea. "Magodimo le lefatshes di tlaa feta, fela Lefoko la Me le ka se ka la feta."

<sup>312</sup> "Mme go tlaa tla go diragala mo metlheng ya bofelo," ne ga bua Modimo. Lo a bona, rona re bano, lese—Lesedi mo godimo ga Lefoko. Jaaka lesedi la letsatsi le fetola peo go tloga kgalalelong go ya kgalalelong, le rona re ne ra fetoga go nna—fetoga go nna ba ba tshwanang le Ena go feta ka re tshela mo Bolengteng jwa Gagwe; jaaka Ena, re fetolelwa ka mo setshwanong sa Gagwe se se segofetseng jaaka re tsamaya le Ena.

<sup>313</sup> Elang tlhoko se letsatsi le se dirang. O jwala peo, ke eng se se diragalang? Peo eo e a bola. Ka mo gare ga peo ke botshelo. Botshelo bo a tswelela bo bo ntsha letlhaka. Jaanong, moo ga go lebege jaaka ga ntlha.

Go na le Lutere. E ne e le letlhaka. Go siame.

Letlhaka le ne la tswelela mme, selo sa ntlha se o se itseng, le ne la ntsha sebola. Lo a bona, moo e ne e le tsosoloso ya ga Wesele; e ne e sa tshwane le tse dingwe.

Mme go ne ga tswelela ga tla tsosoloso ya Pentekoste, lo a bona, ne ga tlisa kolobetso ya Mowa o o Boitshepo. Go siame.

Go ne ga diragala eng? Re nna le mokobo wa seako. Yone e simolola go lebega e le phoso. Selo *sena*, selo *sele*, ga se lebega jaaka Lefoko. Ga le jaaka a mangwe a Lone. Ga e jaaka Tlhaka ya kwa tshimolong e e tseneng.

<sup>314</sup> Fela Modimo o santse a le foo go dira seo—seo fela ka go tshwana. Lemoga, gone go dira eng? Yone kwa bofelong e boela morago ko Peong ya kwa tshimologong gape. Fa A tla mo popegong ya ga Martini Lutere; fa A tla mo popegong ya ga Johane Wesele; fa A tla mo popegong ya ga Pentekoste; O tshwanela a Itshenole gape jaaka Peo e e tshwanang e e tseneng, Morwa motho. O ne a Itshenola e le Morwa Modimo, go ralala paka ya letlhaka le jalo jalo, fela mo pakeng ena ya bofelo O tshwanetse a Itshenole e le Morwa motho gape. A lo a go tlhaloganya? [Phuthego ya re, "Amen."—Mor.] Go siame, jaaka ko tshimologong, a bopegile!

<sup>315</sup> Mme ke eng se letlhaka le se dirang? Le gola ka nako yotlhe. Letlhaka le lennye leo le a gola, le santse le se jaaka tlhaka ya kwa tshimologong. Le Molaetsa wa Lutere o ne o se jalo; nnyaya, go ne ga tla melaetsa e mengwe, Finney, Sankey, Knox, Khalefini, go tswelela go fologa, ga go ope wa bona. Ba ne ba santse ba le molaetsa fela, se go neng go le sone, ba ne ba sa amogela Tshenolo e feletseng ya One ka gore e ne e se nako. O ka sekwa baya letsele mo korong pele ga nako ya lona e tla. Lo a bona? Mme foo, kwa bofelong, go boa gape Peo ya kwa tshimologong e neng ya tsena ka mo mmung.

<sup>316</sup> Lo a bona, Modimo o latela tlholego totatota. Lo a bona, O ne a tsalwa e le kwana, leo ke lebaka le A neng a tsalelwaa golo ko bojelong. Dikwana ga di tsalelwaa ka mo malaong. Lo a bona, O ne a *etelelwaa pele* ko Golegotha. Kwana, dinku di etelelwaa pele. Go jalo. Dipodi di etelelwaa pele go ya polaong, lo itse seo, matlhabelo. Podi e di etelelwaa pele, fela di tshwanetswe di etelelwaa pele. Huh! Go jalo. Jalo he O ne a etelelwaa ko polaong, lo a bona, ka gore O ne a le Kwana.

<sup>317</sup> Sengwe le sengwe se ne sa Mo kaya mo tlholegong. Leo ke lebaka le A neng a tsalwa ka Mopitlwaa kgotsa Moranang, eseng ka Sedimonthole; O ne a ka se kgone, go na le dikgato di le masome a mabedi tsa sefokabolea golo koo ka nako eo ya ngwaga. Eseng modimo-letsatsi, fela O ne a le Morwa Modimo. Lo a bona? Modimo-letsatsi wa Baroma ka letsatsi la masome a mabedi le botlhano ka Sedimonthole, motlheng tse di dirisanang le letsatsi di fetang mafelo a tsone mo teng moo mme ba ne ba na le disorokisi tsa Seroma, mme go ne go bidiwa letsatsi la matsalo la modimo-letsatsi, mme ba go dira Morwa Modimo. Nnyaya, nnyaya. O ne a le Morwa Modimo. Letsatsi la Gagwe la matsalo le ne le le tse dingwe tsa tlholego. Totatota.

Jaanong lemogang gape jaanong jaaka re tswelela, re na le nako e nnye e e setseng.

<sup>318</sup> Jaanong go itekanelaa. Morago ga letlhaka le sena go bopega; morago ga sebola se sena go bopega; morago ga tlhaka e sena go tsena mo seakong; foo e tshwanetse e tle mo boitekanelong, morago ko tlhakeng e e tlwaelegileng gape.

Mme, gakologelwa, tlhaka e tshwanetswe e rudiwi. Lo a bona? Fa yone e sa dirwe, ga e tle go tshela. Lo a bona? Ga go dipe tsa tseo tse di neng di le kwa ntle ga melaetsa eo tse di ka bang tsa tla mo Botshelong. E tshwanetse go rudiwi mo go One. Fela, gakologelwa, Botshelo jo bo tshwanang jo bo neng bo le ka mo letlhakeng bo ka mo tlhakeng. Yone fela e ipudusetsa gone ko morago, lo a bona. O ne a Itshenola, (eng?) Morwa motho, tlhaka e e neng ya tsena ka mo mmung. A lo tlhaloganya Molaetsa? [Phuthego ya re, "Amen." —Mor.]

Bagerika ba ne ba Mmolelela ba re, "Re rata go bona Jesu."

<sup>319</sup> O ne a re, “Ntleng le ga tlhaka ya korong e wela ka mo mmung.” Lo a bona? Go siame.

<sup>320</sup> Jaanong o ne a Itshenola e le eng mo go latelang? Mo popegong e e farologaneng; letlhaka le sebola, le jalo jalo, le matlhare otlhe le sengwe le sengwe. O ne a Itshenola ka nako eo, (eng?) Mowa o o tshwanang, fela mo popegong e e farologaneng. Lo a bona? Fela ga bofelo ga korong eo ke eng? Yone e boela ko tlhakeng ya kwa tshimologong. A moo ke gone? [Phuthego ya re, “Amen.”—Mor.]

<sup>321</sup> Mme bodiredi jwa Gagwe bo boela, go tswa ko botokafatsing joo, morago ko Lefokong la kwa tshimologong gape. Lefoko le tla ko moporofeting. Mme O ne a go sololetsa, mo go Malaki 4, “Le go rebolela Tumelo ya batho morago ko tlhakeng ya kwa tshimologong.” Se se neng sa tsena ka mo mmung se a tshwana fano. Tlhaka e ne ya tlhatloga e ralala fano. E ne ya tlhatloga e le Morwa Modimo, jaanong e Itshenola fano e le Morwa motho, mme e tloge e Itshenole e le Morwa Dafita mo Teroneng. Lo a bona, Bomorwa bao ba bararo, fela totatota. Ijoo, gape go tshwana le ga kwa tshimologong!

<sup>322</sup> Jaanong ko bodireding jo bo itekanetseng jwa Gagwe; eseng monna mongwe, eseng lekoko lengwe, jaaka ba ne ba dira go fologa go ralala paka eo koo, lo a bona; fela ka Sebele a bonatswa, a Iponaletsa tsholofetsa, a dira Moitshepi Luka 17:28, Malaki 4, le jalo jalo, Bahebere 13:8, fela go siame totatota. Ka nako eo, ke nako mang e go tshwanetseng go nne yone? Motlhlang Peo ya bogosi ya ga Aborahama e sololetseng Morwa yo o sololeditsweng. Mme ditshwantsho tsotlhe di tshwanetse di diragadiwe. Mme Modimo ka Sebele ne a bonala mo popegong ya motho, ko peong ya tlholego ya ga Aborahama, pele ga tshenyo, mme Jesu ne a re go tlaa nna selo se se tshwanang ko Peong ena ya bogosi pele ga Morwa yo o sololeditsweng a boa.

<sup>323</sup> Lemogang lesire la kgale le le neng le fitlhile Kgalalelo. Matlalo a kgale a matshwane, go ne go sena bontle bope jo bo neng bo ka eletswa jwa one; le e sang nama ya Gagwe e ne e le jalo. Leo ke lebaka le batho ba neng ba bua ba re, “Mogoma yo monnye yo o godileng yo neng a obegile jalo?” A neng a le gongwe bogolo jwa mengwaga e le masome a le mararo, mme a thuntse tlhogo, le ditedu tsa Gagwe di thuntse, a ne a se sepe se se ka lejwang. Baebele ne ya re, “Ga go na bontle bope gore re tshwanetse re Mo eletse.” O ne a sa lebege jaaka Kgosi, letlalo la kgale la matshwane, fela, ao, se se neng se le ka mo gare!

<sup>324</sup> Mme segopa se sennye sa “dibidikami tse di boitshepo” di dutse ga mmogo mo kagong e e mogote jaaka ena, ba ne ba ba bitsa jalo, go se bontle jo bontsi go ka eletswa, fela se se ka fa teng! Ke tlhomame gore go siregetse dipelo di le dintsi, lo a bona. Lo a bona? Go siame.

<sup>325</sup> Ka fa ntle E ne e se sepe, fela gotlhe go ne go le ka mo gare. Gangwe fa o le ka mo teng ga Yone, fong o a Go bona. O tsena jang ka mo go Yone; ka go neelana diatla, go ipataganya? Nnyaya. Tsalelwa ka mo go Yone. O a swa, o latlha letlalo la gago la kgale la matshwane, lo a bona, sebele sa gago sa kgale, go tsena ka mo go se sentshwa. Lo a bona? Latlha letlalo la kgale la matshwane.

<sup>326</sup> Lesedi la Shekhaena ga le... Reetsang, badiredi! Badiredi, ke batla lo reetseng Sena. Fa gangwe o le ka mo teng... Jaanong ke ile go tsaya sena ka iketlo ka mmannete, gore le tlhomame le Go tlhaloganye. Fa gangwe o le ka mo teng ga lesire, fa tlase ga Kgalalelo ya Shekhaena, Lesedi la Shekhaena ga le tseye Lefoko la Modimo le bo le senola Jesu e le “sedupe,” nnyaya, jaaka makoko a dira gompieno, “go bala tlhaloganye, sebidikami se se boitshepo, Beelsebule.” Kgalalelo ya Shekhaena ga e Mo senole jaaka seo.

<sup>327</sup> Fela Kgalalelo ya Shekhaena e budusa Peo e e solofeleditsweng oura eo, ya Lefoko, e Mo supa go bo a santse a le Leshoma la Mokgatša. E ntsha Peo eo, Leshoma la Mokgatša, Senkgwe sa Botshelo, Alefa le Omega, yo o tshwanang maabane, gompieno, le ka bosaeng kae. Ena ke kabelo ya modumedi. Kgalalelo ya Shekhaena e senola, ko modumeding, gore O tshwana maabane, gompieno, le ka bosaeng kae.

<sup>328</sup> Eseng, “Metlha, O fetile, ebole O sule mme gone go fedile gotlhelele.” Jalo tsala, fa o dumela seo, fa o dumela seo, wena ga o ise o fitlhe kwa Kgalalelong ya Shekhaena. Kgalalelo ya Shekhaena e ka kgona jang le ka nako nngwe gore e Mo senole mo dibelebeleng tse tharo? Lo a bona? Kgalalelo ya Shekhaena e ka kgona jang go Mo senola a le yo o kolobeleditsweng, batho, mo leineng la ga “Rara, Morwa, le Mowa o o Boitshepo,” fa go ise go nne le motho mo Baebeleng yo kileng a kolobetswa ka tsela eo? Kgalalelo ya Shekhaena e ka kgona jang go Mo ngotla go fitlha mo go moapostolo, fa Ena a le yo o tshwanang maabane, gompieno, le ka bosaeng kae? Lo a bona?

<sup>329</sup> Kgalalelo ya Shekhaena e a Mo bonatsa. E ntsha Lefoko la tsholofelo, gone go tla ko go wena. Leo ke lebaka le A neng a tshwanela go khurumetsa sefatlhego sa Moshe, ka gore ka mo go ena go ne go le Lefoko. O ne a sira Jesu, e le Monna yo o ingotlileng yo monnye, go ba kganelo go bona Jehofa. Mme O a Itshira gompieno, mo dijaneng tsa mmu, ka Shekhaena. Bokafantle bo lebega jaaka segopa sa dibidikami tse di boitshepo, matlalo a kgale a matshwane, fela bokafateng bo fitlhile Kgalalelo ya Shekhaena.

Mme Yone e budusa Senkgwe sa tshupo se re ketekang ka sone, ebole re kgweetsa go kgabaganya lefatshe ka ntla ya sone, makgolo a dimaele, lo a bona. Ke Dijo tsa badumedi. Ke fela ga modumedi. Gakologelwa, Senkgwe sa tshupo e ne fela e le sa modumedi fela, lo a bona, Peo ya Senkgwe sa tshupelo. Lemoga.

Go dira eng? Kgalalelo eo ya Shekhaena, mo godimo ga Senkgwe sa tshupo, e ne ya se sireletsa gore Se sekwa sa bola.

<sup>330</sup> Gakologelwang, mmana o o neng wa tswa kwa Legodimong, o ne o beilwe ka mo Kgalalelong ya Shekhaena, go tloga losikeng le le lengwe go ya go le lengwe. Kwantle, a ne a nna le dibokwana mo go one, bosigo fa bo sa, a ne a kgotlesega bolwetse. A go jalo? [Phuthego ya re, "Amen."—Mor.]

<sup>331</sup> Kwa ntle ga Kgalalelo ya Shekhaena, "Metlha ya metlholo e fetile. Lo a bona, gotlhе ke bogogotlo." Fela ka fa gare teng . . .

<sup>332</sup> Lebang, ba ne ba na le peo nngwe ya sonobolomo go tswa kwa mabolokelong mo Egepeto e e neng ya bewa teng foo mo metlheng ya ga Josefa, mengwaga e le dikete di le nnê, go batlide, tse di fetileng. Josefa ne a di tsenya mo mabolokelong. Ba ne ba di jwala. Di ne tsa tshela. Gobaneng? Di ne di na le botshelo.

<sup>333</sup> Kgalalelo ena ya Shekhaena ke eng gompieno? Go fetela kwa moseja ga lesire, go bona gore Modimo ke Mang Yo a emeng fa pele ga gago, go bona gore Modimo ke Mang yo a emeng fano fa pele ga rona, Pina—Pinagare ya Molelo. Ena o siregile mo nameng ya motho. Fela Shekhaena e dira eng, e ne ya dira eng? Peo ya Senkgwe sa tshupo, Lefoko le re tshwanetseng go tshela ka lone mo motlheng ono, ka ditsholofetso tsena, Kgalalelo ya Shekhaena e budusa Senkgwe seo sa tshupo, e a Le diragatsa, e Le dira Senkgwe mo modumeding; le le neng le dutse mo matlhareng a Baebele, ngwaga morago ga ngwaga, Lefoko la paka ena.

<sup>334</sup> Ko makokong, Lone ke sekgoreletsi. Ko makokong, bona ba kgopega mo go Lone. Go fologa go ralala mengwaga, Lutere, Wesele, Martini Lutere, le bottle, Sankey, Finney, Johane Smithi, Knox, bottle ba ne ba kgopega fa go Lone.

<sup>335</sup> Fela ke eng se se tshwanetsweng go diriwa mo metlheng ya bofelo? Ke eng "*go senola*"? "Go bonagatsa!" Ke eng se Malaki 4 a tshwanetseng go se dira? Go busetsa batho morago go tloga mo sekgoreletseng seo, go senya dingwao, le go senola Senkgwe le Kgalalelo ya Shekhaena. E lebeleleng e butswa eble e tsala fela totatota se E rileng E tlaa se dira, ijoo, Senkgwe sa tshupo sa paka ena. Ko lekokong, sekgoreletsi, "sekgopa sa digogotlo." Fela, rona ba re dumelang!

<sup>336</sup> Fela jaanong jaaka Tshenolo 10 e soloeditse, "Masaitseweng otlhе a Modimo, a a nnileng a fitlhеgile mo matlhareng go fologa go ralala mengwaga eo, a tlaa bo a budusitswe, a ntshitswe mo pakeng ya Molaetsa wa moengele wa bosupa." A ke gone? [Phuthego ya re, "Amen."—Mor.]

O ne a reng, ngwaga le dikgwedi di le thataro se di fetileng, gone go ya mengwageng e le mebedi jaanong? "Yaa golo ko Tucson; o nne ko bokone jwa Tucson, leratla le le tona," le se se tlaa diragalang, "Dikano di tlaa phuthololwa," Dikano tse di senolang dilo tsena. Ne ga boa fela jaaka A ne a buile.

Ke eng? Go a supegetsa gore Go ka sekä ga nna motho. Go diragala ka boitekanelo, fela ka tlhamallo jaaka go kgonegang ka teng, nako nngwe le nngwe. Gone ke eng? Ke seatla sa Modimo, lo a bona, fa pele ga rona. Mme ka gore ke mo setlhopheng se senny, se fitlhegile mo nameng ya motho, go siregetse lefatshe la kwa ntle. Ena o fitlhegile ko lefatsheng la kwa ntle. O Itshenolela bana ba banny jaaka ba ba ratang go ithuta. Lo a bona? Go jalo.

<sup>337</sup> Sengwe le sengwe, lo a bona, setshwantsho sengwe le sengwe mo Baebeleng, setshwantsho sengwe le sengwe sa Baebele, se bonaditswe gone fano mo pele ga rona. Modimo yo o tshwanang, mo Pinagareng ya Molelo, e e kwadileng Baebele, tsoopedi ko Kgolaganong e Kgologolo le e Ntšhwa, e gone fano e Le bonatsa, e supegetsa fela totatota se go neng go le sone, e phuthololela gone fa morago, le go tlhomamisa gore ke phuthololo.

<sup>338</sup> “Re na le phuthololo!” Fong nteng re bone go diragala. Lo a bona, moo ke gone, mpe re bone go bonatswa.

<sup>339</sup> Bonatswa! Jesu ne a re, “Fa Ke sa dire ditiro tsa ga Rrê, lo se Ntumele.” Lo a bona, go tshwanetswe go netefadiwe.

<sup>340</sup> Fela jaanong—jaanong, go sa netefadiwa jaaka Jesu, ba ne ba baya lekga—lekgsa go dikologa tlhogo ya Gagwe ba bo ba Mo itaya mo tlhogong, ba re, “Fa o le Moporofeti, re bolelele gore ke mang yo a O iteileng.” “Mme fa O le Morwa Modimo, fetola sena senkgwe.” Lo a bona, moo ke diabolo. “Fa O le Morwa Modimo, tloga mo sefapa- . . .”

<sup>341</sup> Ke raya gore, Tshenolo e A tshwanetseng a e dire, moo ke Se se leng sone. Fela jaanong, jaaka Tshenolo 10 e senotswe, masaitseweng a Modimo a senotswe, a itsisiwa, e le Buka ya Dikano tse Supa e e sololeditsweng.

Jaanong mpe tumelo ya gago mo go Ena Yo e leng Lefoko . . . Ka gore, mo go Tshenolo 10 ya re . . .

<sup>342</sup> Kgotsa, Tshenolo 19, ke raya moo. Ke ne ka e kwala golo fano, Tshenolo 10, go ya kwa go yone; fela yone ga se 10, ke 19. Fa A tla, O ile go bidiwa, “Lefoko la Modimo,” a pagame mo pitseng e tshweu, mme balatedi ba Legodimo ba tlaa bo ba le mo morago ga Gagwe.

<sup>343</sup> A thuba lesire la selekoko la thuto! A thuba lesire la selekoko la ngwao! A thuba masire ao a a Mo fitlhetseng lona! A thuba masire ao a boikgogomoso, lona basadi. Lona lo—lona lo barwadia Kgosi; itshware jalo, tshelang jalo. Thuba lesire lengwe le lengwe, go sa kgathalesege se Ph.D. le LL.D. di se buang. Fa go ganetsanya le Baebele eo, thuba o fete lesire leo!

Gonne, re kgabagantse lesire le le kgagotsweng. Re ka kwa letlhakoreng le lengwe jaanong, ka kwa letlhakoreng le lengwe. Mme o tlaa bona, fa wena fela o tlaa dira seo, wa thuba dingwao tseo tsa kgale le dilo, mme o tle mo go Ena, mme o tlaa Mmona

a eme, Mofenyi yo o Maatla, Lefoko la tsholofetso la paka ena, le bonaditswe. O tlaa bona Modimo yo o Maatla a sirolotswe, o Mmone a eme gone mo gare ga rona fano, a sirolotswe, Modimo Mothata, a sa thopiwa ke dingwao.

<sup>344</sup> Ba ne ba leka go Mo fitlha kwa morago koo; ba dirile, ka mengwaga, fela nako ya tsholofetso e ne ya atamela gaufi. Modimo ne a tsosa Moshe nako nngwe, mme o ne a golola bana mo dilong tseo. Mme Ena o santse... Ena a ka sek a fenngwa. "Magodimo le lefatshe di tlaa feta, fela Lefoko la Me le ka sek a." Ena o tshwana maabane, gompieno, le ka bosaeng kae.

<sup>345</sup> Ba re, "Go ka sek a ga diriwa." Fela go ne ga diriwa. Ka nako eo, fa go ne go diriwa, ba ne ba re, "Ke ga ga diabolo."

<sup>346</sup> Fela moo ga go fetole Lefoko la Modimo, le ganny. Le santse le sala e le "Modimo," ko modumeding, "Mofenyi yo o Maatla; yo o tshwanang maabane, gompieno, le ka bosaeng kae," ka tlholego ya Gagwe, ka Lefoko la Gagwe, Bahebere 13:8.

<sup>347</sup> Ke tswala, ka go bua sena, ka gore ke metsotso e le metlhano go ya go lesome le bobedi, fela go bua sena. Ke na le go ka nna matlhare a le lesome, lesome le bobedi a mangwe. Ke tlaa a bona nako nngwe, gongwe bosigong jono.

<sup>348</sup> Lemoga, lemoga se. Go ne ga nna le palabalo nako nngwe, mme ba ne ba na le vaelene ya kgale. Lo e utlwile dinako di le dintsi. Vaelene ya kgale; mme mmalabadi ne a re, "Ke eng se ke se neelwang ka yone?" Nka nna ka bo ke sa bue sena fela sentle, go ya ka leboko. Go nnile go le dinyaga di le dintsi, ntsi, fela go tla mo monaganong wa me. Mme ba ne ba tsaya vaelene ya kgale, e ne e sa lebege e le botlhokwa; e lebega e le ya boleng jo bo kwa tlase, sengwe le sengwe. O ne a sa kgone go bona le e leng ikemisetso ya go e dueleta. Kwa bofelong, ke akanya gore o ne a bona ikemisetso ya go duela dolara, kgotsa sengwe se se jaaka seo.

<sup>349</sup> Mme go ne go le mongwe a eme foo yo neng a sa akanye gore e ne e tshwanetswe e rekisiwe ka seo, jalo he o ne a tsamaya a bo a e tsaya. O ne a e baya mo diatleng tsa gagwe, mme a tsaya seditse a bo a se tshasa ka boroku, a bo a tshameka molodi. Mme erile a dira, mongwe le mongwe ne a simolola go lela. Ba ne ba ise ba utlwile mmino o o jalo mo botshelong jwa bone.

Ka nako eo mmalabadi ne a re, "Ke eng se ke se neelwang?

<sup>350</sup> "Dikete di le pedi!" "Dikete di le tlhano!" "Dikete di le lesome!" Lo a bona? E ne e le eng? Seatla sa moiitseanape se ne se senotse se se neng se siregile mo seletsong sa kgale.

<sup>351</sup> Go tshwana le jaanong! Buka ya kgale, Yona e makgasa, E nnile e tshegiwa, ya fisiwa, ya sotliwa. Fela nako e gorogile gore ba nne le fantisi ya selekoko, Lekgotla la Lefatshe la Dikereke. Bona ba E rekisa thata go feta. Go na le fantisi ya selekoko e e tlang.

<sup>352</sup> Fela, gakologelwa, go na le sengwe ka mo Bukeng ya kgale se se neng sa sololetseng pele, se se laoletseng se se tlaa tlengwe, se se tlaa E tsayang se bo se dira Lefoko la Buka ena, ka pelo e e tlhomiseditsweng pele, ko tirong e E e direletseng, go senola ditsholofetso tse di leng mo go Yone. E ka nna ya lebega, ao, jaaka segopa sa kgale sa dibidikami tse di boitshepo, kgotsa sengwe se sele; fela go tsaya fela seatla sa Moruti, Lefoko mo go Yone, go senola Lefoko leo, mme go fetoga go nna mo go fetang sebidikami se se boitshepo. Go fetogile ga nna seo mo go mongwe le mongwe wa rona, a ga go a dira, ditsala? Ga se segopa sa bogogotlo. Go ikaega mo goreng ke seatla sa ga Mang se seditse se leng mo teng.

A re rapeleng.

<sup>353</sup> Rara wa rona wa Legodimo, ka tumelo, gompieno ono, ke bona Moruti wa Buka ya kgale, e ba e ananyeditseng dingwao. Ba ne ba E ananyeditse lekoko. Ba ne ba leka go bapatsa ka Yone. Jaanong bona ba E bapaletsa Lekgo—Lekgotla la Lefatshe la motho, la dikereke, bokomonisi, go se dumele gore Modimo o teng. Fantisi e tsweletse, Morena.

<sup>354</sup> Modimo, tswelela mo pontsheng! Go tlhomame, Wena o tlaa dira. Re romelele moporofeti yoo, Morena, yo o tsayang seditse seo, yo o tsayang Lefoko lena a bo a netefatsa gore Jesu Keresete o tshwana maabane gompieno, le ka bosaeng kae. Ba le bantsi, Morena, ba tlaa rekisa matshelo a bona, ba tlaa latlhela dingwao tsa bona tsa kgale kwa kgakala, ba tlaa thuba masire. Ba a E batla, Morena. Ba tlaa neela sengwe le sengwe, sengwe le sengwe, fela ba neele Jesu.

<sup>355</sup> Morena, ke akanya gore Wena o E ba netefaleditse jaanong. Ba tlie go tswa golo gongwe le gongwe. Ba dirisa itsholelo ya bona. Ba dira sengwe le sengwe, go leka go fitlha mo dikopanong, go dira gotlhe mo ba ka go kgonang, ka gore ba fitlhetsi Perela eo ya tlhwatlhwae e e kwa godimo. Dilo tse dingwe ke tse dinnye thata. Ba segofatse, Rara.

<sup>356</sup> Go le fa felong leno la therelo, mosong ono, Morena, go letse disakatukwi. Gongwe dingwe tsa tsone di tlaa tshwanelo go tsamaya gompieno, pele ga tirelo ya phodiso bosigong jono. Oho Modimo wa Bosakhutleng, lebelela ko tlase. Ke a itse O fano, O sirilwe. Mme nna ke romela masire a mannye ano, Morena, a a bidiwang, “disakatukwi,” le “dikhiba” tse dinnye, le “ditlhako” tse dinnye tsa bana ba banny. Mme ke di romela e le ditshupo tse dinnye tsa masire, gore Lefoko la Gago le nnile la rerwa mo godimo ga tsone mosong ono, mme, jaaka modumedi, ke baya diatla tsa me mo go tsone, mmele wa me, go supa gore ke a Le dumela. Mme, ka tumelo, mongwe le mongwe ka nosi mo kagong ena o dira se se tshwanang, Morena. Mma ba ba lwalang ba fole.

<sup>357</sup> Wena o kgona go simolola Lefo—Lefoko go tswa fano, Morena, jaaka moletsi wa vaelene wa kgale a ne a dira vaelene, dira jalo, Morena. E dire e tshameke molodi o o siameng, seditse se le mo seatleng sa Moruti, ka ntlha eo re tlaa Mmona a eme mo pontsheng e e feletseng.

<sup>358</sup> Ka foo batho bao ba tshwanetseng ba ka bo ba akantse letsatsing lele, fa ba ne ba sa neele sepe, fa ba ne ba sa neela sepe ka ntlha ya vaelene ya kgale. Ba ne ba sa e batle. Ba ne ba sa e batle mo ntlong ya bona. Fela erile gangwe fela fa e sena go tsewa ke mongwe yo neng a kgona go e kgona ka boitseanape, ba ne ba tloga ba rekisa sengwe le sengwe se ba neng ba na naso, go e reka. Ba ne ba tlhatlharuana ebile ba e lwela. Go ne go le thari thata ka nako eo.

<sup>359</sup> Go tlie go nna jalo nako nngwe motlhlang Terompeta ya Morena e tla utlwatwang, nako e tlaa bo e seyo. Bao ba ba tlaa bo ba ne ba lebelelwa mme ba sotliwa, ba ba neng ba ema foo fa pele ga lesire le le bulegileng mme ba bone Lefoko la Modimo le bonaditswe (*bangwe* ba tlaa Le goelela, fela, jaaka Wena o buile, “Go tlaa bo go le thari thata ka nako eo”), ba ne ba tsena ka mo Selalelong sa Lenyalo; mme *bone* ba ne ba tlogetswe kwa go neng go na le selelo, pokolelo, phuranyo ya meno.

<sup>360</sup> Thusa motho mongwe le mongwe go dumela, mosong ono, Rara; thuba go feta lesire lengwe le lengwe la bopelotshetlha, lesire lengwe le lengwe la tumologo, mme ba bone Mofenyi yo o Maatla a sirolotswe fa pele ga badumedi. Gonne, “Bonang, Ke na le lona ka gale, le e leng go ya bokhutlong jwa lefatshe. Lebakanya mme lefatshe le ka se tlhole le Mpona, le fa go le jalo lona lo tla Mpona.” Itshupegetse mo gare ga rona, Morena, jaaka O nnile o dira. Tswelela o ntse ka tsela eo go tsamaya re le ka go bonala fa pele ga Gago, mothang *en morphe* a nnileng a fetolwa mme Wena o fetoga go nna Morwa motho gape, le Morwa Dafita. Go dumelele, Morena, ka Leina la Jesu Keresete.

Fa re santse re obile ditlhogo tsa rona, rotlhe re le mo thapelong.

<sup>361</sup> Ke a ipotsa gompieno fa go na le bangwe fano...ka fa teng kgotsa kwa ntle. Ga go na tsela epe ya go tlisa piletso aletareng golo fano, ka gore ga go na bonno. Fela ke a ipotsa, ka bopeloephapa, a lo dumela sena go nna Boammaaruri? A lo dumela gore mo letsatsing leno le re tshelang mo go lone, le tlhakatlhakano yotlhe ena le paka ya boranyane jaaka go ne go ntse ko metlheng ya ga Noa, mo metlheng ya ga Moshe, mo metlheng ya Keresete, gore Modimo, Rara yo motona wa rona rotlhe ba re tsaletsweng ka mo go Ena, o eme mo gare ga rona gompieno?

<sup>362</sup> Pinagare ena ya Molelo e e bonalang e e netefaditsweng ka maranyane, mengwaga e le mentsi e e fetileng, fa ke ne ke le mosimane yo monnye, e ne ya bua le nna golo koo ya bo e

mpolelala gore ke tlaa nna gone fano, se se tlaa diragalang. Ke lo bolelala ka ga gone, mme ga tloga Yone... Letsatsi lengwe golo ko nokeng, pele ga bodiredi bo ne bo simolola, tsosoloso ya ntlha, O ne a bonagala mo mawaping, a Ikaya a bo a neela thomo. Mengwaga yotlhe ena ke nnile ke go fitlhile mo pelong ya me, ke sirile Keresete, Pinagare ya Molelo e e tshwanang e phutholola Lefoko, jaaka go sololeditswe. Re mo motlheng wa bofelo, fela go Tla ga Morena. Mme fa o iphitlhela kwa ntle ga lesire leo, e leng gore ke loso go nna fa ntle, a wena ka tumelo, mosong ono, o tlaa re, “Ka thuso ya Modimo. Le ka thuso ya Gago, Morena, ke batla go thuba go ralala lesire leo. Ke batla go tsena kwa O leng gone, go bona Lefoko le le feletseng la Modimo?”

<sup>363</sup> O sekwa leka go nna Moshe. O sekwa leka go nna Arone. O sekwa. Nna fela yo wena o leng ena, fela o nne Mokeresete.

<sup>364</sup> A lona, ka ditlhogo tsa lona di obilwe, lo tlaa tsholetsa diatla tsa lona ko Modimong, mme lo re, “Morena Modimo, nthuse ka mo teng ga lesire”? Modimo a go segofatse. Modimo a go segofatse. Moo ke, lebang fela diatla!

<sup>365</sup> Kwa ntle, gakologelwa, nka nna ka sekwa le goka ka bona seatla sa gago. Gone ga go—gone ga go mo go nang le boleng thata gore nna ke se bone, le fa go le jalo; gone ke, Modimo. Gone go le esi, mo go nna, go ntira fela ke bone gore Pe—Peo e wetse golo gongwe, mme, fela Modimo o bona pelo ya mmannete.

<sup>366</sup> Fa go na le bangwe ba ba sa tsholetsang diatla tsa bona, ba ba tlaa ratang go se tsholesa jaanong, tsholetsang diatla tsa lona mme lo gopolweng mo thapelong. Tsholetsang diatla tsa lona. Modimo a go segofatse. Go siame. Modimo a go segofatse.

<sup>367</sup> Rara, re a rapela gompieno gore bana, Morena, ba ba iseng ka nako e ba fete lesire leo. Bona ba eme golo foo jaaka Iseraele; ba lebeletse. Ba a dumela, fela bona ga ba ise ba thube go tsena ka mo Lena le fa go le jalo, go bona Lesedi le legolo leo la Shekhaena, tsoopedi ka semowa le ka senama, le fa gantsi e le gore leithlo la sedirisiwa la sekapa ditshwantsho le tlhola le kapa setshwantsho; fela dibeke di le pedi tse di fetileng, le ne la Le bona gape. Wena o a Itshenola, Morena, Modimo yo o Maatla a siroletswe modumedi; a santse a sirilwe ko modumologing, fela a sirogile ko modumeding.

Mma bona ba thube go feta, gompieno, Morena, go bona bontle le Kgalalelo e kgolo ya Gagwe. Mma dipelo tsa bona di fetolwe pele ga le e leng re boela mo kerekeng ena bosigong jono. Mma botlhe ba tladiwe ka Mowa wa Gago, Bolengteng jwa Gago. Mma Moruti a tseye tumelo eo e ba nang le yone, a e dirise go kgabaganya Lefoko; mma molodi o boe, “Wena o nnile wa laolelwa, pele ga motheo wa lefatshe, go dumela Sena. Dumela, Ngwanake, mme o bolokesege.”

<sup>368</sup> Rara, Modimo, re ba neela ka mo diatleng tsa Gago jaanong, re lemogang gore ga go sepe se sengwe se re ka kgonang go se

dira. Gone gotlhe go ka mo go Wena jaanong, Rara. Ke ba neela Wena. Mo Leineng la Jesu Keresete, Morwao. Amen.

Ke a Mo rata, ke . . .  
 Ka gore . . . nthatile pele  
 Mme a reka pholoso ya me  
 Mo setlhareng sa Golegotha.

<sup>369</sup> A lo a Mo rata? [Phuthego ya re, "Amen."—Mor.]

Kgakgamatso, kgakgamatso, Jesu o jalo mo go nna,  
 Mogakolodi, Kgosana ya Kagiso, Modimo yo o Maatla ke Ena;  
 O a mpholosa, a nkanelo mo boleong le ditlhong tsotlhe,  
 Morekolodi wa me o a gakgamatsa, bakang Leina la Gagwe!

Gangwe ke ne ke timetse, jaanong ke bonwe, ke gololegile mo kotlhaong,  
 Jesu o neela kgololo le polokesego e e feletseng;  
 O a mpholosa, a nkanelo mo boleong le ditlhong tsotlhe,  
 Morekolodi wa me o a gakgamatsa, bakang Leina la Gagwe!

Ao, kgakgamatso, kgakgamatso, Jesu o jalo mo go nna,  
 Mogakolodi, Kgosana ya Kagiso, Modimo yo o Maatla ke Ena;  
 Ao, a mpholosa, a nkanelo mo boleong le ditlhong tsotlhe,  
 Morekolodi wa me o a gakgamatsa, bakang Leina la Gagwe!

<sup>370</sup> Ke ba le kae ba ba Mmonang a eme, Mofenyi yo o Maatla, Lefoko le dirilwe nama, a sirolotswe mo pele ga rona; Alefa, Omega; Ena yo neng a le Teng, Yo a leng Teng, le yo o Tla Tlang; Modi le Lotsalo lwa Dafita; a neng a le Morwa motho, Morwa Modimo, Morwa Motho, mme o tlaa nna Morwa Dafita? Lo Go dumela ka pelo ya lona yotlhe? [Phuthego ya re, "Amen."—Mor.] A Itshirololola mo pakeng nngwe le nngwe ka nosi, a tlisitswe ko modumeding, a Itshira mo nameng ya motho ko go modumologi. O fitlhegile fa morago ga lesire. Mma Modimo a kgaole lesire lengwe le lengwe, mme rona re Mmone jaaka Ena a le ka teng!

Jesu o kgaola kgole nngwe le nngwe,  
 Jesu o kgaola kgole nngwe le nngwe,  
 Ao, Jesu o kgaola kgole nngwe le nngwe,  
 Fa A go golola!

Kwa moseja ga Jorotane,  
 Ko madirelong a a botshe a Etene  
 Kwa Setlhare sa Botshelo se thunyang gone,  
 Go na le boikhutso jwa me.

Jesu o kgaola . . .

A ga lo batle go kgabaganya Jorotane jaanong? A nako ga e boleele jo bo lekaneng mo nageng? A re yeng ka kwa ko ditsholofetsong!

Jesu o kgaola kgole nngwe le nngwe,  
 Jesu o kgaola kgole nngwe le nngwe,  
 Ao, fa A go golola!

<sup>371</sup> A re tsholetseng seatla sa rona jaanong.

Ke tlaa tlhola, ke tlhola ke Mo baka,  
 Ke tlaa tlhola, ke tlhola ke Mo baka,  
 Ke tlaa tlhola, ke tlhola ke Mo baka,  
 Gonne O a nkogolola!

<sup>372</sup> Amen! A moo ga go go dire o ikutlwé o siame? [Phuthego ya re, “Amen.”—Mor.] Ao, ka foo go gakgamatsang! Ka foo go gakgamatsang, a Ena ga a jalo, fong? Mpe re dumedisaneng ka diatla le mongwe le mongwe jaanong, re re:

Jesu o kgaola kgole . . . -le nngwe,  
 Jesu o kgaola kgole nngwe le nngwe,  
 Ao, Jesu o kgaola kgole nngwe le nngwe,  
 (Modimo a go segofatse, mokaulengwe.)  
 Ao, mme O a go golola!

Ke tlaa tlhola, ke tlhola ke Mo baka, (Modimo yo o Maatla)  
 Ke . . . (“Yo o tshwanang maabane, gompieno,  
 le ka bosaeng kae,” fela a fetotse popego ya Gagwe) . . . Mo baka,  
 Ke tlaa tlhola, ke tlhola ke Mo baka,  
 Gonne Ena (o tlositse ditumelo tsotlhe tsa kereke mo go nna) a nkgo . . . (go dumela Lefoko la Gagwe).

<sup>373</sup> Ao, a ga o kgone go utlwa Vaelene ya Moruti e goga go kgabaganya, seditse go kgabaganya Lefoko lena? O tshwana maabane, gompieno!

Ke tlaa tlhola, ke tlhola ke Mo baka,  
 Ke tlaa tlhola, ke tlhola ke Mo baka,  
 Ke . . . (Ena, Lefoko!) . . . tlaa tlhola, ke tlhola  
 ke Mo baka, (O dirile eng?)  
 Gonne O a (kwa morago ga sesiro) nkogolola!

<sup>374</sup> Pako e nne go Modimo! Ke a Mo rata. A ga lo Mo rate? [Phuthego ya re, “Amen.”—Mor.] A mona ga go Selegodimo? (“Amen.”) Ke rata dikao tseo tsa Lefoko, lo a bona, fela Mowa

o o Boitshepo ka tsela eo e e botshe, e e ikobileng. Ke—ke rata fela Seo. Ao, akanya fela!

Ka kwa letlhakoreng le lengwe la Jorotane, (Ke atamela foo jaanong)  
 Ko a botshe . . . (a go sa sweng) a Etene, . . . (Ke tlaa fitlhela eng koo?)  
 Kwa Setlhare sa . . . (se se neng se le ko tshimong ya Etene) se thunyang gone,  
 Go na le boikhutso jwa me.

<sup>375</sup> O batla go ya? O kgaola kgole nngwe le nngwe.

Jesu o kgaola (ngwao nngwe le nngwe) kgole nngwe le nngwe,  
 Jesu o kgaola kgole nngwe le nngwe (makoko mangwe le mangwe, ditumelo dingwe le dingwe tsa kereke),  
 . . . o kgaola kgole nngwe le nngwe,  
 Mme O a go golola!

<sup>376</sup> Pako a e nne ko go Modimo! Ke Mo rata fela. Ga e kgane Isaia ne a re, “Ena ke Mogakolodi, Kgosana ya Kagiso, Modimo yo o Maatla, Rara wa Bosakhutleng, yo o Gakgamatsang!”

Kgakgamatso, kgakgamatso, Jesu o jalo mo go nna,  
 Mogakolodi, Kgosana ya Kagiso, Modimo yo o Maatla ke Ena;  
 Ao, a mpholosa, a nkanelo mo boleong le ditlhong tsotlhe,  
 O a gakgamatsa, Morekolodi wa me, bakang Leina la Gagwe!

<sup>377</sup> Ijoo! Seo se gakatsa pelo ya me. Ka foo A gakgamatsang ka gone! Ke a go bolelela, ga go na bokhutlo mo go Sena. Gone, ke tlide mo go Sena mengwaga ena e masome a mararo le boraro e e fetileng, ke ikutlwa ka tsela e. Mme fa A diega, letsatsi lengwe ke ile go tswala matlho a me, nna ke ile go tswa ka tsela e e tshwanang. Amen!

Kgakgamatsang, kgakgamatsang, Jesu o jalo mo go nna,  
 Ena ke Mogakolodi, Kgosana ya me ya Kagiso, Modimo Mothata ke Ena;  
 O a mpholosa, O nkanelo mo boleong le ditlhong tsotlhe,  
 O a kgakgamatsa, Morekolodi wa me, bakang Leina la Gagwe!

<sup>378</sup> Nka tlhola fano letsatsi lotlhe, mo go Seo. Paulo ne a re, “Fa ke opela, ke tlaa opela mo Moweng.” Uh-huh. “Fa ke rera, ke tlaa rera mo Moweng. Fa ke tsamaya, ke tlaa tsamaya mo Moweng. Fa ke bua, ke tlaa bua mo Moweng.” Mpe sengwe le sengwe se diriwe

ka Lefoko le ka Mowa. Ee, rra. Amen! Gotlhe ke Boammaaruri jwa Modimo.

<sup>379</sup> Ke a Mmona, Modimo yo o Maatla, a sirolotswe. Ke Mmona a gogela ditumelo tsa kereke morago, makoko; a gogela morago ba—babelaedi, dithulaganyo tsa thuto, le sengwe le sengwe; tsamaela pele, o eme foo. Lo akanya gore ditumelo tsa kereke di ka kgona go Mo fenza? Lo akanya gore makoko a ka kgona go Mo fenza? Lo akanya gore Lekgotla la Lefatshe le ka kgona go Mo fenza? O fentse sengwe le sengwe, a kgaola kgole nngwe le nngwe, a kgagola bobipo jwa bulega; a roba go tlosa sekano, a tsena ka mo Boitshepong jwa Maitshupo; a Itshirorolela rona, a leng Lefoko, yo o tshwanang maabane, gompieno, le ka bosaeng kae. Amen. Ke a Mo rata.

<sup>380</sup> Jaanong, go tsamaya re kopana maitseboeng a motshagare ona, re batla go dira selo se le sengwe, se e leng go:

Tsaya Leina la ga Jesu le wena,  
Ngwana wa bohutsana le wa matlhotlhapel;  
Le tla go naya boitumelo le kgomotso,  
Ao, Lo tseele gongwe le gongwe kwa o yang.

Leina le le ratiwang thata, Ka foo le leng  
botshe!  
Tsholofelo ya lefatshe le boitumelo jwa  
Legodimo;  
Leina le le ratiwang thata . . . (Eya, ke setse, ke  
na le tsone.) . . . Ao ka foo le leng botshe!  
Tsholofelo ya lefatshe le . . . ? . . . )

<sup>381</sup> Fa Satane a leka go go raela, gore wena ga o a leba ko selong se se siameng, mo supetse ko Lefokong jaaka Jesu a ne a dira. Lo a bona? Lo a bona? Amen!

Kwa Leineng la ga Jesu re obamela,  
Re wa re rapalala ka difatlhego mo dinaong tsa  
Gagwe,  
Kgosi ya dikgosi ko Legodimong re tla Mo  
rwesa korone,  
Fa mosepele wa rona o fedile.

Leina le le ratiwang thata, Leina le le ratiwang  
thata!  
Tsholofelo ya lefatshe le boitumelo jwa  
Legodimo;  
Leina le le ratiwang thata, Ao ka foo le leng  
botshe!  
Tsholofelo ya lefatshe le boitumelo jwa  
Legodimo.

<sup>382</sup> Billy o tlaa bo a le teng, go batlile go nna nako ya borataro, a neela dikarata tsa thapelo ko go bao ba ba batlang go tla mo moleng wa thapelo. Ke akanya gore go botoka re go dire. Re ne

re sa tle go go dira, fela, e leng lesomo, go botoka re go dire, lo a bona.

<sup>383</sup> Jaanong le Mo gopoleng! Lo tlhole lo Mo gopotse mo monaganong wa lona, ka mo dipelong tsa lona. Le fa e le kae kwa le yang gone, lo a bona, lo gopole Jesu ka mo monaganong wa lona.

Tsaya Leina la ga Jesu le (jaanong reetsa) wena,  
Jaaka seiphemelo mo seraing sengwe le  
sengwe; (go diragalang?)

Fa dithaelo di kokoana go go dikologa, (o  
tshwanetse o dire eng?)

Hema fela Leina leo le le boitshepo mo  
thapelong.

Leina le le ratiwang thata, Leina le le ratiwang  
thata, Ao ka foo le leng botshe!

Tsholofelo ya lefatshile le boitumelo jwa  
Legodimo;

Leina le le ratiwang thata, Ao ka foo le leng  
botshe!

Tsholofelo ya lefatshile le boitumelo jwa  
Legodimo.

<sup>384</sup> A re obeng ditlhogo tsa rona jaanong. Ke ile go kopa modisa phuthego fa a tlaa tla a bo a phatlalatsa bareetsi. Mokaulengwe Neville, Modimo a go segofatse, Mokaulengwe Neville. 

*Go SIROLOLWA GA MODIMO* TSW64-0614M  
(The Unveiling Of God)

Molaetsa o ka Mokaulengwe William Marrion Branham o ne wa rerwa la ntlha ka Sekgowa mo mosong wa Letsatsi la Tshipi, Seetebosigo 14, 1964, kwa Motlaaganeng wa Branham ko Jeffersonville, Indiana, U.S.A. O tserwe mo theiping ya makenete mme wa gatisiwa ka Sekgowa o sa khutswafadiwa. Phuthololo e ya Setswana e ne ya gatisiwa le go abiwa ke ba Voice Of God Recordings.

TSWANA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)